

天下大川莫如河江其源皆來自蠻夷荒忽遼絕之域

累數萬里而後至中國以注於海今禹之遺書所謂岷

積石者特記禹治水之迹耳非其源果止於是也故爾

雅謂河出崑崙虛而傳記又謂河上通天漢游至蜀窮

江源則自蜀岷山以西皆岷山也地斷壤絕不復可窮

河江之源豈易知哉古之學者蓋亦若是惟其上探處

義唐虞以來有源有委不以遠絕不以難止故能卓然

布之天下後世而無媿凡古之言者皆莫不然自漢以

下雖不能如三代盛時亦庶幾焉宋興諸儒相望有出

漢唐之上者道建炎紹興間承喪亂之餘學術文辭猶

不媿前輩如故紫微舍人東萊呂公者又其傑出者也



國立中央圖書館, NATIONAL CENTRAL LIBRARY, TAIWAN, R.O.C.



公自少時既承家學心體而身履之幾三十年任愈躋  
學愈進因以其暇盡交天下名士其講習探討磨礱浸  
濯不極其源不止故其詩文汪洋閎肆兼備衆體間出  
新意愈奇而愈渾厚震耀耳目而不失高古一時學士  
宗焉晚節稍用於時在西掖嘗兼直內庭草趙丞相鼎  
制力排和戎之議忤秦丞相檜秦公自草日曆載公制  
辭以爲罪而天下益推公之正公平生所爲詩既已孤  
行於世嗣孫祖平又盡哀他文凡若干首爲若干卷而  
屬游爲序游自童子時讀公詩文願學焉稍長未能遠  
遊而公捐館舍晚見曾文清公文清謂某君之詩淵源  
殆自呂紫微恨不一識面游於是尤以爲恨則今得託

名公集之首豈非幸歟慶元二年九月既望中大夫提  
舉建寧府武夷山冲佑觀山陰陸游謹序

東萊先生詩集卷第一

暮步至江上

客事久輸鸚鵡杯  
春愁如接鳳凰臺  
樹陰不礙帆影過  
雨氣却隨潮信來  
山似故人堪對飲  
花如遺恨不重開  
雪籬風榭年年事  
辜負風光取次回

呂本中居仁

題張君墨竹

崇寧五年宿州

張卿畫竹今成癖  
笑語揮毫不作難  
歛見高標起蕭瑟  
坐令炎暑變荒寒  
筆頭似有千年韻  
胸次猶須萬斛寬  
歲晚雪霜君記取  
此君懷抱要重看

陰

涼風森爽遽如許  
天氣蕭條殊未佳  
密徑留陰團桂竹





東萊先生詩集卷第一

暮步至江上

呂本中居仁

客事久輸鸚鵡杯  
春愁如接鳳凰臺  
樹陰不礙帆影過  
雨氣却隨潮信來  
山似故人堪對飲  
花如遺恨不重開  
雪籬風榭年年事  
辜負風光取次回

題張君墨竹

崇寧五年宿州

張卿畫竹今成癖  
笑語揮毫不作難  
歛見高標起蕭瑟  
坐令炎暑變荒寒  
筆頭似有千年韻  
胸次猶須萬斛寬  
歲晚雪霜君記取  
此君懷抱要重看

陰

涼風森爽遽如許  
天氣蕭條殊未佳  
密徑留陰團桂竹





敗畦藏雨闕蛙暮碧雲莫合人千里丹鳳  
唯有雙叢庭下菊殷勤還作去年花

天一涯

符離諸賢詩

窮居日荒涼杜門與世絕親故日夜疎詩書固宜缺符  
離雖陋邦賢士稍羅列德操青雲器議論輩前哲外貌  
發英華中心瑩冰雪介然特立士勁氣剛于鐵攘臂辯  
是非孰能逃區別信民粹而和名利誠難悅汨沒稠人  
中獨抱雲松節偉哉二三子寔乃邦家傑我來從之游  
內顧慙疎拙欣然對二益放懷歌數闋已矣不須言渠  
當爲君說

德操克之皆約九月間見過今皆未至扶杖出

門悠然有感

病著文書懶出門偶扶藜杖看行雲屋頭日在轉花影  
水面風來散縠紋不厭莫城千嶂合稍令明月萬家分  
小庭留得清秋在已見霜紅未見君

游劉氏園

大觀元年宿州

暖日溫風破淺寒短青無數簇幽蘭三年止酒償春意  
可忍花梢戴面看

上元

步屨荒園日已昏呼兒當徑掃苔痕春愁不作游人地  
細雨殘梅過上元

柳



舍烟帶雨過平橋  
嫋嫋千絲復萬條  
張今當年緣底事  
風流才似女兒腰

喜雨

天乞幽人一夜涼  
故教微雨送斜陽  
暝陰籠樹山更好  
爽氣侵人土自香  
多病不眠惟藥裹  
居閒長坐只繩牀  
五年謬作江湖客  
幾對鱸魚憶故鄉

舍東舊有花數百株  
自去歲大雨道路阻絕  
不可復尋感歎成詩

無數新花替舊叢  
兔葵高臥占春風  
向來桃李成蹊處  
今在陂塘渺莽中

送文潛歸因成一絕奉寄

水天空闊片帆開  
野岸蕭條送騎回  
重到張公泊船處  
小亭春在鎖青苔

謝人送牡丹

晚風初染嫩鵝黃  
小雨仍添百和香  
折與病夫元一作不  
稱玉瓶留待冶游郎

宿州初暑

暑氣侵人始欲愁  
簟瓢窮巷不堪憂  
亂蟬咽雨林塘靜  
密徑吹花草樹幽  
春盡茅簷深著燕  
日高田水故飛鷗  
莫欺湫隘無餘地  
待借元龍百尺樓

夏日書事

小行畏蛇蝎  
端坐困蚊蚋  
終日方丈間  
茫然

豈



唯供病本兼恐添藥費小園新雨餘疏畦共  
飽聞  
磨門柳清陰妙無對便思攜杖往行歌當游  
千秋陶  
淵明此意渠亦會

寄吉州若谷叔

念我江西老斲輪久無漫鼻與揮斤千金莫買蛾眉笑  
留寄溪堂病主人

溪堂無逸所居也是時聞無逸窮甚而吉州俸稍增故有此語

寄汪信民

時信民在京師有宗子博士之除

萬里江南雨外船長腰杭米縮頭編廣文繫馬無由去  
更有何人贈酒錢

同諸子游城東園

昔聞城東園欲往常不款今來天氣佳茶甌起衰嬾杖

藜出門去如膜開病眼木葉犯新霜瓜田帶餘暖川源  
疑有無風雲遞舒卷不期魚鳥會偶逐鷗鷺遠淺水亂  
菰蒲荒亭秀苔蘚青山近在望更悟秋意晚同行二三  
子詩語各蕭散不愁罰觴難苦恨白日短千秋高陽池  
令人憶山簡

楊道孚墨竹歌

君不見渭川之陰臥龍橫千秋貌取者誰文湖州十年  
筆意閉黃壤只今妙手唯楊侯楊侯畫竹盡真跡功奪  
造化令人愁滿堂回頭看下筆擾擾雲烟亂晴日大叢  
縱橫高入雲斜風落葉秋紛紛小叢敲傾病無力旁水  
長根走蒼石門前車馬汗成川何得清風動高壁楊侯



嘻笑辭未工此意不與丹青同數  
無一錢費酒炙  
能使千家空韃材遠寄動盈屋我  
子畫無由窮剡溪  
寒藤不難致須君放手為雙叢須君放手為雙叢與我  
俱隱南山中

謝無逸秦處度諸人皆許省試後見訪冬夜有  
懷作此詩寄之

八年去東都觸事無一好沈緜淹歲時憂虞滿懷抱欲  
歸故里間稀復舊耆老悠悠歲欲盡忽忽身向老小堂  
佳有餘所恨來不早飢蟲語夜霜疎星亂衰草支撐壞  
壁高側轉寒木小詩書久棄置詞林迹如埽佳人何時  
來路遠音信少庭前冬開花扶杖起千繞春風回馬首  
清尊待君倒先期留酒錢仍須具梨棗

歲晚

野竹新開徑疎籬自著行暮寒一作雲收雨雪落日散牛羊  
生事顏公拙才名謝奕狂藥囊無奈汝春到莫相妨

晚步至江上

大觀二年真州

浦口生春綠未酣南山初見碧嶰巖風聲入樹翻歸鳥  
月影浮江倒客帆破甑不堪充酒券短蓑真欲換朝衫  
往來泥雨城南路可見輕鷗定不凡

訪晁進道歸

樹陰殘雪半成泥尚想狂花一尺圍小雨似酥  
盡  
澄江如練白鷗飛未辭酒炙為公費政恐親知見面稀



南市津頭行艤子無人識我醉中歸

怨歌行

借君手中板為君歌一辭辭中宛轉君不曉為君說盡  
長相思輕霜夜度吳城暖楓葉蘆花秋意晚萬里春隨  
驛使歸十年夢逐佳人遠當時笑語似兒劇象牀玉手  
無消息古岸風江千里船咫尺春愁那得憐君不見信  
陵門下客侯嬴不用今頭白

雪盡

大觀二年宿州

雪盡寒仍在園荒春欲歸晴空落雁小古木聚鴉稀肺  
病猶堪酒囊空合典衣碧雲愁不見千里故山薇

三月一日泊舟宿州城外因縱步至城北遂過

天慶觀道士留飲乃歸

冰霜連暮春既雨寒愈重扁舟纜荒亭淺水咽微凍今  
晨稍和柔始覺芳意動經旬厭拘束樂事須一縱籃輿  
無俗情鴟夷當賓從千花犯濃雲紅紫相餞送未知滕  
薛長乃若鄒魯閨娉婷北門柳別淚作淒痛陵陂少荒  
蕪亦未妨耕種道人喜我來清談破昏夢彈琴不須絃  
風林助吟諷嫩玉擣香杭浮蛆撥春甕嘉蔬翦朝露奇  
果市新貢西鄰亦可人明牕碾雙鳳人生一飽適此外  
更何用七年城北交事與朱阮共長詩不成篇臨行當  
三弄瓊瑤報木桃為子末

宿青陽驛



燈火客帆盡人烟村市幽晚風號古木高岸東黃流物  
色淮山近春光霧雨愁樓遲舊游地來豁十年憂

游南山歸簡張嘉父博士

吾生復何往樂事亦忽忽寶塔千帆外春城萬壑中亂  
花緣側逕一作岸晚照落斜空坐想西倉老掀髯一笑同

書懷

拄腹文章未補飢積瘵潛塊不堪悲兒曹怪我疎愚甚  
不見田光盛壯時

客居書懷奉寄介然若谷才仲兼簡信民

客愁如長河浩蕩去不息未來已相關千里在咫尺抱  
疾寄他鄉終年守岑寂中虛耗神志內熱損筋力長虞

二豎嬰復有寒餒迫怪渠甑上煙媿爾囊中帛平生所  
讀書已如不相識坐貽鄉黨笑敢辭塵埃沒舊游今幾  
時轉盼忽陳迹死者不復見墓草春已碧生者天一涯  
未免陳蔡厄兒曹乳臭在瞑目分黑白雖無未見書頗  
多雌黃筆出言輒周孔而不辨菽麥啾啾要酬和內顧  
頗牽率坐令懷抱惡更覺天宇窄忽忽十年事俯仰同  
戲劇從來肺腑親翻手胡與越獨餘二三子肝膽猶鐵  
石尚怪東郭貧亦訝懷祖黠西軒來何時簞瓢共飢渴  
念君不能已一飯再三噎誰能明予心皎皎霜夜月

小園

小園常在眼春事已天涯雨暗隄前路苔深林外家曲



池通小徑密樹隱殘花長媿鄰翁酒囊空尚可賒

謁雍道士

雍有古畫甚眾盡為郡掾  
取去雍游貴人門甚熟

紛紛乾沒混泥沙

一作不

遣塵言挂齒牙妙畫

一作手

已歸三

語掾壯游空記五侯家古壇背日藏芳草小樹留春放  
晚花能共山翁同活計隔林分聽一池蛙

春日即事二首

隱几虛堂俗客稀片心真與道相宜風搖柳帶千絲亂  
雨勒花心十日期瘦病纔蘇休強酒良辰雖好少題詩  
賈生詞賦常流落歸去來兮在幾時

病起多情白日遲強來庭下探花期雪消池館初春後  
人倚闌干欲暮時亂蝶狂蜂俱有意兔葵燕麥自無知

池邊垂柳腰肢活折盡長條為寄誰

寄前鎮西楊法曹

揚子文章老更新狂吟寡和過陽春雙聲疊韻俱難敵  
指物程形似有神畫馬已無韓幹肉草書真得伯英筋  
可憐一首閒居賦解道連蜷能幾人

飲酒

人生百歲能幾何顧我把酒胡不歌窮通大抵夢南柯  
我復夢中多蹉跎自古英雄亦何有往事紛紛如酒  
嗟予真得酒中趣幾度尊前揖星斗病起槐陰鸚已老  
今日相逢還草草忽忽數日是行人且向尊前一傾倒  
人生樂事亦難并明月清風況都好



讀史

陳壽謂諸葛將略非所長私恨寫青史千古何茫茫謗  
議終自破公論不可當是非儻可定青蠅果何傷

戲呈七十七叔

大阮愛我詩謂我能詩矣我詩來無極愛之終不已吾  
非聖者也但智慮多耳賜始可言詩吾智由商起

偶作

去年芳草又萋萋休歎王孫猶未歸更見春深送春鴈  
三三兩兩傍雲飛

謁陶朱公廟

悠悠千載五湖心古廟無人鎖綠陰為問功成肥遯後

不知何術累千金

睡

終日題詩詩不成融融午睡夢頻驚覺來心緒都無事  
牆外啼鶯一兩聲

夢

夢入長安道萋萋盡春草覺來春已去一片池塘好

讀陶元亮傳

我愛陶彭澤解言歸去來醉眠猶遣客却使世  
我愛陶彭澤不求絃上聲琴中如有趣曾遣幾人聽

寄壁上人

出門厭交情袖手看世故紛紛駒隙忽忽豹隱霧生

人猜

過



平喜退縮未到心已悟尚餘好事人相就討新句雖非  
琢肝腎終自費調護君看雪霜根豈受桃李妒胥疏老  
支離骯髒舊賓傳何繇兩行纏遠泛一大瓠從君乞妙  
語一洗詩酒污

寄壁公道友

符離城裏相逢處酒肉如山放手空已見神通過鶯子  
未應鮮健勝龐公且尋扇子舊頭角一任杏花能白紅  
破箬笠前江萬里無人曾識此家風

用前韻寄商老

先生昔據道一作通玄峰咳唾珠玉家為空只今江西二三  
子可到元和六七公雙鬢只期他日白千花猶是去年

紅須君吸盡西江水不假扶搖一作鵬搏萬里風

又寄無逸信民

文字撐腸不療窮詩來想見左書空雖非問道睹狂屈

壁公數譏二子學道不進猶勝道書訪子公銀杯久拚浮大白桃花且

看舒小紅記取浮杯無刺語他年說似馬牛風

奉答壁公兼簡諸友

江山取別太忽忽對面難尋一段空顧我自無樣

如君合是黑頭公客鹿滾滾催前浪俗眼紛紛替舊紅

炙日茅簷那接膝重來肯借一帆風

得李去言詩次韻答之

歌呼屢回曹相國牋書或似魏司空半生懷抱向餘子



千載風流獨此公未用反身藏白黑更須著眼辨青紅  
無人與助求田費雅稱謝家林下風

督山伯蕭遠和詩并示舍弟

愛閒多病老封戎看子垂天上碧空嬾惰未須攀此老  
典刑政爾賴諸公鬢如震澤三春綠詩似芙蓉五月紅  
坐此逃禪夫可恕不應獨許我乘風

用寄壁上人韻寄范元實趙才仲及從叔知止

兼率山伯同賦

故人瓶錫各西東吾道從來冀北空病去漸于文字嬾  
南來猶覺歲時公江回夜雨千巖黑霜著高林萬葉紅  
政好還家君未肯莫教慚媿北牕風

是時范元實游蜀未歸知止得官潁川趙才仲在郢

久不聞耗三子皆奇士故以北窓風諷之

夜作呈諸公

風江舞暮帆野一作遠樹散歸鳥寒燈上壁角疎星綴林杪  
歸來靜無事獨坐搜點橐放筆有新功無人與傾倒不  
知新恨多但覺舊愁少石鼎倚殘爐茶煙看清裊明朝  
尋酒錢折簡喚諸老

東萊先生詩集卷第一



東萊先生詩集卷第二

呂本中居仁

山陽寶應道中與汪信民兄弟洪玉父杜子師  
張益中日夕過從自過高郵不復有此樂也因  
作此詩寄懷

日日南風沙打圍挂帆端為故人回長空渺渺水無際  
遠樹冥冥花自開疾病久辜鸚鵡杓江山稍近鳳凰臺  
月明雪霽山陰道尚想王郎乘興來

李太白有鸚鵡杯鸚鵡杓  
二物名雖異其用則一也  
故得借用亦以  
發諸公一笑

春日

春風未雌雄尊酒自賢聖燕巢樓閣間鶯語花柳靜  
知止歎傲軒



東萊先生詩集卷第二

呂本中居仁

山陽寶應道中與汪信民兄弟洪玉父杜子師  
張益中日夕過從自過高郵不復有此樂也因  
作此詩寄懷

日日南風沙打圍挂帆端為故人回長空渺渺水無際  
遠樹冥冥花自開疾病久辜鸚鵡杓江山稍近鳳凰臺  
月明雪霽山陰道尚想王郎乘興來

故得借用亦以發諸公一笑

李太白有鸚鵡杯鸚鵡杓二物名雖異其用則一也

春日

春風未雌雄尊酒自賢聖燕巢樓閣間鶯語花柳靜  
知止歎傲軒



貪夫九鼎猶不足淵明一軒長有餘人生趨向等天壤  
鷓鴣嚇腐鼠猜鷓鴣雛中郎妙處世不識風期自與常人殊  
開軒便有千載韻友葛天氏無懷徒坐看松菊換時節  
兔葵桃樹紛榮枯五年却走各南北千里懷想空煩紆  
雙魚沈浮久不至三徑寂寞今何如文章潦倒付丘壑  
疾病蹭蹬思江湖何時共坐北風裏煩君小摘園中蔬  
暑夕乍涼二絕

三旬埃鬱得清風領袖猶翻汗摺紅已是夢清無俗夢  
更移涼簟月明中  
暮蟬蕭瑟下斜陽已似茅簷氣味長團扇未須憂棄置  
竹奴猶可助清涼

寄知己二絕

少年樂事未全諳疾病侵凌已不堪尚喜步兵頻入夢  
夢中猶復似曹南

竹林還往風流絕剡縣交游氣味疎今代高人多惜費

千金未抵一行書

去秋知止與石子殖皆  
許見過已而俱不來

游北李園三絕

雨映煙籠萬竹蟠枯條高下不堪看非千秋後多霜露  
自是芙蓉不耐寒

去馬來舟絕往還此中情味却相干明年知是明寒食  
待約花梢月下看

壁間詩字有凝塵庭下梅梢又作春獨有城南教授



當時同是看花人

游北李園

小徑縱橫出紫苔綠陰高下綴黃梅榴花却是多情思  
留宿薰風未肯開

寄李愬去言

東南之望廬山英李郎落落奇後生鳳凰麒麟在郊藪  
芝蘭玉樹生階庭文章初如濫觴水行見萬里通滄溟  
汪侯愛君筆不停謂君詩似秋風清世間兒子甘縮手  
蘇過趙柵俱抗行少年才氣乃如此後來定是賢公卿  
伊首先朝文物盛君家諸父當朝廷外兄復是不世才  
奇祥異瑞相輝映翻雲覆雨十年後昏昏醉夢須君醒

我生未壯日向衰疾病侵凌心已灰眼中之人不易見  
千變百技常追隨詩書深藏半鼠矢筆墨高臥封蛛絲  
功名已矣付公等田園肯放吾先歸

贈汪莘叔野

汪子宦不達四海漫聲名有弟極磊落氣宇和而清三  
冬文史足十年書劒成出言見懷穎府庫森五兵於身  
則已拙泛如池中萍輕肥置度外辛苦抱遺經乃知佳  
子弟必由賢父兄念子初來時我方疾病嬰相從四寒  
暑所歷不可聽昏昏醉夢裏得君時醒擁爐共殘火  
軟語當杯鎗君亦不我厭為我雙  
勿云軀幹小氣吞橫海鯨懸榻念文舉開徑憶淵明二子風流遠感君



兄弟情窮通有時節此士爾勿輕

新冬

西風吹禾黍落日在陋巷杖藜訪新冬霜樹眇空曠人  
煙村舍西行旅古原上晚山晴更好秀色常在望居閒  
得真趣日欲就疎放豈惟憎俗徒庶自免嘲謗東鄰酒  
初熟清香亂盆盎徑須騎牆頭挈榼獻窮狀吾生足羈  
旅久病非少壯銀杯多一作驚羽化布帆且一作保無恙雖非陶  
潛隱不負徐邈暢

贈謝無逸

君不見城南千樹桃君不見澗底百尺松松生偃蹇臥  
霜雪桃李一笑隨春風百年澗底終自若桃花猶得暫

時紅嗚呼志士每如此衡門高臥不見用心雖無瑕飢  
欲死

贈張若虛

病憶江湖去書無尺寸工平時窶人子忽是富家翁活  
計呻吟裏交情夢寐中獨於張處士相近數過從

贈信民

五年客符離端坐受貧病從來疎出門今乃嬾成性官  
多豪富郎分明與時競取醉不論錢定無塵生甑豈但  
相娛樂頗復自賢聖汪侯雖官居笑語怯折腰衆  
人後瓊林自輝映背後足官府眼前謬偷閑過草  
堂遣興眯眼淨雖非醉紅裙清談却差勝秋高數能來



勿厭阻泥濘

符離之民難與居五年坐此如囚拘比屋生涯但剽劫  
諸生學問只鄉閭南鄰經年不相見北里雖見復麤疎  
窄衣小帽走塵土也復生貌施襟裾對此自然憂氣滿  
疾病日益何由除君不見圖經所記又可哀此州自古  
無賢才

探梅呈汪信民

縞帶銀杯欲著塵小園幽樹已含春風流王謝佳公子  
臭味曹劉入幕賓細系定無泥一作塵土浣暗香猶帶雪霜  
新剝摩挲腹搜奇句去惱城南得定人

奉懷張公潛舍人二首

顏子置身陋巷屈原放跡江湖何似我公歸去馬羸不  
厭長途

腕中有万斛力胸次乃千頃陂字畫顏行楊草文章韓  
筆杜詩

答無逸惠書

三年讀書少餘味燈火可親病爲祟謝侯好事憐我窮  
時遣雙魚問憔悴交情乃似親骨肉學行坐越諸公輩  
胷中萬卷書屈蟠少日力戰登詩壇下帷  
謝俗子  
凍吟不管兒號寒只今食粥已數月千慮百憂煩筆端  
高才本是棟梁器苦語終無儒生酸樂章短句又清絕



陶寫萬象嘲江山江南草木不得閑問君何為愁肺肝  
十年行坐想風采千里魂夢勞追攀我無良田歸不得  
忍窮氣味君應識囊貯未了歲寒計學道空愧琳與璧  
交親零落半鬼錄白日輕去真可惜終朝撥火煮蘆菹  
南山之南待君喫

寄知止才仲

一門叔父到君好中表弟兄推爾賢往事關心空自語  
新詩好句與誰傳溪山已近堪投老文史雖窮莫取憐  
仲弟墓頭今宿草為渠先賦補亡篇

寄張益中

五年望張子兀坐四壁空今晨千里來如熱濯清風笑

談不改舊憐我衰病攻斯人舊豪氣頗似陳元龍只今  
更省事終歲兩頰紅何如珊瑚樹却倚塵埃中晁侯夙  
所敬見渠如見公網羅枝出脚遠逐冥冥鴻同會得玉  
郎敲門夜相從殷勤杯酒目送西歸鴻人生少如意  
此樂難再逢君家老季鷹高韻留吳淞風流遠孫在一  
權何時東不嫌道里遠為客略從容

元日贈沈宗師四首

大觀三年真州

東家起傳觴西家起相喚我亦了新詩成此奇一段念  
無毫髮益但見日月換出門語沈郎造請我亦漫  
念昔從諸賢關汪老耆舊是事今則無斯人亦難又爾  
來見公子却立兩公後不倦以終之可以為子壽



沈郎固可人好善乃天性迹隨萬事遠心與一物定蕭  
然四立壁筆墨自溫清更持孟賁勇少折楚士脛  
君無綺紈氣我有冰雪容相期五石瓠共濟萬里風江  
山秀句在內子空洞中還身視塵滓當有一日功

梅

南雪看未穩北風吹已殘才堪十年夢不稱一生酸日  
月方回首風霜與凭闌遲明出謝客頓覺帽圍寬

苦陰

破臘冬仍在逢正陰更頻寒流未解凍雪意欲妨春畏  
病還疎酒逃寒懶見人郊東小桃李還一作別是一番新

贈浹上人

一菴便送淵明老四海共傳摩詰詩本自妨人枕邊夢  
不能陪汝劒頭炊交游太半饑寒裏疾病中分少壯時  
西寺木魚東寺鼓三年三見浹闍黎

正月十二日夜作

春來消息未真傳久負蒲團一味禪燈火侵尋作佳境  
冰霜偃蹇過新年江聲悞落三更雨野色遙看萬斛船  
咫尺風光不相貸忍令好語到愁邊

咸安公主

漢朝公主歌黃鵠秦地佳人唱柳枝想見雲車度沙漠  
一杯潼酪酌明妃

明妃



秦人彊盛時百戰無逡巡漢氏夫中策清邊烽燧頻丈  
夫不任事女子去和親君王為置酒單于來奉珍朝辭  
漢宮月暮隨胡地塵鞍馬白沙暮旃裘黃草春人生在  
相合不論胡與秦但取眼前好莫言長苦辛君看輕薄  
兒何殊胡地人

正月十三日河隄上作

雨箸河堤柳箸煙小樓燈火又今年東風不與行人便  
留滯長亭十里船

昨日晚歸戲成四絕呈子之兼煩轉示進道丈  
疎燈欲盡漁商市小雨似開桃李顏一夜簷聲鳴瓮盎  
無人知我坐蒲團

臥疾

一作病

江邊久未回懶隨兒輩走塵埃天公尚有餘情

在肯放梅花自在開

春愁故故妨人樂舊蘇新苔不暫晴想見江郎閉船臥

滿川風雨報天明

晁郎白髮風流在肯伴香車作夜遨借問典衣充戲責

何如沽酒喚吾曹

上元夜招沈宗師不至聞已赴郡會作二絕戲  
之

燈火滿城公不來為公雕句洗塵埃春愁不到城西寺

更約梅花緩緩開

白酒紅燈稱意春知公未免踏黃塵繩牀好在休相憶



輸與瑯琊淡上人

淡上座求枯木菴詩戲成兩絕贈之

枯木菴中淡道人百年無影臥輪囷未須特地通身去  
放取枝條自在春

前身石霜後身淡如印印泥風去塵認得當時侍者意

無人知是密菴人

一作呂居仁

正月末雪中小酌

柳著河冰雪著船小桃應誤取春憐牀頭有酒須君醉  
又廢蒲團一夜禪

次韻張生

密菴居士渠不識齒髮則衰心未然樽下不知公子貴

酒中差覺孟生賢已吞舌本三千丈却住人間五百年  
觸忤風光君莫怪棒頭無地可逃禪

追成舊作

滿江風月一船霜無計留君只自狂燈火隔簾香隔坐  
無人知是竹枝娘

久不得才仲書因成二絕寄之

望大趙書如渴驥憶老汪膠無續弦看遍江南與江北

小屏微雨是斜川

小屏画淵明孟夏草木長詩

病去詩無一點塵亦知摩詰是前身憐君更似西江水  
合伴倚松菴裏人

晚晴



斜陽入花柳，渾欲不勝情。春事乃如此，病軀安得一作殊未平。  
尚堪衝宿酒，復作快新晴。荒簷足烏鳥，莫厭晚來聲。

連日與一上人會話密，菴清坐，附火乃有山居  
氣息因成。

春風吹茅簷，落日半花柳。餘寒盛氣來，佳辰爲誰有。公  
來但默坐，有味皆可口。端如列鼎食，衣被以醇酒。煩言  
不知要，實自費斗數。南泉山下人，了不計可否。山柴晚  
復燄，當爲一舉手。荒江甚汰寥，此味亦長久。不嫌薰病  
眼，重當爲公取。

一上人屢言瑯琊南塔之勝，予蓋樂之而未能  
往也。

二頃良田一畝宮，好山當自屬林公。須君留我卓錫地，  
安得颼颼萬壑風。

夜坐有懷

西還豈不好，本自乏周旋。道有魯一變，歲無官九遷。疾  
風驚半夜，惡況極今年。咫尺沙頭路，猶堪箸釣船。

晚春即事

春色不自惜，曉寒摧折之。殘花帶雨去，薄酒信風吹。尚  
有尋行債，初無了事癡。論詩得奇味，當使阿戎知。

廣陵道中寒食日

風雨屬連春，事休碧鱗三尺。薦行舟短牆，不見桃花面。  
付與長江自在流。



南來消息不真傳  
政恐相逢却未然  
何處青帘足沽酒  
粥香錫白是今年

就甯子儀求酒

鼻息咈然君莫驚  
飢腸渠自作雷鳴  
須公一勺羔兒酒  
伴我夜牕聽雨聲

東萊先生詩集卷第二

東萊先生詩集卷第三

呂本中居仁

廣陵

借韻戲用  
文潛體

往來六十里各是一江郊  
柳色團渦岸春風揚子橋  
好山當斷岸野鳥度空巢  
一任雷塘路暮天風雨號

沈宗師甚喜江梅而微貶醪醑因成一絕

淡綠衣裳玉作粧  
好風涼月自相當  
沈郎笑汝多情在  
不似江梅滿意香

勸張李二君酒

張侯好詩如好色不敢為主而為客  
李侯好酒如好詩心雖甚壯無人知  
兩侯風味俱不惡如芙蓉與木芍藥  
午牕留客看筆快曉枕無人猶睡著  
廣袖漸變天寶粧



南來消息不真傳  
政恐相逢却未然  
何處青帘足沽酒  
粥香錫白是今年

就甯子儀求酒

鼻息咈然君莫驚  
飢腸渠自作雷鳴  
須公一勺羔兒酒  
伴我夜牕聽雨聲

東萊先生詩集卷第二

東萊先生詩集卷第三

呂本中居仁

廣陵

借韻戲用  
文潛體

往來六十里各是一江郊  
柳色團渦岸春風揚子橋  
好山當斷岸野鳥度空巢  
一任雷塘路暮天風雨號

沈宗師甚喜江梅而微貶醪醖因成一絕

淡綠衣裳玉作粧  
好風涼月自相當  
沈郎笑汝多情在  
不似江梅滿意香

勸張李二君酒

張侯好詩如好色不敢為主而為客  
李侯好酒如好詩心雖甚壯無人知  
兩侯風味俱不惡如芙蓉與木芍藥  
午牕留客看筆快曉枕無人猶睡著  
廣袖漸變天寶粧



大字不作元和脚世人譏笑乃其分政是仍叔之子弱  
病夫坐隱無所求荒簷斷雨鳴春鳩爐煙未盡消百憂  
悵不緩帶從公游何時清江橫小舟與公一醉荻花秋  
却來密菴參牧牛

菴居

鳥語花香變夕陰稍閒復恐病相尋正應獨有江山分  
素字都無廊廟心堂上老親雙白髮門前稚子舊青衿  
兒曹不會菴居意古澗寒泉疑至今

小園即事

千花老無蹤衆草來可喜欣然得幽尋我亦病良已飛  
飛兩蝴蝶不悟塵土裏禽聲甚可人亦似相汝爾人生

貴愜志不必須甚美三年白沙詩已費千幅紙問君何  
所樂赤手費磨洗短屏看遠山心作千万里此豈畫者  
功實自一念起君當如是觀在此不在彼

登舟

夜雨曉猶滴怒風晴更吹已無行役念寧有別離悲舟  
楫三年路江山一月期東菴舊還往不廢百篇詩

張禕秀才乞詩

白蓮菴中張居士夢斷世間風馬牛風塵表物自無意  
神仙中人聊與遊張舊與前輩名士往還甚衆澄江似趁北城曉苦雨不  
放南山秋君當先行我繼往向吳亭東留小舟

效古樂府三首



君住一作家長江邊  
妾上長江去  
長江日夜流  
妾心終不改  
誰謂江頭人  
相思不相待  
東家石榴紅  
西家石榴紫  
俱是一種花  
同生不同死

讀太真外傳

上盡馬嵬路  
東風吹舊京  
乾坤已新主  
草木自秋聲  
錦韞千年恨  
皇輿萬里程  
寧知挽船士  
亦有別離情

簡甯子儀二絕

只恐老去被花惱  
更欲忘憂須酒澆  
何似山堂病居士  
閉門高枕過春朝  
新晴欲上南樓月  
柳可藏鴉水蘸牆  
無限客愁芳草裏  
不知風雨阻斜陽

書寄浹上人

曾中無一毫事  
筆下有千斛力  
走遍江南江北  
山滿堂禪和不相識

呈愚上人

不能歸續侍中貂  
遂有聲名伴老饒  
萬里更行看騾裹  
一枝才足賦鷓鴣  
詩囊硯礪君其漫  
藥裹侵尋我亦聊  
舉目雲天盡新語  
殷勤收寄一牛腰

贈浹上人一上人

君行南山南  
我行北山北  
不聞浴鵠白  
但見染絲黑  
老境欲垂垂  
快意須得得  
孰知百雉堅  
而有一日克  
浹如澹如澗底松  
縱老終不踣  
一如雲間鶴  
不復可羈勒  
我如千



里風遇此雨鴻鵠明珠脫氣翳曉日破昏塞宿障不盡  
除胸次猶筆墨君看說詩口乃是拔山力冷霜臥偃蹇  
歲月飽封殖誰能窺藩籬未易得闡闕政當斂光芒不  
必須緣飾一作政當磨其鋒共掃頰懣賊相從無何鄉敗衲衣破襪更令好  
事人妙語添一則

雨後月夜懷沈宗師承務

雨雲攬江色偃蹇破昏睡千花閉一作開紅紫妙見一室內  
披衣行夜永明月在船背微風過蕭瑟古柳立蒼翠脩  
然一蒲團堅坐覓詩對我生無南北所到意輒遂孰知  
十年游保此清淨退頗念城北人結友老杉檜漫隨長  
鉞歸甘作短檠棄出門萬里塗已駕安得稅何當持被

來把酒相就醉

秋夜示李十

晴鳩不時鳴雨鳩不暫歇相去跬步間屢見屐齒折寒  
泥擁衰草秋扇罷殘熱今晨好風景稍待屋頭月清光  
冷相照玉豔滿金玦喚客坐前牕文字相溲雪殷勤傍  
詩律未暇了麴蘖瀾翻談經口邂逅如意鐵我歌君輒  
書字字有行列不須陞桓嚴但要兵衛設譬如南山石  
琢齒當井渫真成一戰霸未可三鼓竭人生各涇渭世  
事亦勝薛高堂食肉人兩馬方躡鬣何知緼袍底猶有  
不安節

中秋日沈宗師約遊城西泥雨不果因成四十



字兼寄趙才仲

遂阻城西步兼懷雪上游長風掠歸燕苦雨憶鳴鳩月  
向誰邊好寒催社後秋傳杯有新韻能憶老兄不

桃花菊

嫩粉殷勤換淺黃鬱金叢裏見新粧已翻百疊紅衣潤  
更沐九回沈水湯

九日晨起

漸歇毆蚊手真成把酒天長河印曉月老木聚荒煙了  
了江山夢區區文字緣南階兩三菊極意作今年

王氏郊居

江山處處好落日極登臨雨續蔬畦潤風吹柿葉陰客

船頻上下水鳥故浮沈尚有南飛鴈丁寧可寄音

對菊

稚子尋花莫漫狂已知衰疾負重陽新霜有意留青蕊  
更放殘枝十月黃

雨後至江上有懷諸子

落日滿寒雨長江收夕霏定知聊復爾敢望不相違野  
鳥晴相喚殘螢晚自飛殷勤兩山口好為放朝暉

登南樓

疾風吹沙不成雨十日狂陰倒殘暑江頭樹木半焦枯  
不厭潮頭洗塵土南樓返照千丈紅落日却在洪濤中  
舟父漁子莫惆悵更借朝來東北風



歲晚作

南山雪雲千丈高北山晚田無寸毫富兒巨家飽欲死  
笑我陋巷長蓬蒿道人坐穩忘作勞百念解縱如垂縶  
但當折簡喚我曹並坐擇蠹煩抑搔筆力可借秋江濤  
莫學人間膏火熬

弔古冢

荆榛閉莽蒼千歲一孤墳生則無是叟死應冥漠君略  
無他日念唯有不堪聞想得西陵道荒臺亦暮雲

奉送子之還京師

日月老投閑文字今削迹便然腰十圍欲吐喙三尺頗  
懷平生友相就語肝膈諸江好兄弟夫子看最白詞林

三二公子實門下客布帆千里來許我間賓席階庭出  
蘭樹戶牖照圭璧詩如駕高浪萬頃隨筆力寧為首陽  
餓不作嬖奚獲乃知工語言要是飽糠覈茫然李杜壇  
未免陳蔡厄出門觀善陣斂手避勍敵澄江搖夜霜歲  
晚見沙石釵頭罥蛛絲即有梁宋役士生多艱虞道遠  
自古昔相期逍遙遊不計天地窄名聲了三黜談笑供  
百謫別君為此言可當繞朝策

外弟趙才仲數以書來論詩因作此答之

君才如長刀大竅當一割正須礪其鋒却立望容髮平  
生江海念不救文字渴茫然攬轡來六驥仰朝秣病夫  
百無用念子故疎闊未能即山林頗復便裘褐前時少



年累如燭今見跋甯中塵埃去漸喜詩語活孰知一杯  
水已見千里豁初如彈丸轉忽若秋兔脫旁觀不知妙  
可受不可奪君看擲白盧乃是中箭筈不聞鐵甲利反  
畏彊弩末與薪導大路過眼有未察君能探虎穴不但  
須可捋

才仲佳士也年十七八時隨其父演在  
定州子開及晁四諸人比其文柳子厚

### 過子之泊船舊亭

江郎泊船處草徑不勝秋客裏終年別春前萬斛愁山  
橫采菱口月滿望江樓政可夢春草莫令吟白頭

### 望金陵偶成兩絕

臺城南望入斜陽尚想能詩玉樹郎乘興風流莫相笑  
眼看直北走雷塘

雷塘別有風流坐可作南舟兩日行江水自流春自好  
不知芳草為誰生

### 烹茶

水光欲盡琉璃影玉色初浮翡翠斑便覺麴生風味好  
小爐新火對蒲團

### 西樓

小院無人日自長隔簾時有芰荷香客游未作安居計  
更借西樓一夜涼

### 寄信上人

笑語三年別舟航千里淮新霜變草木好雨過風霾萬  
事不如意一生常好乖何因伴明月特地入君懷



秦處度與一上人同宿密菴處度爲一畫斷崖  
枯木

小菴無客亦無氈遂有高人借榻眠一夜西風撼枯柳  
不知春在石崖邊

寄謝無逸并汪叔野兄弟

老謝風流綠綺琴小汪兄弟亦南金文章已悞半生事  
江海略酬他日心好酒不當愁偏仄舊書差慰病侵尋  
平生恩義伴宮老斷縷寒泉百尺深

汪信民沒  
方數月

月下

白鷗笑汝一作我不能飲澄江惱人勤作詩可惜南樓好風  
月只無春柳對瓊枝

劉穆之

金樽一斛貯檳榔戲調兒童走欲狂不謂林間有元亮  
念公時在酒中藏

戲贈浹上人

忽逢邗溝道人浹如見錫山居士秦問著世緣渾忘却  
知公不是箇中人

喜章仲孚朝奉見過十韻

苦語不難好舊交今則無但能留客坐已勝折腰趨只  
有連根煮初非滿眼酤苔痕記拄杖雪影傍跣趺語道  
我恨晚說詩公不迂丁寧入漢魏委曲上唐虞歷歷有  
全體忽忽或半塗真當置度外不敢望庭隅日月換新



歲江山非故吾他年佳句在與畫密菴圖

山谷論作詩法當自舜臯陶賡歌及

五子之歌以下皆當精考故予論詩必斷自唐虞以下

觀甯子儀所蓄維磨寒山拾得唐畫歌

君不見寒山子垢面蓬頭何所似戲拈拄杖喚拾公似  
是同游國清寺又不見維摩老結習已空無可道牀頭  
誰是散花人墮地紛紛不須埽嗚呼妙處雖在不得言  
尚有丹青傳百年請公著眼落筆前令我琢句逃幽禪  
異時淨社看白蓮莫忘只今香火緣

寄朱時發

菱橋脊梁硬如鐵天下拄杖打不折倒騎佛殿出三門  
南頭學來北頭說昔苗未生今作米更判阿師三尺觜

公但吸盡西江水莫怕庭前斲筭尾

斲筭尾事出小釋迦錄

寄穎昌諸叔

身如許縣老聾承心是一作似江湖版下僧萬事聊憑曲肱  
夢一尊時近短檠燈舊遊可數終難又惡況雖多不厭  
曾尚憶少年情語否夜窓相對髮鬢鬢

謝人送瓊花白沙人謂瓊花為無雙花戲成兩絕

凝塵欲滿讀書牕忽有瓊花對小缸更喜風流好名字  
百金一朶更無雙

斷腸風味久難尋尚有名花寄此心折盡長枝已春晚  
只宜涼月不宜陰



觀甯子儀朝奉山堂諸石三絕

箇中真味久難忘，難覺人間萬事忙。今日爲公留不得，剩分詩思入山堂。

向人懷抱終何有，過眼崢嶸得暫醒。更喚秦篳與渝被，爲公題作小南屏。

知公心似山堂石，悞落人間几案間。今日風光已相負，看朱成碧未能還。

十一月五日與才仲弟相別于白沙東門之外，悵然久之不能自釋，乃知謝安石作惡之語不爲過也。因成八詩奉寄，可見別後氣味亦可并示京洛間親舊也。

終年想顏色，未有食頃忘。君寧不我念，苦畏冰雪妨。斯文百戰罷，閱士如堵牆。孰知五湖口，一葦可以杭。君才不長貧，太阿之在匣。故知讒慝口，不受龍象踏。此道有從來，骯髒端不之。相期甕頭春，夜語重一呷。盛欲與子談，乃復爲此別。忽忽得餘歡，把酒到耳熱。人生不如意，肝膽有楚越。何知若人胷，中有積立鐵。伯姑無恙時，令我與子友。周旋以至今，各是遺種叟。文字重聲名，於身亦何有。還書問兩弟，是事君識否。婦如先姑賢，兒似乃翁好。識君相與心，見我亦傾倒。頻年作離情，悟賞到丘嫂。卜鄰洛水陽，此語當在早。低頭拜東野，未厭撻挾窮。停車問縮酒，不計牛馬風。曾



次脫塵滓欲與秋水同斯人未遽遠當在阿堵中  
往者汪信民愛我不自勝以我如古人得與子並稱若  
士不復有斯言當服膺期君極膏沃更作無盡燈  
鍛以百鍊剛淬以萬里流閉門待彊敵忽見天地秋以  
石投水中萬歲終不浮堂堂倚松老於今忘百憂

東萊先生詩集卷第三

東萊先生詩集卷第四

呂本中居仁

山水圖歌

君不見南江老龍夜不眠令我破屋開青天千巖倒壁  
卷角上一榻却在洪濤前又不見江頭古木一尺圍後  
孫接手懸高枝雨中寒蘆披靡去天際風帆先後歸陳  
生故是可憐人筆雖未到心已親南村北村渴欲死怪  
此一室無纖塵鄭虔祁嶽不解奇韓幹畫馬空多肥萬  
里咫尺君得之更看湘江雷雨垂

陳生欲畫  
湖湘圖

庚寅年正旦郡中客次作

曉霜挾霧入寒廳四座伊優不暫停剝欲禪房作新歲  
念無餘瀝到空瓶詼諧與世聊從俗嘯傲他年可乞靈



次脫塵滓欲與秋水同斯人未遽遠當在阿堵中  
往者汪信民愛我不自勝以我如古人得與子並稱若  
士不復有斯言當服膺期君極膏沃更作無盡燈  
鍛以百鍊剛淬以萬里流閉門待彊敵忽見天地秋以  
石投水中萬歲終不浮堂堂倚松老於今忘百憂

東萊先生詩集卷第三

東萊先生詩集卷第四

呂本中居仁

山水圖歌

君不見南江老龍夜不眠令我破屋開青天千巖倒壁  
卷角上一榻却在洪濤前又不見江頭古木一尺圍後  
孫接手懸高枝雨中寒蘆披靡去天際風帆先後歸陳  
生故是可憐人筆雖未到心已親南村北村渴欲死怪  
此一室無纖塵鄭虔祁嶽不解奇韓幹畫馬空多肥萬  
里咫尺君得之更看湘江雷雨垂

陳生欲畫  
湖湘圖

庚寅年正旦郡中客次作

曉霜挾霧入寒廳四座伊優不暫停剝欲禪房作新歲  
念無餘瀝到空瓶詼諧與世聊從俗嘯傲他年可乞靈



更爲旁人住俄頃坐間愁殺兩螟蛉

題李伯時維摩畫像圖

老松攬天四無壁小菴不勞容一室野竹入戶芭蕉肥  
下有無言病摩詰文殊妙對亦未真身如浮雲那得親  
驚倒同行問話人彼上人者何所云龍眠好事筆有神  
不避世間狐兔羣埽渠一作洗盡胸中千斛塵多口阿師聞不  
聞

遣懷三首

何山不堪隱何家不可居古來子華門亦著荷畚夫荒  
田脫積雨未免供晚租今日視昨日但見有不如故人  
勸加餐老親憐嗜書寧知毛錐子不可一日無一作一日不可無

秋風襲

一作塵

殘暑忽過江上林旦日扶杖來不見十畝陰

疏畦甚寂寞亦受霜雪侵念此不常好如我宿昔心濤

頭落崩岸野鳥助謳吟潛魚著沙底避網冬更沈

異時忘言人馬鬣今宿草生平不如意欲伴寒木槁遂

令藜莧腸更盡組繡巧三年對空案誦子詩可飽從來

文字工不解顏色好相逢期後身再訪西院老

謂信民也

符離阻雨

東風吹船牕未曉天復雨篙師促添纜臥聽泥濼濼不  
知城北園春事今幾許舊遊如宿昔花柳默可數鄰里  
先後來頗復相勞苦東家獻牛酒西家饋鷄黍感渠長  
久情愧我無所取汪侯哦詩處積水敗環堵念此不忍



行不但出入阻七年此端居畏病如畏虎故人饒與黎  
此老可出語若俗作添

伍員祠

伍員廟前一丈碑上有野鶴雙來棲水雲杳杳涼去遠  
風雨冥冥秋到遲江花相趁野花發舊燕不隨新燕歸  
大夫遺恨竟何許楚越勾吳今是非

東園

垢汙久思出江山秋更新荒田坼龜兆老檜落龍鱗風  
月猶堪夜蒲蓮浪作春籃輿亦乘興實自厭冠巾

寄琦監院

往時濟陽晁公子今日靈巖琦上人千山不礙一月曉

北樹忽見南枝春箇中有味渠不識底處無情公得親  
不知碧眼之面壁何如黧顏西入秦

即事戲荅季

斜陽著高柳環堵半黃昏小圃三年旱荒池一尺渾粗  
知詩有味寧使婦無禪不信晁公子猶招楚些魂季一詩云思與

諸公論人物試憑清議賦招魂

湘竹

小雨催寒入夕曛湘江風味可憐人班班玉淚無時盡  
裊裊金梢別是春

有懷宿州城北因作詩寄才仲

宿州古城城北隅雨罷晴開如畫圖雜花亂蕊未須道



白杏一枝天下無，香風裊裊入短袖。明月蕭蕭隨蹇驢，  
二年不復見此樂。清江萬頃正愁予。

示沈宗師二首

十日兒號不出房，殘梅猶在小瓶香。沈郎喚客煮湯餅，  
政恐忽忽未得嘗。

九日狂陰一日晴，落花飛絮作清明。與君攜手南樓去，  
共聽長江月下聲。

夜坐戲成兩絕呈迪吉宗師二友

夜牕燈火著新寒，喜見蒲團一味閑。縱有好詩人不要，  
却須還與檻前山。

疎簾欲上梧楸影，遠枕微聞盆盎鳴。甚欲分身就公宿，

只愁塵土變江聲。

戲成兩絕奉簡章仲孚兼呈宗師

日日鶉鳩相應鳴，年年春草趁愁生。道人不怕冰霜面，  
又作南舟十日行。

沈郎愛客如愛酒，章子問詩如問禪。肯共寒爐撥殘火，  
共搜佳句作新年。

老松

奉君以綠綺琴報我，以雙南金杯中琥珀不須盡。聽妾  
一聲行路迎君看，庭前老松樹上有杳然不斷之清陰。  
牆低未礙簪髮古，歲晚不辭霜雪侵。東園桃李自妍好，  
與君百歲同此心。



揚州雍熙寺納涼

高樓有餘涼但見旗脚動鳥語簷脚來仰聽風響弄江  
山舊還往草木老實從平生一笑適可得萬鈞重脩然  
六尺牀更許佳月共

訪張鑑秀才兄弟

眼看霍霍萬錢食便就忽忽五鼎烹何似張侯五兄弟  
閉門相對飽芹羹

邵伯埭路中

行前蒲柳後鷗鳥乃似白沙之舊居忽見雲天有新語  
不知風雨對殘書往來河樹幾傾蓋上下江船如貫魚  
更與河山結香火夜牕重枉故人車

寄周司理

日月走動勦舟楫臥煩暑涼秋在萬里客子安得語周  
侯磊落人憐我自熬煮殷勤半月留可得一笑許別來  
今幾日坐此百里阻清風不時來曉月仍半吐卷簾看  
修竹忽似對着宇人生行樂耳舍此皆自苦終期卜鄰  
歸重聽對牀雨雖無嗚嗚歌亦有坎坎鼓

山光寺前泊舟值雨

輕雷喚小雨憶在白沙時綠酒留連醉紅燈取次詩好  
風那復有涼月自相隨獨上山光寺清歌無柳枝

步月有懷

平生最愛花梢月可與青樓一等看病去老來渾忘却



曉牕晴日上蒲團

揚州留一上人

日日東風吹客衣小園春在掩芳菲殘花過雨飄零盡  
好鳥穿林自在飛往事虛成采薇瘦故人頻有食言肥  
知公未厭西行晚且伴江船緩緩歸

送一上人之京師

東風吹雲十日雨臥聽城頭打衙鼓道人遠自山中來  
共坐南牕濯泥土自然高韻到羲皇豈止微言變齊魯  
萬牛回首不震掉一葉橫江且掀舞未能入水取蛟蜃  
尚欲投戈代貔虎念公守此非一朝木病魄癯無枝條  
已盡千峰西嶺雪更夢八月錢塘潮京城塵沙深一尺

是中莫留公履迹權門噂啗兒女笑我一思之不能食  
片帆無事早歸來爲公一洗山中石

擬古二首

狡兔死三窟老松堅百尋物生各有願共此分寸陰荒  
城六月旱長江三日霖稻苗不遂死幸無蝨賊侵皇天  
不私覆一語銷百壬先王典刑在落落傳至今願以小  
人腹而爲君子心  
寒雞不能晨苦語自朝夕上爲雲雷巢下乃龍蜃宅坐  
懷陰外天缺月挂殘魄少來可喜人牖戶陳玉帛平生  
千萬言略省二三策牛山所種木日在斤斧厄念君十  
年心使我雙鬢白



潘邠老嘗得詩云滿城風雨近重陽文章之妙  
至此極矣後託謝無逸綴成無逸詩云病思王  
子同傾酒愁憶潘郎共賦詩蓋為此語也王子  
立之也作此詩未數年而立之邠老墓木已拱  
無逸窮困江南未有定止感歎之餘輒成二絕  
漫營新句補殘章寄與烏衣玉樹郎他日無人識佳景  
滿城風雨近重陽  
好詩政似佳風月會貴能知己不凡萬里潘郎舊鄉縣  
半江斜日落歸帆

寄李商老

竹不可一日無酒不可飲不醉平生嗜酒愛風竹此意

不許凡兒會南來經年飽塵垢袖手甘隨百夫後文章  
漫作無功身只了兒曹補窻竇黃沙障日江漫流青山  
喚我十年舊憶昔泊船鵝翎口把酒遙為故人壽只今  
身在心已老千巖想像靈芝秀君家兄弟固不凡解挽  
二友勤相就中郎臥病過春晚昔則酒狂今詩瘦山房  
大名不墜地諸老風流未宜棄老檜參天可乞盟棗食  
劔羹乃無味如君高韻千載同可託身三數公丈夫  
勁挺要長久百萬叩關一夫守胃中江海不須道此流  
何必計升斗眼前勃窣訴二友聽客所為公絕口

雨中作

咄咄真成夢悠悠復未知寧為牛背語不作劔頭炊雨



挾秋聲亂江含暝色悲故知無事飲猶勝頃來詩

示內

貧賤不可忘富貴安足羨我生未三十種種厭貧賤宦  
情肱九折老味金百鍊稍回功名心來結香火願平生  
所知人久已焚筆硯是中無真實不在儒術緣有如退  
飛鷄更借逆風便病妻頗癡絕可與共開宴小女真吾  
兒語學春鳥轉初非本來有且作夢中見君看手捉鼻  
絕勝扇障面他年從我居同入隱士傳

寄外弟趙柟村仲

長年更多疾念爾不能忘夢去關山靜書來道里長形  
骸且憔悴草木自蒼唐古縣疎還往微官絕歎揚頗聞

能吏事仍不廢文章客舍襄江下人家筑水旁屢成千  
里目虛斷九迴腸我老知無用身閑欲半藏預愁章服  
裹仍怯簿書忙事業頗書卷生涯在藥囊得非嵇叔懶  
寧似次公狂野檜多鱗甲寒松半雪霜高天一鴈遠小  
徑百年荒每惜朱絲斷空懷素錦張舊交渾潦倒此語  
更微茫欲判五斗米先尋百本桑殘羹得共啜薄酒要  
同嘗匣裏出鳴劍眼中除昧糠未容窺突奧虛自倚門  
牆指點飛鴻路何人識故鄉

一本自野檜多鱗甲寒松半雪霜下云  
直須守歲晚莫羨踏春陽風受祖師印

得遊夫子牆直言無異理未學故多方必若除煩惑先能起仆僵君才可辨此吾  
說未應亡匣裏得明鏡眼中除米糠高天一鴈遠小徑百年荒每惜朱絲斷空懷  
素錦張馬難逢伯樂麟有遇銀商却倚摩天刃兼除治水航舊交渾潦倒此語更  
微茫欲判五斗米先尋百本桑永無南浦送頓受北風涼想弟看字好見兄壽  
策良殘羹可共啜薄酒更同嘗通勉初無害衰遲却未  
妨時尋二三子同看憶千場指點征鴻路無人識故鄉



京師贈大有叔

尊酒相逢十載前，綠髮紅顏俱少年。  
尊酒相逢十載後，皮黃肉皺俱白首。  
叔如鴻鵠但高飛，姪似麕鼯更深走。  
南來行李初一逢，長安舊第冰雪中。  
閉門不識故人面，豪氣直欲輕元龍。  
平生為道不為食，少小所期皆目擊。  
何時相就過江南，同訪曾遊舊泉石。

寄蔡伯世趙才仲

我恨不識鹿門公，蔡郎心期千載同。  
不隨吏部曹中板，去赴長蘆寺裏鐘。  
一坐十月長江濱，自君之來心轉親。  
還書起居清源君，人間紛紛何足云。

同行者誰平原孫，於我不但骨肉親。  
誰言不為桃花去，只愛江山亦可人。

二子逃禪不計年，江湖重去水黏天。  
直饒透盡三關語，到底終成百漏船。

木魚光裏兩蒲團，意氣與我平生歡。  
盡底告君君不會，空得癡人尋筆端。

兩蒲團謂愚壁時諸人爭收壁書

寄范子

范郎平生萬人傑，只今未免兒號寒。  
三江五湖在胷次，琨玉秋霜看筆端。  
舊疾祇令肝肺熱，春風欲開桃李顏。  
待約南江今夜月，與渠萬里報平安。

春風



春風隨長江一日行萬里蕭條起岷山歛忽度揚子江  
南千酒樓春風樓上頭金尊開翠幄青帘吹客愁長隄  
二月煖寒溪千古流紛紛桃李花處處作芳華不見梁  
間燕空悲王謝家

聽琴

君不見龍門之下百尺桐漂霰飛雪愁寒空何年班爾  
落君手小牕伴坐歌南風恍然如箸山巖裏不知身在  
塵埃中初聞平野飛鴻鵠歛聽金盤起珠玉繞壇古樹  
鬱嵯峩六月吹霜作寒綠折楊黃華不須道別鶴離鸞  
尚堪續君不見開元天子醉西都音聲十院留歡娛當  
時臨軒奏此曲徑須解穢煩花奴乃知恬淡世莫識無  
絃之趣何時無歸家愁厭箏笛耳此聲一聽還已矣會  
須流水訪鍾期試向爐中覓焦尾

雨後

新花欲盡竹當欄喜見空牆野色團稚子乘陰蒔蘭菊  
僕夫留水灌萬蔓茶香於汝初無分酒熟逢人也強歡  
惱亂春光君會否小瓶猶占一枝殘

送山伯良佐東歸以務道期息塗爲韻

荆棘生良心米鹽入塵務芬芳老不達豈不以此故人  
生錐處囊穎末要立露玉壺近青蠅沒沒自點汚剗心  
萬物表却立看脫兔  
臨別當一言懇懇念忠告縹囊可取足往結萬古好默



識古則然愚智同一道遠師顏氏子近比伯業操文章  
有妙斲期子開突奧  
吾詩如清風去留不可期灑然或一來不繫凡子知兩  
郎從我遊豈但窺藩籬山房光燄在實藉衆木枝斯言  
可三復如我清風詩  
昔我同學生文字虎而翼仲弟最多才去以六月息自  
吾失若人每語輒氣塞子如求數君慎莫怪蝨賊胃懷  
但明了几案付塵黑  
贈我貂襜褕報以明月珠古來聲名人一一行此塗漢  
中屠沽兒適可曹公奴人生嗜好異至有海上夫孰能  
識其然飽此萬卷書

河水清贈良佐兼寄商老

河水清江水黃南山北山自相望恨君不止白石房與  
誰同游南郡郎白玉刻佩明月璫如鳳四海求其凰道  
里遼遠日月長爽氣自足陵朝陽舉酒送君君莫忘

同晁季一李天紀過沈宗師北莊因成長韻

三年城南居不識城北土但聞玉雪郎去作猿鶴主今  
晨籃輿來握手相勞苦勝游有佳士洗耳聽妙語晴牕  
背雲壑落日在環堵晚風生白楊想像原野古斷崖懸  
老木小港聚寒雨却觀城市人努力自熬煮畏途出社  
席禍福有未覩杜陵懷壯遊無忌笑豪舉二者覓真是  
政恐君未諳千秋柴桑翁妙句聊一吐



郵上祈雨

泥龍蜴蜥困追求旱遍淮南二十州寄語天公莫輕許  
少留明月作中秋

清風

清風如君子所至有餘情欣然破煩溽有醉時一醒嗟  
我二三友飄散秋葉零不知城南王何以識我名鼓斜  
左手字勞苦如平生會寫登樓賦一弔漳濱靈

學視

學視觀懸蟲病耳聞鬪蟻紛然酬六鑿萬劫費揩洗君  
看杯中蛇妄想從何起忽然一妙語初無強料理回觀  
積年疾乃是一念使誰能明此心香山老居士

寄舍弟

殘暑墜空屋舊書穿破帷纔蒙小雨潤遽得好風吹逸  
少每作惡淵明常病羸他鄉憶吾弟苦語自成詩

斷雲

斷雲西南來好風東北去翩然兩無心中忽相遇化  
為一尺雪照我庭前路昔者甚可憐今來渺無處故人  
多勸色留我不少住羈愁動中腸疾病增百慮虛庭著  
明月皎皎如積素不見乘鸞子空懷舊煙霧

如臯道中


客路三日雨頗知袍袴單長河貫沃野薄酒動新寒晚  
日魚鰕市秋風藜藿盤衰顏定可笑不必鏡中看



東萊先生詩集卷第四



臺灣國家圖書館, NATIONAL CENTRAL LIBRARY, TAIWAN. R.O.C.





東萊先生詩集卷第五

呂本中居仁

初去白沙再望路中江南諸山慨然有懷

青山如美人濃淡各有態挽之不肯來乃似孤竹隘念  
無千里風限此一衣帶夏木與藩屏不畏炎日曬三年  
白沙游藉爾寬眼界脫身塵垢中一笑終不壞別君更  
舉酒未了清淨債雖無絲竹娛會有詩律快何如少陵  
翁亦為杜鵑拜吾詩有餘歡此語君勿怪

赴濟陰留別一公

近別君莫嗟遠別君莫惜往來天壤間誰為不相識十  
年幾相別日月虛棄擲見君長江口已作胡眼碧別君  
廣陵城妙語摧霹靂今別知幾時復念駒過隙坐成千





里阻當有片言益不勸君愛身不勸君強食勸君以勇  
決萬事要努力愚夫之所欣智士之所戚譬如醉而顛  
亦有傍震虩聲色糾纏人萬劫困封植本自驕情生亦  
以因循得實惟招侮慢豈止礙空寂居然耳目內反務  
化勅敵誰能深山中弄此無孔笛芳草變蕭艾每爲長  
太息如公定不然此語當謾憶何妨膏腴地更論去荆  
棘君看一壺用亦有千金直

五月五日泊舟北神與關聖功唐充之李元輔  
作別意殊惘然端午日行次洪澤把酒北望已  
知異世事矣因念屈大夫之死正是此日慨然  
有感於心輒成長韻奉寄李民師翁士時來可

求和也

麥上蝴蝶飛水邊鷓鴣臥却望山陽城已若一夢過今  
晨又端午把酒意亦情風回浪蹙船闌淺沙箸拖故人  
阻情話客子且清坐更念屈大夫是日遇奇禍空餘後  
世名弟子只增些寶璐與明月皎皎不受泥固知汨羅  
沉可到首陽餓還書二三老此語君可和

贈唐充之兼簡益中

三年白沙看江山可當中原故人面今來千里逢故人  
笑談却作江山見江山故人不相遠平生志願於君滿  
唐侯獨立一代無張侯與之來集枯老松本自歲寒外  
良馬不畏長途驅飢年百室仰粟廩暑路六月懸冰壺



念首關注不相貸視世好爵如機械上書索去不作難  
云我未了平生債後生少年延頸觀諸公故人思一快  
基本未定天奪之賴有君侯數人在龍媒已遠風馭回  
坐歎四海梁木摧爾來老謝又繼往但覺眼界常塵埃  
長江無津出光怪迴野入夜開風雷此語不誣君可驗  
請君更討防身劍

夜雨

夢短添惆悵更深轉寂寥如何今夜雨只是滴芭蕉

出門見明月

出門見明月入門思故人故人如此月一見一回新  
明月相見多故人相見少問爾何因緣長似此月好故人

在何處南北東西路明月在咫尺夜夜一作宿我庭前樹明月

莫虧缺故人莫離別願月如故人故人亦如月

往歲在白沙見江上往來祠神者殺豬羊鵝鴨

日夕相屬也有感於心後至濟陰因成長韻當

託白沙故人投之廟前庶幾神少知自戒乎

今日殺一羊明日殺一豬問神何所樂而必為此歟羊  
死噤無聲豬死足號呼傷哉鴨與鵝閉目頸已朱問神  
此何負神亦何所取吾知斯民愚非是神所許江船一  
帆風江田一犁雨民或謝神勞尚使相告語但采澗溪  
毛足以薦筐筥何須汚刀几而後羞鼎俎於物固無怨  
於神亦無苦更令嗚嗚歌時送坎坎鼓



濟陰野次

去年騎馬古城西，雨浣鞍韉一尺泥。今日重來轉無緒，強扶衰疾遶河堤。

毛彥謨容膝軒

黃金為樓玉為梯，畫旗素錦生光輝。不如一菴醉而歸，倒臥側立無東西。君才於用無不宜，會稽竹箭梁山犀。賈而不售君不疑，亦自不以為珍奇。淵明妙處君得之，萬古一首歸來辭。一菴容膝君所知，不用芥子藏須彌。望風懷想三皈依，眼前有睫見者誰。世人紛紛不自治，何異羊質蒙臯比。見豺而戰忘其皮，牆頭燕雀莫謾肥。汝不仰看鴻鵠飛，伯夷去採西山薇。想渠瘦亦不勝衣。

不羨汝曹腰十圍

一本倒臥側立無東西下云小窓容膝君所知不用芥子藏須彌君才於用無不宜醫無閭之珣玕琪會稽竹箭梁山犀賈而不售君不疑亦自不以為珍奇淵明妙處君得之萬古一首歸來辭望風懷想三皈依眼前有睫見者誰我生甚窮今則衰何異羊質蒙臯比見豺而戰忘其皮恨不與子歸同時君生於書無不窺文字皆好尤長詩令我琢句相追隨牆頭燕雀莫謾肥汝不仰看鴻鵠飛伯夷去採西山薇想渠瘦亦不勝衣不羨汝曹腰

十圍

濟陰寄故人

柳絮飛時與君別，南樓把酒看新月。月似當年離別時，柳絮隨君何處飛。千書百書要相就，思君不見令人瘦。念君情意只如新，顧我形骸已非舊。朝來有信渡黃河，鴈足繫書多網羅。城南城北芳草多，明月如此奈愁何。晁叔用得古鏡二，一以遺法一上人。澄澈可愛，底水隱然蜃樓突起。又作杯渡禪師像，翻翻然。



衣動正在中流間也一求記於予因為作歌  
晁郎高居臥冰雪得此懸空兩秋月已將屋角倒魑魅  
更與人間洗炎熱一月團團如扇面一月菱花光掣電  
憐君囊中一物無意欲分君託方便菱花入袖世莫識  
空堂夜留疎雨滴天生寶氣有期會復空藏去終無益  
君行萬里尋劒術山精喚君君莫出寒泉百尺傍枯樹  
狡兔九月投霜鶻未須潘謂苦哦詩或自蘇公識神物  
下有禪和不笑人須君一照蛟龍窟

別離行

城頭草木日夜黃九月北風天雨霜月色入戶侵我牀  
美人乃在天一方舊游可樂不可忘恨君不隨鴈南翔

恨妾魂守此空房曉風忽來吹夢長夢中與君還故鄉  
黃金為屋玉為堂與君更笑億千場不須合佩雙鴛鴦  
李念七久不見過二絕

不隨殘暑退青蠅入眼踟塵漸可憎靜裏工夫君莫厭  
夜牕重對炷檠燈

羅襦襟解燭滅後喝雉喝盧人散時願君莫忘默軒老  
少小先蒙國士知

往年與關止叔相別甬上止叔見勉學道甚勤  
且曰無為專事文字間也及今五年矣尚未有  
所就因作詩見志且以自警也

老關別我時笑我勤苦甚曰吾與子孫同此一味靜收



功粥魚底筆墨有譏評五年念此語但見日月競雖無  
蛾眉斧亦有晏安鳩斯人今何往想作大樹蔭我走足  
欲壘始學兩鳥噤君看齊聲謳何異眾哭臨繁紅成春  
條本自其天性風雨頌繫一作摧折之不有十日盛人生亦作  
聊共未免此病乃知饅頭通已勝狗脚朕洞山會下有僧法  
空具宿命時有通

上座者刻苦練行空以水照之知其前身  
為魏孝靖帝也時眾中謂通為饅頭通云

六月初三日雨後步至城東

涼秋生郊原快雨灑庚伏曲肱訪幽睡朝夢不可續開  
門招此山爽氣滿崑谷村蹊沒衰草古院蟠翠木東行  
得幽亭小徑來已熟下有十里濠暑退萬荷綠恨無沽  
酒錢一醉起枵腹人生要快意豈止寄幽獨君看後池

蛙聲韻故不俗怡然供清歡何必絲與竹

三處字今  
人不可用

得揚州書

書來每恨日月晚書去還憂道里

一作路

長但得老親常健

好不辭新歲且窮忙文章已受塵埃澆禪觀多為疾病  
妨趣得殘春北歸否近箕臨穎是吾鄉

歸計未成作詩寄懷

萬里田園半有無十年歸夢阻江湖文章謬忝聲名在  
氣體猶須藥餌扶客路因起一作起舟楫水田無雨臥菰蒲  
青帘白酒斜陽外不與行人滿眼醅

閱舊詩卷有懷

好詩無過亦無功準擬還家贈阿宗會有江山與蒲被



且一作略無塵土共從容  
大江矯矯雲間鶴  
老謝森森澗底

松回首百年俱一夢  
暮年文采更誰從

高郵道中荷花極目平生所未見

綠淨紅深水不流  
炎天烈日自然秋  
只供野父已無計  
便與行人亦暗投  
明月不來江北岸  
好山應在石城頭  
何年得映潘妃步  
更放君王作意游

高郵遇大熱作

南風極炎暑赤日不可傍  
扁舟在地底淺水安得強坐  
懷長河水未盡喝飲  
甚憎食案蠅意欲不相讓  
旱苗乾欲死蒲藕秋可望  
平生投筆手中有無盡  
臧爾來但深藏穩著攢鼻上有如  
三年艾更復加百壯黑雲翻日

脚好雨終不放雷聲  
無事來殷殷車百兩  
東街暴泥龍西街設銅像  
利害有不同未易相得喪  
農夫責催租日夕困大杖  
那知清歌前把酒有餘量

題孫廣伯主簿家壁

古木輪囷老歲寒  
好花無力便凋殘  
秋風只在盆池上但見江湖萬里看

贈孫廣伯

人皆笑我拙我獨喜君直  
拙則世所無直則未易識  
昔者中丞公事主以一德從  
容進退間多士所取則朝廷  
九鼎重冠冕萬夫特塵埃  
困大路此老難再得至今門  
下士必以身許國孰知強弩末  
而有百鈞力賢孫後來



秀見我好顏色收功却掃中欲任門內責空卷入善陣  
匹馬見勅敵不嫌不識察但恨無此獲欲赤莫如丹欲  
黑莫如墨吾常持此言以辨主與賊苟無牛羊害則有  
天地塞君能但拙直亦莫忘黑白

與吳迪吉諸人赴晁季一陳塘范園之游因成

十韻

春風未寂寞頻枉故人車客舍輕寒下村煙宿雨餘曉

紅留隱映新綠上扶疎妙墨縣高榜殘章得舊書

即所謂  
白水滿

時雙  
鷺下蛟龍忽舒卷草木自清虛渺渺登臨地悠悠水竹居

只今那復有本自不關渠塘水空遺廟

塘即陳元龍所開今  
有元龍廟在此塘上

淙亦故墟

園西有寺名麗唐武宗  
時所建寺邊有麗為水害

同行喜佳士所到即吾廬

政恐習池飲風流却未如

送趙季一罷官西歸

少年閱人若郵傳漢廷公卿日千變故人一蹙便青雲  
咫尺相逢不相見丈夫須算但如戟黃塵沒馬渠未識  
晁侯文采老不聞兩耳壁塞目為昏三年刺促簿書裏  
更覺和氣生春溫誰能種蘭生九畹從公不辭墮車蹇  
冰霜入眼蚊蚋去桃李成蹊草茅遠曾中滄海無水旱  
眼底浮雲看舒卷頃來江上幾送迎聚蚊成雷公不驚  
笙竽沸地不知曉公但寒牕延短檠乃知風雨晝窈冥  
我亦不廢晨雞鳴箕山之下潁水邊脫冠便歸須壯年  
諸公先尋買山錢我亦從今當著鞭



侯嬴

游士縱橫翻覆手山東諸侯望關走歷下邯鄲無使來  
長城易水非燕有大梁賓客舊如雲夷門監者未有聞  
謾將苦語送公子市井屠兒虛見存後來毫髮爭得喪  
紛紛小兒跨跌宕不知世有公子牟一生放迹江海上

昭君

凍雲霾空風折木烏孫公主歌黃鵠昭君請自嫁單于  
當時各倚顏如玉露鬢雲鬟胡地塵帳中誰是可憐人  
左抱琵琶右揮手胡地漢宮能幾春嗚呼古來出婦嫁  
鄉曲何曾肯望秦雲哭

戲呈外弟趙才仲

趙郎風味春月柳可到阮公青眼邊秋水粘天劇空闊  
曉霜扶月作嬋娟北來好句傳新鴈一夜客愁如少年  
安得瓊枝更當眼沙頭同理釣魚船

城北別江予

但覺與君別孰知歸興長亂畦分宿雨老木挂晨一作新霜  
未許緣詩瘦只知如許忙他年風雨夜重約細商量

訪晁季一

近人烏雀弟弟語堆案簿書鳧鷖行是中亦自有佳趣  
公但徐之渠自忙西風忽來涼月曉楓葉蘆花秋意少  
勸君多飲莫多談截斷中流公更參

吳君求詩因作四韻寄之并簡小吳與甯生



文字縛人同束濕吳君不言如坐忘知公胃中有餘地  
萬頃亦在一葦航寒梢倒挂夜來雨細草已披秋後霜  
寄語兩吳兼小甯莫因詩律廢相望

古劍歌

寒江九月雷殷空落日倒射千山紅江頭樹木半傾倒  
袞袞不盡洪濤風風中有物如長戟電光忽來傾霹靂  
雨罷晴開不復知乃是潛蛟倚長石蒼皮半卷頗飛動  
澀蘚中開欲跳擲青燄野火下絕水天矯長煙轉空壁  
天生神物有時出歲月飄流為誰得銅花欲盡秋水渾  
尚有千年妖血痕向來天地亦兒戲俄頃變怪徒紛紜  
君不見豐城之來亦不久寶氣何為上牛斗

初夏即事

歌呼連牆亦任渠移門賓從又何如  
是日西鄰置酒會客甚盛晴階仰日  
臥紅藥野水趁船跳白魚多病日參籬桶話得閑時近  
養生書平生不盡幽居興付與長江整釣車

偶作

鄙夫養病苦不足諸公覓官常有餘自是閑人不更事  
可隨雲鳥更深居

癸巳自南京過泗上

昔我往矣天欲霜今我來思梅已黃淮山凜雪塵垢面  
魚稻掃除藜藿腸好風肯伴客帆遠故國不辭歸夢長  
塔中老人莫相笑我自寂然渠自忙



泗上贈楊吉老二首

杯中蛇去無恙醉裏詩成有神相逢不及世故長年倍覺情親

置王坦之膝上著陳長文車中何以維摩丈室蕭然一榻清風

題寶應張氏草堂

好風殘暑不同途穩看飢蚊自掃除不謂南軒有佳竹卷簾相對一牀書

學仙行

長松拂雲根合抱雪虐霜凌不相到下有千歲老伏苓化爲琥珀光自照食之便可登廣寒不但無病長少年

浮生溷濁那可言和氣乃爲塵務煎坐看靈藥置泥土五味雜置成薰羶豈不聞齊天子黃金丹成不肯仙且貪人間樂不能從汝飛上天惜哉韋郎之妙語一失毫釐千萬年

冬日訪朱深明博士二首

北風迎馬入裘茸來訪殘爐半日紅敗屋數間書百篋無人知是陸龜蒙

見公便是倚松老念我不忘擔板心萬里江山一尊酒主人無古亦無今

東萊先生詩集卷第五



東萊先生詩集卷第六

呂本中居仁

初別清源姑才仲弟過楚丘作

前村後村鳩亂鳴  
梨花點雪柳半青  
斷雲忽過楚丘縣  
驟雨已見龍丘亭  
故人愁緒各南北  
宿酒別時同醉醒  
語離情緒乃如此  
故園可歸公不聽

宿楚丘懷石子植顏平仲趙才仲

暮行楚丘北  
適與寒雨值  
旅舍一尺泥  
又乏芻秣費  
故人渺天涯  
客子初夜至  
披衣附殘火  
煮茗當晚饋  
昏昏傍晚枕  
悄悄入清睡  
向來談笑聲  
已若異世事  
但覺舌本間  
尚有宿酒味  
鴻鵠乘秋風  
意在網羅外  
強飯無多談  
此語敢失墜



東萊先生詩集卷第六

呂本中居仁

初別清源姑才仲弟過楚丘作

前村後村鳩亂鳴  
梨花點雪柳半青  
斷雲忽過楚丘縣  
驟雨已見龍丘亭  
故人愁緒各南北  
宿酒別時同醉醒  
語離情緒乃如此  
故園可歸公不聽

宿楚丘懷石子植顏平仲趙才仲

暮行楚丘北  
適與寒雨值  
旅舍一尺泥  
又乏芻秣費  
故人渺天涯  
客子初夜至  
披衣附殘火  
煮茗當晚饋  
昏昏傍晚枕  
悄悄入清睡  
向來談笑聲  
已若異世事  
但覺舌本間  
尚有宿酒味  
鴻鵠乘秋風  
意在網羅外  
強飯無多談  
此語敢失墜



發召伯埭二首

柳外鶉鳩相應鳴，屋頭新月半輪生。  
知公未便為官去，且放扁舟自在行。  
曉日烘牕不得眠，夾河高柳亂鳴蟬。  
西風種種入愁思，更有長亭十里船。

余病不能蔬食，懼有五味口爽之責，作詩自戒。  
君不如屈大夫夕餐，但秋菊不如顏平原未晝，且食  
粥。雖知舌本欠滋味，煩覺和氣實其腹。癡人要盈餘椒  
有八百斛錢，有一百星鼎俎，沆脍膾杯盤眩紅綠。四方  
採珍異亦未極，所欲寧知下箸處。但有一飽足坐償姓  
命債，百死有未贖。何如野僧飯晚菜，下脫粟撞鐘擊鼓。  
坐高堂，童奴唱飯來，相續竹間新筍大如椽。樹頭老耳  
肥於肉，亦不見蟹躁擾，亦不見牛轂棘石郎愛惜。韭萍  
蘆晉侯睥睨熊蹯熟，以此相重輕於君未為福。

南山

南山佳有餘，我病不自得。今日飲君家，把酒到曛黑。  
秋風浩萬頃，涼月挂江色。對此不能歡，何以消徧塞。  
人生少如意，百語輸一默。喜逢佳主人，略為解羈勒。  
歡然有餘味，即此自溫克。陽春內空洞，隱如一敵國。  
世賢首陽餓，我愛鄭朝穆。却懷三年艾，未盡一醉力。  
青蠅閑殘暑，小雨頻敗北。漸須把蟹螯，莫計舟摧抑。  
君看女兒笑，終勝官事逼。殘杯蓋餘瀝，慎勿貸鷄肋。  
要看知我貞不獨。



觀酒德

與諸弟諸李同登塔山愚壁以事不能來因成  
二絕

李家漾南江漫流幕阜山前春更愁無人肯會西來意  
且作小詩盟白鷗  
道人不來花滿山蹇驢出沒松聲間待約江頭今夜月  
與渠他日報平安

春日二首

春日紛紛一段奇無言桃李任春欺要須及熟蘆灣去  
莫看風吹雨打時  
誰將舊日狂蜂蝶誤入春風桃李蹊咫尺風光不相貸

無因乞與上天梯

東園

暫開還落不停枝雨濕東園柳絮稀遙想釣船今夜月  
暗隨潮信與春歸

即事

經旬無客事亦少多病閉門身更輕我自不能知許事  
暮江斜雨送蛙聲

和李二十七食蛙聽蛙二首

膏香未即輸鮭菜煎和真同食蛤蜊北人驚歎不下箸  
乞與韓公南食詩

莫驚朋類多驚爆曾伴中郎鼓吹來今日屬官本渠分



晚江煙雨鬧池臺

題秦博秀才園亭

秦郎重構水邊亭  
髣髴疎林過雨聲  
更喚清泉入屏坐  
少留他日濯吾纓

別夜

薄酒殘燈欲別情  
暗螢依草不能明  
懸知先入他年話  
一夜蛙聲連雨聲

寄題蘇州靈巖

水分西子採香徑  
山是吳王避暑宮  
可惜同來不同賞  
落花飛絮曉濛濛

呈甘露印老

水滿南河月滿林  
市樓燈火隔秋江  
無人可會菴前事  
一夜北風吹破牕

壁上人欲行爲雨止戲成一絕用前韻

東風不借南舟便  
細雨輕寒鎖暮江  
更想亂山明日路  
暮天風雨打船牕

江口送壁上人二絕

小雨浮江霜送秋  
曉山晴遠讀書樓  
道人不作當時面  
萬里一帆隨白鷗

今日盍囊南去人  
當時雕句作新春  
更知自昔相逢意  
定是他生骨肉親

送朱時發



眼底家鄉不自歸  
癡人爭認劫前灰  
直饒古廟香爐去  
也要披毛戴角來

送甯子儀

洪波奔放不停塵  
萬劫茫茫寄此身  
畢竟無人會休去  
滿堂枯木不能春

唐張瑄書記梁時婦人黃鼎因侯景亂沒北齊  
為小校胡兒所虜生二子後附海舶歸聞鼓角  
得岸乃知是會稽郡鼎先在梁許嫁張固及歸  
固適為剡令求與相見不可乃遣令送之宣城  
鼎在齊時作秋風曲渡海時又作詩三章瑄書  
稱其詞淒怨自瑄時已不傳

萬里秋風曲三章渡海詩絕 漢公主略似蔡文姬故

國山河在荒城鼓角悲何如覓張固不用憶胡兒

夜坐呈吳迪吉

伏暑不能早楚天頻復陰疾雷衝雨斷亂草接江深  
舊圃可小摘老盆餘數斟明朝有傾倒相待沃愁吟

與李夫言諸人分題得之字

人生行樂耳此去復何之酒憶侯公聖月如京兆  
看未須誇敏捷或恐勝肥癡不作別離見却憂兒輩知

訪秦氏北莊

午日城西路籃輿疑舊尋稻田踈野水草徑接秋陰  
飯憶分盤玉書藏遺子金不須千里目枉費百年心



喜才仲兄弟至偶成四十字

落日下喬木好風來暮船徑思投轄飲復作對牀眠寂  
寂驅愁外紛紛著酒邊平生五經笥不直一囊錢

春日

數畝幽畦滿小園兒童無事亦嘲喧水搖日影上簷角  
風送花香來鼻根病去只留花作伴客來常欠鶴應門  
城南袞袞塵埃裏不借春江一尺渾

甲午送甯子儀歸洛

異時從公游頗恨相得一作見晚同參長蘆禪共聽資福板  
公今三年病我亦百事懶春風廣陵城笑語有未款嵩  
陽有一作贈歸路河水漸清暖豈無一言贈慰此千里遠青

松老合抱意不在俗眼豈如山上苗共盡白日短一身  
隨藥囊萬事付茗盃爐煙裊晴牕自足了遲緩奈何孔  
文舉苦思坐客滿更知蘇門公遠效稽中散舟行儻見  
念此語試三反

讀舊詩有感

但聞微雨響梧桐不悟高樓盡日風團扇向人仍有意  
短檠于汝漸無功悞游元一形骸外恐墮淵源雲霧中  
剩攪飢腸供好句爲君常占一生窮

別後寄舍弟三十韻

還家日已短況此獨行情客路三年別秋帆十日程小  
船攜手上斜柳縱篙撐岸失乖龍蟄牕留素月縈重回



名伯埭虛住廣陵城破屋仍堅坐殘鶯只強鳴江猶渺  
泔去草欲蔓延生水縮蝦蟆鬪場空霧雨橫土風沾瘡  
癘民俗混蠻荆豈識排門入兼無倒屣迎好詩思共讀  
薄酒念同傾枕席煩團扇膏油乏短檠可無道里念或  
恐夢魂驚惟昔交朋聚相期文字盟筆頭傳活法胃次  
即圓成孔劍猶霄鍊隋珠有夜明英華仰前輩廊廟到  
諸卿敢計千金重嘗叨一字榮因觀劍器舞復悟擔夫  
爭物固藏妙理世誰能獨亨乾坤在蒼莽日月付崢嶸  
凜凜曹劉上容容沈謝并直須用款款未可笑平平有  
弟能知我他年肯過足初非強點灼略不費譏評短句  
箜篌引長歌偏側行力探加潤澤極取更經營徑就波

瀾闊勿求盆盎清吾衰足飲憾汝大不敬傾莫以東南  
路而無伊洛聲

記夜

殘暑薰炙人安夢不得長忽蒙千里風慰此六尺牀高  
梧舞清影上懸明月光初知枕簟穩未厭塵土忙中宵  
有臭蟲其大如蝓蟻排闥觸屏帳怒欲凌空翔熟視不  
得名但見兩翼張本草所不載爾雅所未詳夏蟲盛百  
族此物尤猖狂東牕不得睡幸無疾病妨惜哉有知物  
點污此微涼人生要更事美惡無不嘗悉除糞壤念頓  
悟服食方去爲千丈松凜然衝雪霜慎勿學瓜瓠置身  
籬落旁



夜坐

廣陵城中聽夜雨倒牀不眠聞更鼓西風萬里卷長河  
遍與淮山洗塵土淮南米賤魚亦好敢復摧頽歎羈旅  
重簾複幕嬾相負細字寒燈且如許漫如爾雅注蟲魚  
更就篇章考齊古粗知俛首受寒餓未肯著意尋豪舉  
牀頭有酒不敢飲況復闔門畫着媿故人此去今幾時  
亦有文字相撐拄東明縣前濟陽路每一夢至猶能數  
少年不憚道里遠平生未省別離苦只今多病須已白  
尚能呼渠醉而舞田園未還君可恨歲月漸晚吾何取  
飢蟲遶壁不自聊爾獨何情促機杼

寄唐充之二十韻

俗事自相促吾生常作難長河已萬折險路復千盤坎  
壖深藏步岑嶽穩轉鞍誰知守樗散略不悞泥蟠末學  
多乖謬微軀實控搏小兒成項領烈士吐心肝許下少  
文舉吳中無伯鸞直須識根柢始是極波瀾念此欲誰  
語想公還自寬屢成長劔倚得洗夜蟲酸邂逅終年別  
殷勤一笑歡已除舌本強仍斲鼻端漫直節羣公念高  
名四海間相期更無事所祝在加餐晚日留殘雪春雷  
續淺寒欲行殊未必堅坐只長歎不厭道里遠敢辭裘  
褐單却尋三語掾重對兩蒲團剩欲洗胃次先留倒筆  
端何須灞陵岸回首望長安

竹西亭



十年走塵土重上竹西亭草木新容態江山舊典刑狂  
風掃毒暑落月伴疎星認取揚州路荒城一株青

邵伯路中途御前網載末利花甚衆舟行甚急  
不得細觀也又有小盆榴等皆精妙奇靡之觀  
因成二絕

花似細薇香似蘭已宜炎暑又宜寒心知合伴靈和柳  
不許行人子細看  
玉檜盆榴作隊來異香相趁不相猜從今閉向深宮裏  
莫學江湖自在開

飲秦少方家

秦郎家畔一甌茶何處清涼不是家客子三杯玉泉酒

主人一曲浪淘沙

孫量臣約遊乾明借秦少方韻見贈復次韻答  
之

睦州香火趙州茶走遍叢林不著家今日為公拈出也  
兩橋人語是高沙

僧問睦州如何是自己州云看  
香火去僧問趙州州喚喫茶去

春晚郊居

柳外樓高綠半遮傷心春色在天涯低迷簾幕家家雨  
淡蕩園林處處花簷影已飛新社燕水痕初沒去年沙  
地偏長者無車轍埽地從教草徑斜

外姊趙夫人智量一作諒以良人沒祝髮感歎成詩

故人前去冢纍纍為恨為憂未肯歸縱有青山可藏骨



却無紅淚與沾衣  
饒三笑汝參禪誤  
晁四憐渠祝髮非  
猶勝同儕二三子  
枉隨秋草閉斜暉

代贈

十年流落漫西東  
想見謝家林下風  
晉邑自思樂孺子  
魯儒空望叔孫通  
風花已分飄藩外  
玉樹何情著土中  
縱有春梢堪寓目  
却無人面與爭紅

又代贈

略無歸夢遶湖湘  
漫逐微陰出建章  
月裏寒珠一生露  
鏡中衰鬢十年霜  
逢人莫唱相思調  
閱一作處世終無却老方  
想得扁舟北還路  
斷雲衰草更斜陽

臨川王坦夫故從谿堂先生謝無逸學北行過

廣陵見余意甚勤其行也作詩送之

王郎別我春已晚  
索我題詩敢辭懶  
讀書萬卷君所聞  
只要躬行不相反  
聖人遺言凜可畏  
小事未免書之簡  
衣冠瞻視有法則  
何獨文章要編刻  
譬如逆風曳長艦  
竭力正在千夫挽  
君行念此須飽參  
即是谿堂句中眼

無逸嘗有送吳君詩云問我句中眼

登淮南樓

樓上西風日脚斜  
樓前廣道更人家  
高林稍稍變黃葉  
細草重重冒白花  
薄酒尚堪澆舌本  
故人何事走一作各天涯  
涯蓬籠只繫南亭下  
乞與寒江整釣車

題淮上亭子



亭下長淮百尺深，亭前雙樹老侵尋。  
暮雲秋鴈且南北，斷壘荒園無古今。  
露草欲隨霜草盡，歸櫂時度去櫂陰。  
秋風未滿鱸魚興，更有江湖萬里心。

夏夜大雨呈若谷叔并晁叔用江子之一上人  
中庭電光垂四壁，雨脚溜初如單車。  
馳忽若萬馬驟並，牆不相語燈影照圭竇。  
翻思共按樂日月，不得又叔能糠覈。  
肥姪且藜藿，瘦買田嵩穎間欲往。  
今已後旦夕呼晁江把酒且相就，更煩一上人不語居坐右。

贈一上人

細褥紗幘臥軟綾，豈知秋色到襄陵。  
飢烏乍定門門樹，寶塔新晴夜夜燈。  
晚菜聊充肉一臠，殘杯才當飯三升。

平生積懶成驕惰，慚媿空房獨坐僧。

久雨路絕賓客稀，少聞后土祠瓊花盛開亦未果一往也。

臥聞更鼓濕不鳴，曉聽但有摧簷聲。  
雲橫不放山入坐，風怒欲倒江衝城。  
東家酒熟花爛漫，折簡喚客留娉婷。  
街頭泥潦一尺許，意雖欲往無由行。  
儒生活計亦不惡，蒲團堅坐到日落。  
映牕香穗觸凝塵，過眼文書開病膜。  
明朝新晴有佳處，穩看小檻翻紅藥。  
無雙亭下一枝春，玉潔霜清未寥廓。  
閉門嬾出君莫笑，看汝多愁吾獨樂。  
故人無事儻能來，爲君試舉舒州杓。

同狼山印老早飯建隆遂登平山堂



塵埃障西風草木被朝日籃輿郭北門未厭來往疾僮  
奴嬾不進頗復費呵叱道人先我行厭坐已一室殷勤  
勸客住午飯當促膝爐煙牕紙明鳥語樹葉密却上平  
山堂晚景更蕭瑟澄江渺天際妙句不容乞平生泉石  
念固自有遺失何能從兒曹十事九不實茲游豈不快  
此老固坦率尚從文殊師一往問摩詰

舟行次靈璧二首

往來湖海一扁舟汴水多情日自流已去淮山三百里  
主人無念客無憂  
小市荒橋貫濁河故人雖在嬾誰何只因遠地經過少  
更覺新年坐臥多

己亥上元數同晁季一叔用清坐不出

北風凜凜吹月高萬木夜作窮猿號臥聽車馬赴塵土  
愛此一室明秋毫小爐著火晚收燄短檠照坐寒無膏  
主人忘言客亦嬾更煩赤脚送茗盃子雲事業本清淨  
維摩方丈常蕭散出游苦畏今日閑歸坐略盡平生款  
自知衰病損剛腸只要文書遮病眼公能却埽趁閑暇  
渠自低頭費牽挽明朝乘興尚能來咫尺吾廬不嫌遠

寄李商老

黃塵車馬流金火戰殘暑西風迎潮來密雲復無雨江  
淮早已甚映眼但塵土田疇雜蕪穢草樹翳洲渚緬懷  
平生歡捐棄各秦楚千言偏胷次到口不能吐君非一



臂舊此意復可許青蠅暗藩溷有似嚇腐鼠須君濟川  
手略為虹蜺舉念之不能眠清坐聽鳴櫓

晚至城南

來往城南路今年又作冬荒林挂落日古寺疊疎鐘職  
事日三出交游時一逢可憐河上水唯少莫山重

東萊先生詩集卷第六

東萊先生詩集卷第七

呂本中居仁

汴上作

不使西風便解維且留殘暑震餘威累累野水循河下  
撮撮榆蟲撲面飛五斗漫隨王績隱一裘聊待晏嬰歸  
平生事業新詩在送與江南舊釣磯

初抵曹南四首

未辨歸山計一作臥病初無家今年學作官簿書妨好夢塵土敗  
餘歡但有妻孥累初無肺腑寬從來畜鮭菜不上八珍  
盤

久罷攝生術虛一作空藏種樹書病多詩輒廢秋到客仍疎  
約帶何辭緩穿鞋不暇徐猶勝策高足辛苦曳長裾



臂舊此意復可許青蠅暗藩溷有似嚇腐鼠須君濟川  
手略為虹蜺舉念之不能眠清坐聽鳴櫓

晚至城南

來往城南路今年又作冬荒林挂落日古寺疊疎鐘職  
事日三出交游時一逢可憐河上水唯少莫山重

東萊先生詩集卷第六

東萊先生詩集卷第七

呂本中居仁

汴上作

不使西風便解維且留殘暑震餘威累累野水循河下  
攝攝榆蟲撲面飛五斗漫隨王績隱一裘聊待晏嬰歸  
平生事業新詩在送與江南舊釣磯

初抵曹南四首

未辨歸山計一作臥病初無家今年學作官簿書妨好夢塵土敗  
餘歡但有妻孥累初無肺腑寬從來畜鮭菜不上八珍  
盤

久罷攝生術虛一作空藏種樹書病多詩輒廢秋到客仍疎  
約帶何辭緩穿鞋不暇徐猶勝策高足辛苦曳長裾



併足經庭右塞裳入座隅一作時容著帽進雅稱折腰趨  
燥吻應難濕殘杯莫強濡平生駟跛豎今日更長途  
往時汪博士勸我便歸休細雨簷花夜長江楓葉秋欲  
行殊未必高臥恐無由感歎思亡友端居可一作只沮流

言志

馮驩客傳舍彈鋏歌不已託身孟嘗君惟有一劍耳何  
事食無魚何事出無輿先生猶有劍至我劍亦無一來  
曹南郡優游聊自娛春風吹我衣春草生庭除小便飽  
略轉晚髮手自梳仰面送歸鴈低頭羨游魚幸有薄薄  
酒浸漬滿腹書安得待天命吾心亦何如長鋏莫漫彈  
何必憶吾廬

學道

學道如養氣氣實病自除驗之寒暑中可見實與虛顏  
然覺志滿乃是氣有餘豈惟煖臍腹便足榮肌膚但能  
嚴關鍵百歲終不枯道苟明於心如馬得堅車養以歲  
月久自然登坦途江河失風浪草莽成膏腴熟視八荒  
中何物能勝予時來與消息吾自有卷舒死生亦大矣  
汝急吾自徐捷行不為速曲行不為迂一漚寓大海此  
物定有無誰能具此眼況望將其須學有不精盡遂至  
玉碇碇昔人中道立為汝指一隅千言不知要徒自費  
吹噓所以季路勇不如顏氏愚請子罷百慮一念回須  
更忽然遇事入此語當不誣



和趙承之

十日九日昏夢集職事向人如束濕看朱成碧有底忙  
然其煮豆相煎急長官抵几入門去小吏垂頭就行立  
塵埃上下久可厭學問崢嶸老難入平生謬欲師古人  
遇事始知吾不及正須眼底去涇渭自是胃中無滌戟  
丈夫蓋棺事則已破屋頽牆使誰葺要隨歸鴈刺天飛  
莫待枯魚過河泣

曹州後園夜行

本欲生稜夢不成城頭高下打三更月明如畫柳如畫  
更向瑤池南岸行

風吹蒲葦叢三首

風吹蒲葦叢中有霜墜意美人天一涯行一作客子初夜至  
風吹蒲葦叢秋色日向晚美人何時來行子飢未飯  
行子惜日月美人輕別離風吹蒲葦叢及時當早歸

曹南試院懷向子諲兄弟兼呈張擴

大向金相玉為表小向堅車取長道閉門不見今幾日  
塵埃滿城何時好病夫坐穩百不聞讀書聒人到夜分  
朝來雨過涼氣足思與張侯同叩門

試院中作二首

客夢斷復續角聲寒更長疎籬咏殘月老木犯新霜闕  
繫身何恨馳驅汝自忙稍知詩有味復恐道相妨  
諸生未下筆客子且安眠老覺文章退官憂簿領纏短



藥仍有味高枕自無緣但願無他苦今年如去年

擬古

西鄰有佳人開戶納明月月照衣上纓同心爲誰結此  
結今幾時未解心已折隔林聞擣練起坐更嗚咽情人  
在萬里我獨音問缺不聞行路難但見思歸切年來契  
闊久烈士或喪節如何空牀居初未見短鬪胡馬與越  
鳥本自無離別草搖新霜白秋送池中竭君心有斷絕  
妾恨無盈歇

正月十五日試院中烹茶因閱溪碑

小爐方鼎蛙蚓鳴那知簾外東風驚亂雲初破盤鳳影  
缺月半墮春江明已驅簿領出門去更洗肝肺令愁醒

大碑古字久寂寞高堂素壁空崢嶸坐看光燄埽塵土  
便覺冰霰臨牕屏文章斷絕生氣在妙句直欲無蘭亭  
嶧山野火燒欲盡瘞鶴半在江中陵不知此書更奇古  
反覆厭飫無譏評山精地神肯愛護至今歐虞來乞靈  
要令石鼓舉吉日不必細字臨黃庭生平訪古少如意  
對此自足忘經營世間兒女爭媚好紙上姓名誰重輕  
邇來半月得堅坐一室當行千里程南樓燈火慢明滅  
北里笙竽頻送迎儒生事業了不惡故人浮沈吾嬾聽  
更闌更自取書讀喚起奴僕尋短檠

試院夜坐

急雨翻燈夜不眠小牀敲側似乘船平生萬事不如意



病後一身私自憐海中神仙渺茫裏方外酒徒憔悴邊  
本自無心覓餘地問公何苦愛逃禪

清都行

我昔謁帝白玉墀獨駕翠虬驂赤螭御風而行過日圍  
遂登清都遊太微廣殿上建明月旗綴以列宿懸雙蜺  
帝顧而歎憐其癡寸田不治來何遲我拜稽首心自疑  
世俗逼隘臣所知黜慢之故還無期後有美人雲霧衣  
玉坐交映生光輝不必翠被緣珠璣祕文玉簡手自持  
見我而笑揚蛾眉問我此去來何時握手贈我藍田芝  
汝生甚良學則宜無自輕厭令神馳一來人間今幾時  
恍如夢覺不可追骨肉腥穢顏忸怩北風吹寒霜露微

想視倒景凌空飛却從帝居尋玉妃為汝更賦無言詩

試院中呈工曹惠子澤教授張彥實

十日虛房罷送迎不知新鴈已南征忍窮有味知詩進  
處事無心覺累輕殘葉入簾收薄暑破牕留月漏微明  
知公坐穩無他念識我階前拄杖聲

寄知止

近有書來欲見尋扁舟南下已春深濁河遠貫長淮水  
峽岸遙瞻寶塔臨楊子宦游常落拓茂倫心事轉崎嶇  
雲橫雪擁藍關路總是平生願學心

印纍纍

印纍纍綬若若不如相逢一餉樂谷量牛馬斗量珠不



如閉門細讀平生書居臣意氣或有餘利害毫髮過不能以手援其軀風吹月明落我庭樹宿鳥夜驚徐徐飛去晝夜有程汝何不住前畏彈射後畏網羅熟熟鴻鵠雲霄可摩亦知人生如意少不如意多富貴欲長保執斧不見柯印纍纍如此宿鳥飛去何

曹南過五丈河隄入城訪顏岐夷仲清談久之乃歸

春色不自惜落花如許愁晴天一望遠漕水十分流每遠長隄去頻因好句留相隨覓季主不必貸河侯論極文章祕居兼竹石幽和風落香燼晚日泛茶甌壯節知無用諸儒誤見收江山亦在眼歲月忽忘憂南郭今喪

我長卿仍倦游漫成長韻律勝與小蠻謳簿領憎頻過塵埃嬾再謀何須五湖口風雨轉船頭

雪夜

政和六年

曹州城南三日雪半夜疾風吹石裂先生睡美喚不聞不信衾幃冷如鐵病妻索火少聲韻稚子哦詩應歌節殘書向人老可愛舊劔空在磨先缺未能去尋泉石伴未用深藏狐兔穴新正已過今幾日歲事嬾復從人說長江略無千里夢故人動有十年別相逢一笑又艱阻所向端坐成癡絕城中諸公不相棄時有妙句扶衰拙頗知晴意在明日泥深不怕車轄折便當脫帽過君家共放南牕看新月一杯凍酒君莫辭預借炎洗煩熱



曹南官舍書事

去歲頭已白今年眼復昏不憂窮削骨仍有病傷魂酒  
薄如官冷年豐荷主恩空庭閑草木終未答乾坤

早出

早出苦莫厭此心吾已灰嚴風逸月落曉氣淡霜回疾  
病衝寒怯衰遲畏事催忽忽節漸去衮衮事方來破壁  
詩猶在荒城菊半摧還家一樽酒思與故人開

寄江端太子之晁冲之叔用

往歲孟秋月我行東出關人煙渺一作滿歸路風雨轉河灣  
別恨交游失心成木石頑有隨妻子歎無語烏烏閑曩  
曩事空回首微官真強顏舊諳塵土逆頻辱簿書頌日

勤憂 庭闈實阻艱自忘身羣束時得淚潺湲疾病衰

猶活漂流老未還悞語文字癖虛覺鬢毛斑苦語終難

好一作就蕪辭漫不刪絕一作知出意表敢復見顏間二子今

懷璧羣公時賜環寄書常恨草雕句得無慳晚照雲千

疊新涼月半彎相忘有道術那得厭塵寰聖治光三輔

皇威極百蠻物能同應瑞民自不藏姦薄技寧堪奏餘

光或許攀何須陽翟望咫尺是箕山一作相期下江海不敢厭

髻環與解肥馬健目就小船趁松子猶堪  
拾梅梢或許攀不須陽翟路咫尺自箕山

兩鶴行

西風引湖光上與月色亂化為兩白鶴飛來洞庭岸洞  
庭無網羅兩鶴願為伴鳴聲既清好羽翼又璀璨一鶴



飛上天久厭俗眼玩一鶴不能飛摧顏自悲歎三年望  
絕壁念汝腸已斷昔既薄恩情今還恨霄漢未忍學鷓  
鷯裁求一枝換

陵城歌曹州城北十里有陵城坡冢纍然即定  
陶恭王丁傳陵也余往來過之傷嗟再三因爲  
作歌

北風吹沙秋草黃漢家故陵當路旁殘墓斷壟趁風雨  
狹徑小樹行牛羊當時王子朝未央飛燕姊弟承寵光  
大策已定回朝陽不知外家諸舅忙後來變化尤猖狂  
佞賢賊莽分行藏豈知漢運中更長濟陽舍中方赤光  
終亦變化隨飛揚何獨此地令人傷人生觀此當自顧

位高金多終此路君不見五陵佳氣且如此更復何情  
說丁傳

早至天寧寺即趙州受業院也

殘月曉未落疎星點寒林嚴車城南路先聞鐘磬音道  
人迎我入共步重廊深淪殘施淨供水味雜海沈蒲團  
近宿火不受塵埃侵欲求半日息簿領勤相尋東堂老  
禪師枯木尚龍吟一轉庭前柏諸方疑至今我生晚聞  
道所向足崎嶇謬傳無字印嘗恐力不任淮海罷行役  
吾人多滯淫於焉一枕夢可見平生心

曹南寄親舊

淨名居士默無語翰林子卿虛見尋半世泥塗催老大



中年詩律費光陰江湖每有同歸志酒炙初無獨飽心  
三尺枯桐取煨燼斷弦遺譜有知音

大雪不出寄陽翟寧陵

簿書終歲忙風雪一日靜閉門近殘火稍覺諸事勝平  
生汗漫游已負麋鹿性微官不能歸但見日月競老人  
去已遠我行復未定訓言實在耳無因問溫清歸心止  
陽翟悲夢識新鄭大女癡無比有女多未聽小女索乳  
啼不與窮屋稱想喚添丁來與汝相和應低頭坐兒曹  
氣血安得盛非無車馬心未忍求捷徑顧自阻饑寒疇  
能免譏評諸郎何時逢相作玉樹映文章有活法得與  
前古並默念智與成猶能愈吾病

與寧陵叔弟別後有懷兼寄趙才仲二首

一別又經月欲來渾未期寧知萬卷讀難療十年飢長  
物新添女生涯舊有詩更傷新況味不報老親知  
表弟今何在中郎亦漫游平生足艱阻今日倍遲留誤  
辱瓊瑤報兼蒙札翰投南牕五更月常照別離愁

大雪不出

晶晶日欲出翻翻風自橫近階三尺雪附火一杯羹老  
樹春難別深簷鳴欲鳴新春第三日堅坐若為情

自曹南至陽翟追懷江上舊游呈叔弟

醉別白沙江上亭晚蟬高樹各秋聲風乘小艇鳧鷖進  
雨壓疎簷環珮鳴家事不隨王事了新愁常接舊愁生



只今疲病嫌鞍馬十日同居眼暫明

自陽翟至寧陵與虛己叔諸弟別還曹未久知

止復來偶成二十八字

綠遍牆頭楊柳枝小亭春盡阻歸期頭昏目暗無情緒  
不比少年離別時

試院中作

職事侵人畏作官略偷身去不能還樹移午影重簾靜  
門閉春風十日閑尚有文書遮病目却無塵土犯衰顏  
故人何處蓬籠底看盡江南江北山

去冬試院中嘗作詩云衣敝蟲可捨髮垢櫛不  
下披衣坐牆角尚有微火跨平生足拘窘今日

幸閒暇新文加點竄欲歇不能罷雖微塵事妨  
頗畏俗子罵出門見諸老此語君可畫今年復  
入試院職事多窘迫者簿書滿前如赴蹈湯火  
也再次前韻

誰令君作官衮衮簿書下誰令君不學陷穽乃欲跨一作

欲凌跨緬懷北牕翁斯人蓋多暇田疇望家遠日月已秋罷

尚蒙諸公憐未至官長罵何時歸來圖更作一段畫

雨後數與李仲輔兄弟往來且約十七日同過  
士特因成長韻

鄰雞再三鳴不改風雨晦東裝向前塗恐與泥潦會故  
人時一來共此一室內微言久已絕苦語或未遂子孫



甚奇古却立有餘地舊從伯氏游則已聞令季斯文儻  
未遠吾今盡憔悴相期無何鄉獲保清淨退藏身稠人  
中著眼世事外山空倚巖石雪立老杉檜往來相遇難  
更自少如意旦日過城南把酒公一醉

首夏二首

生平寡嗜欲頗願得少閒盡讀未見書徧尋雲外山往  
來二十年昔者盟未寒妻子見驅迫低頭言作官朝翻  
朱墨案暮對藜藿盤豈無一畝宮令汝得少安向來棲  
息地苔竹奉餘歡何時二三子共駕牛車還汝實江海  
人悞今塵土干舊游在髣髴欲往當不難但去眼界窄  
自然心地寬

空庭下疎箔樂此樹陰美鳥聲相續來百種皆可喜日  
長少文字俗事不到耳開牕略須夜月露欣瀾瀾頗念  
閑居樂感歎投筆起吾家  
痛我入骨髓還家治  
場圃喚我共料理會同江海去更欲附船尾平生跨款  
段不敢廢鞭筆誰云馬中龍一日有萬里卜鄰吾所知  
江晁老兄弟

東萊先生詩集卷第七





東萊先生詩集卷第八

問晁伯宇

物生無榮賤悉是君所見相值有相違誰能滿吾願  
田園棄荒蕪官居走郵傳誤尋文字盟秣馬當百戰一飯  
或未飽逢人足嫌怨窮於投林淵窘若巢幕燕忍學少  
年子羽翼偷絢練百萬買纏頭千金奉娛宴願為匣中  
玉不作秋後扇丈夫重許與正爾未為倦絕糧有不死  
酒肉虛健羨古人馬伏波吾猶識君面

將去曹南連得江晁書因歎存歿諸友遂成長  
韻

西風脫殘暑我病不自聊吏舍少還往亦復長蓬蒿欣

東萊先生詩集卷第八



臺灣國家圖書館, NATIONAL CENTRAL LIBRARY, TAIWAN, R.O.C.



然脫帽去念此非一朝陽翟未遽往寧陵虛見招初無  
食息地未免柴水勞故人數通書尚有江與晁窮途感  
節義俗耳受風騷向來相知人昔盛今寂寥落日送汪  
謝荒山留老饒關侯最傑立亦以膏自燒後生有向子  
更盡兒女嬌出門天奪之不令上雲霄坐看朋友淚未  
減春秋褒怪我但羸疾悞蒙風雨搖日月費奔走文章  
勤琢雕會須領妻子更欲投吾曹者舊喚歸隱諸公憐  
久要劉文器之及顏平仲向伯恭韓秉則諸人皆相約爲一州之隱以便往還講習之益出同赴雞黍歸但守簞  
瓢相將訪雲山所至雜漁樵還當古渡口臥聽西江潮

精衛詩

西山有鳥其狀如鳥名曰精衛其名自呼精衛堙海不

堙不止問誰之報云帝之子帝子女娃往遊不還精衛  
求之不敢有安海流不改汝堙不遷嗟哉精衛志則可  
憐我昔讀書惟聖之求竭力從之以春及秋老人宴居  
審吾之學惟時友朋日就雕琢聖言甚微吾意則近近  
以識微退或有進三年于曹惟罪之恐人雖甚厭子亦  
不勇舒舒其雲法法其水子不與歸而日有以豕羊在  
牢芻秣之戀烹庖及之抑又誰怨子學日遠子道日疎  
有媿精衛其誰與居精衛之飛不必戾天子之不如寧  
有智焉惟作與否愚智之擇小人作詩惟一勸百

寧陵弟相送至南京因成四韻寄季一子之叔  
用



白髮無端巧上頭鏡中顏狀不能羞要尋揚子一塵地  
未用劉公百尺樓野竹連陰護蒼蘚暮雲生雨續黃流  
秋風有信鱸魚在更約江晁共小舟

十一月一日步河堤上

簿書糾纏人欲出不自許老吏環我前更作附耳語脫  
身上河堤頗似晝伏鼠河堤平如掌下有千歲土夕陽  
斂殘照草木過寒雨遊魚者鉤餌舟子快新煮煮魚得  
放飯尚歎行役苦江湖平生心歲月可逆數故人書斷  
絕吾事有去取歸來計清尊妙句還一吐

留侯

留侯下邳時豪氣或未除晚節欲輕舉效在黃石書其

書本無言一歎三嗚呼彼公實天人識此鸚鵡雛良田  
有蕪穢令子痛自鉏萬事不得已一身常晏如袖手默  
無語四方瞻步趨不知隆準公果能知子無小兒荀或  
輩下及崔浩徒謂能明子心此語亦已誣不能處其知  
正足殺其軀所恨生已晚聖門無坦途學不盡其才未  
免風俗驅詩書在煨燼子何不回車試問禮之本更觀

心地初

莊生言欲當則緣于不得已不得已之類聖人之道留侯蓋庶幾于此  
韓非曰非知之難處知為難矣此留侯與荀或輩所以分也使其親受  
業于聖人蓋未可量故妄作此  
詩論其人緊寔平昔所粗曉也

送韓馥秉則赴棣倅

公如玉壺冰見即離煩熱況當清秋懸更自貯霜月中  
邊本無垢何處覓焚熱盛以百鍊鋼此亦不得折初蒙



一日款遠有千里別扁舟轉青齊歲事當雨雪遠行不  
贏糧已誤服食訣古來饕餮徒頗謂一世傑唾壺彼何  
知便為如意缺觀其所用心舉不異鼠竊首陽獨往人  
渠自飽薇蕨舉頭公一笑百慮無以絕江源初濫觴末  
乃流不竭傷哉韞上鷹一飽便飛掣

讀秦碑

秦人跨九州欲以傳萬世立石名山旁往往章一作示得意  
至今見遺刻字體甚雄異壯哉蒼蘚文未改回屈勢風  
雨所侵蝕中有千丈氣嚴如虬龍蟠深若鐵石利餘威  
到山鬼謹守敢失墜漢魏能書人亦可可睥睨未能識  
藩籬何止趁姿媚初無一日雅但有三舍避文章又奇

古遷雄蓋苗裔觀其所稱一作著述肯為尊者諱巧言未大  
失末乃為俗累嗚呼結繩前此又誰與記君臣共無為  
垂拱天下治春秋紀日月大易垂彖繫嬴氏厭休息動  
以衡石計斯翁變古文程邈分篆隸自此更滋蔓日以  
趨簡易馳驅千百年漫有紙筆費誰能罷煩文盡掃著  
天外此書雖見存或以少為貴持此槁木枝我亦無甚  
媿

次韻荅曹州同官兼簡范寥信中

好詩有味終難捨俗事無功莫羨渠破曆屢翻深甕酒  
短檠時檢舊牕書何年鷄黍先投社是處田園可結廬  
更請二公搜好句一身疴瘵要爬梳



龔彥承觀軒

愛山不能歸常恐山怪責終歲在行役感動頭已白高  
秋強僮僕路過龔掾宅蒙君開南軒除我眼界窄白波  
遠青嶂髣髴見顏色江上飛來峰卻立對君側蕭蕭蒲  
葦叢不受塵土隔知君有奇趣笑我常偏仄人生無窮  
已得一乃願百牀頭貯美酒牕下著好客請公但默然  
歲晚當有獲

畫馬圖

平沙遠草春未生萬木夜起爭悲鳴秋雲欲墜一作墮都護  
壘急雪暗下屯田營胡人却走畏深入漢家飛將已雲  
集此時一馬直一作貴萬錢隴右河湟更供給邊塵淨盡今

百年萬馬潦倒西風前天生駿骨例艱阻是處雕鞍蒙  
受憐君家九幅開新帳欸見驪裏華堂上長鞭不用羈  
絡遠霧縠雲羅倚惆悵高旌嫋嫋霜露微首猶得雨連  
山肥同時戰士今不歸曹霸弟子能神奇毫端妙處君  
得之駑駘往來空爾爲

堤上

落花吹盡不堪憂只見河堤水漫流晚日強穿城市  
春風猶駐驛南樓妻孥轉覺爲身累歲月終難望汝留  
萬里長江一尊酒故人何處倚扁舟

將赴海陵出京治汴覓舟候送客不至遂行

子行殊未來我馬已再秣略投故人飯苦厭從者聒長



河見舟楫尚恐塵事奪風翻蟬急噪雨漱岸欲耽南山  
已在眼想望淮水闊別離古所重況在交友末翩然欲  
行際所寄一短褐路長書來稀何以慰飢渴

四月二十二日  
出城至子我家

候子之民師不至因簡商丈壯  
興夷行伯野季一由中諸公

京師新鄭與諸晁兄弟往還前後數詩

夜語不嫌久凜然天欲秋客燈吹屢滅細雨落還休未  
許金張並虛為鄆杜遊江河少歸夢知為故人留  
我髮日已短公愁安得長牆根春薺老瓶水臘梅香侍  
立無天女相隨有漫郎平生湖海興今夜宿連牀  
髮短各已白眼昏誰復明殘春斷花柳晚日閉柴荆潦  
倒書常廢驅馳夢或驚尚於團聚樂雖老未忘情

令弟窮顏蠋書生老仲舒相招得共處何往更安居歲  
月塵埃外桑麻雨露餘送行無別物圮上一編書  
苦語相留極虛牀會宿頻山東今出相海內不無人婦  
女能尊客兒童不厭貧長塗有知遇今日倍情親

本中將為海陵之行念當復與子之作別意殊  
憤憤偶得兩詩上呈并告送與壯輿叔用也

斯人如玉雪可愛不可忘助以濯滄海亦復閱餘光今  
茲困塵土更伴衆翼翔時來喚我語共此一榻涼風雨  
不頰舌冰霜清肺腸我老漸窘束公才方頡頏春秋有  
體製子蓋能文章要當纂微言不以近故妨粲然東園  
花不登葵藿場



老僕倦日長羸馬困道遠東行數日間尚欲一再款我  
能喻子意子亦識我嬾追懷十年游僅得一笑莞時能  
煮湯餅更復下茗盃晁郎本京邑劉子蓋楚產江山兩  
秀異與子日在眼南風動歸興感慨毛髮短相尋儻有  
日歲月亦未晚

鴈

鴈從何方來云自燕趙北今當何所往暖日近暘谷寒  
雲墮江漢未見所棲宿朝憂稻梁少暮畏羅網逐惜哉  
還往頻愈覺歲月促悔不近藩籬隨羣伴雞鶩羽翰何  
必好志願亦易足物生有高下終恐厭摧伏公看滄海  
頭萬里飛鴻鵠

赴海陵行次寶應

一作過白田

半舛濁酒試萼羹賤買魚鰕已厭烹淺水依蒲有船過  
淡煙籠月更人行交游潦倒腸先斷疾病侵陵涕自橫  
北望中原一作幾千里故人誰復喚歸耕

海陵雜興八首

四海今誰託飄然未有歸先生作詩瘦稚子食言肥未  
忍螢枯死甘隨鷓退飛故人取堅坐不為賦無衣  
相見各已老壯懷如昔然蛟龍夜改穴風雨暗移船把  
酒猶堪醉逢人嬾問禪還家有餘地留我買山錢  
諸老今無恙秋來數寄聲尚能無事飲猶勝不平鳴行  
李虛長缺生涯共短檠江湖日在眼恐負白鷗盟



荒城足風雨今日更新冬草木山嵐暗人家水影重漫  
看文字過時有簿書逢目極橫塘路西樓聞暮鐘  
曾子不復見斯人絕可憐夢回千嶂裏氣奪萬夫前異  
日文章社平生香火緣高樓更南望霜落一作路倚江天時會  
元似新萬事不如意自然添白須極知少餘韻何敢厭窮途土  
故物俗尊魚婢生涯欠木奴東行見李白誰爲致區區  
空山鶴夜鳴海風令人驚對月且愁思看書終眼明斗  
酒不爲薄客帆那計程猶憐他夜雨曾作打牕聲  
輕帆載曉月和夢到一作別揚州木落山光寺江橫北固樓  
漫拋三徑隱虛有十年遊尚勝劉師命才因越女留

往來送迎城南道中二絕

破裘重補却勝寒暗減頭圍覺帽寬數頃桑麻遠城路  
每隨妓吏去迎官

海氣如煙跨市樓北風連夜舞一作雨梧楸平生事業難牽

強坐聽寒燈守聒囚

家叔舍弟與黎介然會于符離因用兩絕奉寄

漫約同歸久未償只今留滯各他鄉春風有信勤歸鴈  
夜雨何時復對牀

老覺爲官百不宜故人雖在鬢如絲遙知再踏同游地

更想汪饒曳杖時

余昔與介然德操  
信民同寓符離

病中夜聞雪作詩堯明有廣陵之行未歸思爲



數語奉寄久之未就他日堯明歸攜詩相過飄然有馭風凌雲之氣因以前詩答之

公方他山行我此一室病擁爐聽夜雪若與風勢競蕭條中疑休狼籍久未定平明望屋瓦入我眼界淨所恨子猷遠無復肯乘興想當巖壑間玉立與輝映時來有傑句遂入風雅正寒威固深避草木自溫清公家鶴氅翁韻與羲皇並流風及遠孫筆力如此勁雕績或過眼惟我乃弗稱新春上河堤梅柳當歷聘過從不厭數荒疇取微徑

次韻堯明貢院詩

忍窮不能歸強飯亦良計東風頻報春草木可次第厭

為龍頭縮寧作龜尾曳從來翰墨場一作文字娛即一作有聞見

滯譬如已耕一作田更欲深種藝或蒙鹵莽報未肯一作忍即

棄置不聞太倉粟亦一作校毫髮細王卿固倦游穢濁有

乃一作蟬蛻聲名動時人一作我實託末契泥塗倒履齒塵埃

沈一作衣袂要為無用用乃作不事事下馬一作舊戰場午

日在庭庇一作向來槁木枝忽有紅綠綴來非偶然住去

亦無所詣聚蚊著甌中得一作聽此鶴唳窻前一作有餘

馥勝韻入松桂扁舟下淮南閭里思少憩孰觀昔所歷

請與居士戲江湖要同歸不假木蘭一作萬變才一戲滄浪

海陵夜作

夜長夜長天復霜海陵城中今夜長夜長夜長冬向晚



向暖一作天寒堦無人看月滿一作海陵城中今夜短路長一作遙家遠來信稀  
水關山深歸夢短一作斷堂上書生頭已白朔方健兒十年  
客想渠當此夜長時撫劔雖長酒杯窄明妃愛惜漢宮  
衣烏孫公主終不歸戚姬去視鴻鵠舉更爲君王作楚  
舞當此夜長誰送迎此月還一作亦如今夜明夜長夜短公  
莫厭寒即重裘熱須簟夜長夜短公莫憂多憂多厭公  
白頭

東萊先生詩集卷第八

東萊先生詩集卷第九

呂本中居仁

秋夜行

八月九月啼寒蠶十月北風天雨霜客游無聊思故鄉  
鄉書不來空斷腸鴻飛何爲滿夕陽舉頭攬取明月光  
置我堂上方天牀滿酌玉杯碧淋浪喚取姮娥來共嘗  
人間歡樂壽命長不須辛苦老柱旁

臘梅

學得漢宮妝偷傳半額黃不將供俗鼻愈更覺清香

牧牛兒

牧牛兒放牛莫放澗水西澗水流急牛苦飢放牛只放  
青草畔牛臥得草兒亦嬾兒嬾隨牛莫著鞭幾年力作



向暖一作天寒堦無人看月滿一作海陵城中今夜短路長一作遙家遠來信稀  
水關山深歸夢短一作斷堂上書生頭已白朔方健兒十年  
客想渠當此夜長時撫劔雖長酒杯窄明妃愛惜漢宮  
衣烏孫公主終不歸戚姬去視鴻鵠舉更爲君王作楚  
舞當此夜長誰送迎此月還一作亦如今夜明夜長夜短公  
莫厭寒即重裘熱須簟夜長夜短公莫憂多憂多厭公  
白頭

東萊先生詩集卷第八

東萊先生詩集卷第九

呂本中居仁

秋夜行

八月九月啼寒蟬十月北風天雨霜客游無聊思故鄉  
鄉書不來空斷腸鴻飛何爲滿夕陽舉頭攬取明月光  
置我堂上方天牀滿酌玉杯碧淋浪喚取姮娥來共嘗  
人間歡樂壽命長不須辛苦老柱旁

臘梅

學得漢宮妝偷傳半額黃不將供俗鼻愈更覺清香

牧牛兒

牧牛兒放牛莫放澗水西澗水流急牛苦飢放牛只放  
青草畔牛臥得草兒亦嬾兒嬾隨牛莫著鞭幾年力作



無荒田雨調風順租稅了兒但放牛相對眠

洞庭

嘗聞洞庭湖秋至清皎潔往來八百里長風駕明月中  
有仙人居容顏若冰雪我願從之游問渠傳寶訣脫冠  
養霞佩長與塵世別

細雨

細雨不成雪北風來解紛冥冥小江樹漠漠暮空雲誰  
惜江東弟令修地下文西齊千萬里遺恨不堪聞

王陽

王陽作黃金才了車馬費苦身邀聲名未免遺俗累何  
如陶淵明蕭散塵世外公田二頃餘覓酒債一醉高風

久寂寞斯文若旒綴白眼看世人此意渠不會

題趙丞瑞蕙菼圖

甘泉殿中芝九莖不與百草同條生當時祥瑞已稠疊  
蕙菼亦未來爭衡漢星不容矍鑠翁此物不與明珠同  
爾來萬物更變化蕙菼寧甘死荒野放遣根苗霜雪白  
炯若微月來清夜趙郎好事古亦無俯拾旁觀盡圖畫  
畫師不辭粉繪費遇時亦得千金價君不見古來異瑞  
與奇祥何曾不致南宮下

即事

清陰庭中槐綠潤牆外草職事苦見妨令人惡懷抱朋  
從多飄徙今我獨枯槁高牀書數帙時節豈不好不能



逐爾去但覺歸思浩人情便久習世態嫌衰老閉門了  
殘詩昔者跡已掃何時北牕風清尊爲君倒

寄臯以道

朝辭陘山清暮宿賴水綠往來百里間得此意已足吾  
人少如願夫子更絕俗閉門觀易象未用傷局促使我  
三日留共此一室獨皎如嶺頭月凜若霜後竹欲爲斯  
文壽以作學者福洛陽佳少年撫事多慟哭此其於聖  
學何異狗尾續寧知草玄翁萬事不挂目深湛而雅澹  
亦不在反覆吾祖早聞道晚與夫子熟相期千載外未  
得一世伏深山竄鼯鼯晚日度鴻鵠誰能從公游歲月  
如轉燭

轎上二首

城北城南柳絮飛街東街西鶉鴉啼海陵三月與春別  
一夜雨成三尺泥  
風雨屬連春事休十日九日  
城頭雖無俗物敗人意  
可使澄江消客愁

次韻遜叔直門見寄兼請堯明同和

紛紛塵土計秋豪忽送長江八月濤陶令且爲州祭酒  
鄧公才可掾功曹但看秋到猶絺綌即是花時合緼袍  
待得公歸吾已老滿田荼蓼與誰薈

萬字同豪  
字韻收

再和兼寄奉符大有叔

血氣侵凌不復豪往來敬倒似乘濤寧知嬾過嵇中散



亦有詩如謝法曹舊稟只堪供醬瓿故人相贈有絺袍  
兗州賓主同風味惡句煩公更一籌

雨後至城外

日日思歸未就歸只今行囊已沾衣江村過雨蓬麻亂  
野水連天鷓鴣飛塵務却嫌經意少故人新更得書稀  
鹿門縱隱猶多事苦向人前說是非

龐公

臥龍雛鳳不曾閑舉世皆危子獨安應念橋公無特操  
晚將情話向曹瞞

衛青

將軍相繼出天山漢主吞吳意未闌本自無心接賓客

故人猶有一任安

雜詩三首

烹葵去玉畿剝棗在海角歲序忽已周月亦頻告朔向  
來手中扇今此已倦捉尚嫌簿領煩不厭朋友數塵埃  
向奔走文字費雕琢途人有前知子乃獨未覺出門見  
大路夫子焉不學

結髮在簡編俗事方刺促往來三十年未見可棲宿微  
官不能去尚恐遭逼逐歸棲則在念所望一枝足頻蒙  
故人悞豈有鄰可卜出門雖無車徑自騎黃鵠重尋置

錐地青燈一盂粥

飢蚊青而花如目虬兩須黃昏與我遇且復少踟躕肌



膚恣啖齧孰視不可毆中宵盛徒黨意氣若有餘傷哉  
陷穿虎有時被囚拘求食至搖尾曾此蚊不如雲龍困  
螻蟻此語不可誣

秋日三首

諸卿談笑賞先登我欲從之病不能門閉日長公事少  
祇一作却疑身是住菴僧

塵滿文書燈暗檠荒城相望數殘更莫言愁罷無佳處  
睡正熟時聞雨聲

往來奔走一作馳騁看渠忙疾病低回却未妨喚客不須嫌酒  
惡隔牆時喜送橙香

橙二首

西風吹鴈欲斜行小檻寒花却未香將謂諸公頻載酒  
枉留橙菊十分黃  
不辭玉露著新行漫作人間徹骨香知道輸碁償舊約  
故留殘菊一時黃

寄京師親舊

屋頭橙實如李梅庭下葵花深覆杯豆田失雨不稱意  
野菊出苗虛見猜故人相望一尊酒問我此往何時回  
江山空自污敲朴筆硯洗復生塵埃交情自惜少同調  
人事只今多好乖欲隨明月覓公處限以白浪搖長淮  
舟楫誤逢蛟鱷橫歲月苦遭霜露催側身西望莫回首  
堂上書生心已灰



和成士穀鹿女泉詩

成子東游十日程  
駝裘顛倒帽敲傾  
新詩頓數神仙事  
病耳忽聞京洛聲  
去住閑一作同經幾塵刹  
往來一作還相望一  
牛鳴再尋六月山  
前路分我寒泉數  
勺清

春申君

少年談笑解秦兵  
便欲連從却未成  
莫謂江東可長保  
暮年無意引朱英

秋日三首

罷馬厭鞭策一作飢征鴻思稻梁  
終年在泥土永路困風霜  
慎勿鞍韉愛直須增繳防吾衰亦一作已甚念爾不能忘  
交游大半死吾亦老相侵古木十圍大寒泉百尺深恨

猶能切骨愁或至傷心寄語南飛鴈君無笑苦吟  
獄掾酸寒極官曹冗長催真同鶴久住不學鴈輕回婦  
女能相笑兒童忍見猜猶憐舊耆老時有一書來

和成士穀海安道中見寄

成侯老更嬾處世一虛舟暫脫塵埃夢還尋江海秋  
從來仙聖宅不數鳳麟洲有意相隨否因公更一遊

送虞澹季然之官京師

車如鷄栖馬如狗勸君莫笑循牆走車如流水馬如龍  
不如還家行御風以尻為輪神為馬世人計出車馬下  
出門險阻道里遠只今誰是能行者海陵事劇俸則薄  
得公相從亦不惡小吏相欺官長怒我自作煩公笑樂

臺灣國家圖書館, NATIONAL CENTRAL LIBRARY, TAIWAN. R.O.C.



庚公故是豐年玉道兒更自見不足斷崖獨立一作百丈老松  
柏青天何處飛鴻鵠汴堤六月塵自障請公登高一作萬里更  
南望馬煩車殆早歸來且從夫子濠梁上

海陵病中

一作寄劉器之文五首

病知前路資糧少老覺平生事業非無數青山隔滄江一作  
海與誰同住却同歸

先生高臥了殘冬我亦年來不諱窮夜半打牕人不會  
滿天風雨角聲中  
客游歷歷都如夢身事悠悠略似僧只麼隨緣作官  
不知從古更誰會

往來車馬鬧泥塗一室蕭然百事無語默二途俱不涉

一作本自無言亦無默

不勞辛苦對文殊

久一作飽諳罷臥懶呼醫刺讀文書不療飢數有故人來問  
疾更煩耆舊與傳詩

次韻李叔友賀堯明登第叔友丹陽人也本中  
得其人之詳於王堯明恨未之識也堯明擢第  
叔友作詩賀之堯明令繼作既喜叔友能不妄  
許可又嘉堯明進退取舍皆中乎道也三首  
柴桑無復陶元亮谷口虛傳鄭子真二子風流知有在  
且留餘味及吾人

澄江雖近不容親亦是人間可喜人枯木巖前有歧路  
一杯濁酒自成春



東坡先生詩集卷九  
二子深居筆吐虹從來節氣萬夫雄欲知聖主求賢意  
不為相如詞賦工

次韻堯明見和因及李蕭遠五詩

小閣纔堪置一牀病軀雖在鬢滄浪隨身行李無長劍  
猶勝堆錢與窟郎

交游潦倒漫虛名誤結他生文字盟踏盡塵埃公莫厭  
不應因酒愛江清

文人飄散各窮途諸老交情却未疎賴有清詩在書案  
時時翻讀伴更初

萬里星河指顧間此中何自著江山精金百鍊終無用  
才與佳人照一作點指鐶

阮公游宦喜東平賀盃從來憶四明但得從容飽麩糲  
不須辛苦辦青鯖

西歸舟中懷通泰諸君

一雙一隻路旁埃乍有乍無天際星亂葉入船侵破衲  
疾風吹水擁枯萍山林何謝難方駕詩語曹劉可乞靈  
酒盃茶甌俱不厭為公醉倒為公醒

寄馬巨濟察院時監泰州酒得宮祠歸南京

新春款南園積雨寒不歇起望海陵城幸未還往缺聞  
公得安還未放車軌折毫端倒江海曾次湛明月東風  
片帆來乃復為此別田園到荒蕪歲事有曲折不見南  
山松高臥擁霜雪鬢鬣凜可畏此豈念容悅願公考其



然一向鼻頭說

寄趙十弟

十年流落各西東再見初非舊阿蒙晉邑自思藥孺子  
魯儒空望叔孫通官情潦倒三荒徑世味衰頽一秃翁  
石室度籌吾豈敢且看鮮健勝龐公

叔度李明學問甚勤而求於余甚重其將必有  
所成也因作兩詩寄之

兩章後來秀頭角固斬然但語強弩末不爭驚馬先寓  
言有十九曲禮至三千所要在守節末言能與權

世之學者志過

而趨遠忽近而升高虛詞大言行不實雖始就學則先賢言言必不信行必不果  
達節行權由仁義行而不知言必信行必果守節共學術仁義之為先務也故修其  
身荒唐謬悠之說施之于事則顛倒博亂而卒無所正也

念我少年日結交皆老蒼曹南見顏石甬上拜饒汪

平顏

仲名子值汪  
信民饒德操

敢幸江海浸得霑藜藿腸諸郎但勉力餘事及

文章

與李宏子植同過信中飲薜荔亭下夜分乃散  
別後奉懷遂成長韻

殘花無言臥風雨小亭寂寞延初暑范侯置酒呼我來  
共坐堦前洗塵土坐間問有李與韓文字崢嶸各奇古  
起臥逡巡失杯杓笑語瀾翻雜歌舞滿城車馬鬧侵淫  
誰解牆陰著樽俎薜荔扶疎出枝葉老氣橫空君一吐  
人生此會不可常昔者各在天一方簿書相急如探湯  
好風吹我來君旁鶯啼燕乳各自忙明日酒醒空斷腸



秋日呈顏夷仲

老去身已衰事過意愈嬾斯人未寂莫吾此歸亦晚疎  
籬帶落葉秋色忽已滿南牕可炙背喚婦同茗盃舊讀  
無新功亦復費編纂凝塵亂朱墨妙句折編簡往者荷  
篠翁實具世外眼不能與之游只有興盡返曹南二三  
老夙昔荷推挽平生萬卷書未盡一日款微詞絕端非  
自怪識者罕願聞片言佳庶用收褊短

謝任伯夫人挽詩

幽蘭在深山無人終自芳豈伊桃李顏取媚少年場高  
氏有潛德奕世被輝光自其父祖來低首不肯昂夫人  
生既賢豈止秀閨房出身事夫子和鳴更鏘鏘笙鏞列

兩序圭幣羅中堂云何去日遠遂棄陵風翔伋也奉慈  
訓將見久必昌瞻彼汝南路松柏泣新霜淒然馬鬣封  
千歲終不忘

贈筆工安伋

昔人三年學屠龍技成不試身已窮安生不願泝泮封  
嗜好乃與屠龍同使世淬礪磨其鋒側出逆曳求新功  
伋也中立無適從隨所欲用吾能供歛溪孕石南山松  
四方萬里時一逢病夫乍閑百念空敗毫破管塵埃蒙  
明牕淨几聊從容恨無列宿羅心曾使汝得見文章公  
展卷略書吾已慵

寄共城賈秀才



萬里歸來四壁空  
舊游渾在默然中  
明年我欲江南去  
何處留詩可寄公

題大名官舍

宿昔尚殘暑  
晚風吹欲無  
不知留此住  
更白幾莖須

東萊先生詩集卷第九

東萊先生詩集卷第十

呂本中居仁

離行在即事二首

昏旦黃

裏經營

榻清看人長  
麈尾讓我短  
燈檠舊

友分窮達斯文鼎  
重輕邊聲授明主  
禮樂謝諸生

漂泊留旁郡  
煩人久厚顏  
強求微祿去  
未得故鄉還  
驛

騎隨朝發舟  
師語夜闌到家傳  
一夢歸

山

客況多堪笑  
歸舟靜擁衾  
轉喉常觸諱  
對面即論心  
外

物家無有園  
居念本深妻

廬陵相遇同

金液

埽地檮

陰

金馬

一朝陽

禿

翁未著

四海老子隨  
可惜相



萬里歸來四壁空  
舊游渾在默然中  
明年我欲江南去  
何處留詩可寄公

題大名官舍

宿昔尚殘暑  
晚風吹欲無  
不知留此住  
更白幾莖須

東萊先生詩集卷第九

東萊先生詩集卷第十

呂本中居仁

離行在即事二首

昏旦黃

裏經營

榻清看人長  
麈尾讓我短  
燈檠舊

友分窮達斯文鼎  
重輕邊聲授明主  
禮樂謝諸生

漂泊留旁郡  
煩人久厚顏  
強求微祿去  
未得故鄉還  
驛

騎隨朝發舟  
師語夜闌到家傳  
一夢歸

山

客況多堪笑  
歸舟靜擁衾  
轉喉常觸諱  
對面即論心  
外

物家無有園  
居念本深妻

廬陵相遇同

金液

埽地檮

陰

金馬

一朝陽

禿

翁未著

四海老子隨  
可惜相



勉各衰年省事

固根本遇可

元

氣日憊虧

次韻

詩

舊傳椰實來瓊州

楚萍出中流

護

送

海若亦恐貽神羞當時荔子寵妃子一日紅塵歸帝里

弃捐碩果人不食正音鏗鏘不入耳勿噴硯礪老瓠壺

中含瓊鼎碧淋腴聖門貌取夫子羽底事端可銘璠璣

新詩應欲泄感意更復誇談作真賜閱人如此慎勿欺

我與君論世事

閑居

風土徭人住依棲縣令尊摘山春晚苦汲澗雨餘渾白

日供高枕生涯付小園時來攜白鏟種藥兩三根

冬日雜詩

白日供多病青山且舊居柴門臨水靜風葉舞霜餘老

練時情熟貧窮家計疎牆東端可望炙背飽翻書

又

春景晴乃暎寒江曉不波雲山明客眼風露淨林柯紫

塞傳烽急黃池帶劔多蒼生好蘇息天意定如何

苦雨

雨添東澗連西澗雲斷前山起後山野水到門人去盡

昏煙迷樹鳥飛還江天日月渾無色客路風埃只強顏

舞石至今隨燕乳裁詩不復哭龍慳



題官使趙樞密獨往亭

謝公為時出四海正仰渠雅志在東山本末固不渝符  
堅百萬師一掃笑餘今公抱長策豈止安石徒平生  
獨往願結亭山一隅躋攀上修竹已自勝巾車舉手謝  
世人不與汝同途出佐明天子意欲無強胡行當復中  
原即日還舊都豈容思昔隱更作深山居小人病無能  
悞入承明廬朝夕投劾歸為公先掃除

申瑞應詩

避亂久去國遠游將抱孫氛埃到湖嶠愁歎滿乾坤氣  
力吾先老風流子獨存相逢能少駐重為倒餘尊

丁酉冬江上驚報

京路蕭條信不通胡塵尚欲競南風三年避地身多病  
萬里攜孥囊屢空天際每垂憂國淚日邊誰了濟時功  
宣王自是中興主會見鑾輿返故宮

高安道中有懷李彤

寒起溪邊蘆荻風霜林病葉未全紅鴈隨雲落斜陽外  
舟傍山行晚照中極目閑愁愁欲絕滿川離恨恨無窮  
天涯更送親朋去尊酒何時再得同

游陽山廣陵寺

泝流蕩槳到陽山寺在雲山縹緲間雨洗竹萌穿野岸  
風吹榕葉落荒灣僧眠白日鐘聲靜花送青春鳥語閑  
留醉嶺南無所恨不妨蠟屐恣躋攀



自陽山還連州

雨後輕裘寒尚侵杖藜終日共登臨水聲不似風聲急  
山色何如草色深萬疊殘雲渡晚照千章古木發新陰  
飄零未忍疎杯酌欲醉翻嫌酒滿斟

柳州開元寺夏雨

風雨條條似晚秋鴉歸門掩伴僧幽雲深不見千巖秀  
水漲初開萬壑流鐘喚夢回空悵望人傳書到竟沉浮  
面如田字非吾相莫羨班超封列侯

寄雲門山僧宗杲

隋堤河畔別支公目斷霜天數去鴻歲月崢嶸如許久  
江湖漂泊略相同無窮煙草夕陽外不盡雲山秋色中

寄語只今能見憶書來莫遣太怱怱

懷從弟

折柳長亭今幾年一行作吏楚江邊音書頓逐歸鴻斷  
消息時因過客傳五嶺風温吹瘴雨九疑雲濕卷愁煙  
每吟春草池塘句尚想詩成夢惠連

柳州謁義帝陵廟

淅淅寒聲未落霜滿庭殘葉不勝黃牆頽雨帶煙悲象  
爐冷風飄香修墓尚應懷楚德入關猶恐快秦王  
追思往事空垂淚無限傷心對夕陽

桂陽鹿頭山寺次壁間韻

霜風過雨不勝寒水落重重見遠山風捲沉浮橫浦外



鳥飛明滅夕陽間  
賴肩道永方南去  
趺足何時得北還  
杖屨登臨更回頭  
自憐五澤入荒蠻

同諸人再登鹿頭山再次前韻

梅梢風動勒花寒  
淡淡煙橫天際山  
顧我未能超物外  
因君聊爾出雲間  
水聲不逐鐘聲歇  
林影常隨塔影還  
異日同歸嵩少路  
即將詩卷話南蠻

聞岳侯破賀州賊次韓端卿韻

旌旗摩日甲生光  
俘馘黃金第幾幾  
滅賊未須占鬪蟻  
破胡行且見神狼  
燕然刻石功昭漢  
太華題詩事後唐  
從此兒童傳姓字  
風流何止繼韓康

送王循友任柳州

苦雨淒風未肯晴  
行李事南征

牽離恨

雲暗亂山迷

情

對長檠

他年鴈宕天台路  
萬里君還尋舊盟

永州法華寺西亭

西亭清淨冠南州  
蠟屐聊爲半日留  
蒼莽輕連卷  
雌霓落城頭  
禽聲高下雲間木  
帆影參差天際舟  
欲去凭闌一回首  
晚風吹角不勝愁

山麓

廬陵舟行

雨過歸雲山更昏  
時聞雞犬鬧江村  
風敲船側收帆幅  
浪拍堤平沒石痕  
憂患積年身益勩  
功名他日志空存  
又看秋色飛紅葉  
故國歸期未可論



春晚

柳暗鶯啼春正妍，斷腸分水灌平田。  
花開花落幾番雨，山淡山明一抹煙。  
突兀初晴雲外寺，橫斜欲晚渡頭船。  
天涯因愜滄洲興，何用區區苦自憐。

宜章元日

東風初解凍桃李，已經春避地逢雞日。  
傷時感雁臣湖，南馳賊騎江外踐。  
胡塵憔悴成無用，虛煩淚溼巾。

久雨

宿雨何曾歇，濃雲未放晴。  
莓苔侵戶長，蛙蚓入牕行。  
鐘送遠山響，燈挑殘夜明。  
芭蕉添客恨，只伴簷聲。

界步河亭

窮山擁翠染人愁，亭下寒溪東北流。  
寄語扁舟舟上客，為傳消息到筠州。

塗中久雨乍晴

匝地濃雲散曉風，輕霜挾冷下長空。  
攢峰疊嶂來無盡，疑是舟行圖畫中。

連州

再到連州却是家，逢人不復歎生涯。  
尊前欲洒思鄉淚，羞見枝頭含笑花。

寧遠道中

路轉寒松日欲斜，野梅初吐兩三花。  
溪流映石風吹碧，時有粼粼雨後砂。



春晚

宴坐脩然萬慮忘從他風雨送春忙佛燈初上黃昏後  
時炷郴州石乳香

湘江斑竹

湘江江上數重山山遠雲深縹緲間帝子不歸腸欲斷  
竹梢空染淚痕斑

興安靈渠

淡日輕風細雨餘陰陰溪柳映溪蒲清流平岸舟行疾  
野鳥時聞聲自呼

野岸

淡日輕煙村徑斜長風卷浪欲浮花夜深隔岸漁舟過

螢火驚飛亂點沙

春晚即事

淡淡陰雲晝掩門隔溪楊柳暗江村落花狼籍飛紅雨  
又是潺湲過一春

香山觀壁間詩因次其韻

抗志欲學仙自恨無仙骨去國將六年避地欠三窟禪  
房翳翠陰竹本可製笏誰持大君前指顧收回鶻

懷古

買臣負薪行且歌其妻羞縮悲蹉跎季子歸佩六相印  
骨肉歆羨緣金多人生窮達等幻滅貧賤何憂貴何悅  
爭如飢采首陽薇不慕臯夔希稷契貪功徇名世莫嗤



拖金曳紫同兒嬉一朝禍至幾發冢却思衣布丹徒時  
丹徒風月依然好爾自升沉委荒草草長木拱荒煙寒  
此恨年年向誰道

近體詩二十韻寄秉之

憶昔春將暮分攜桂嶺邊落花依斷隴飛絮滿長川風  
急吹殘雨雲開放曉天山光如欲動草木不勝妍沽酒  
村市停驂近郭田臨行思款曲已別更流連治邑煩  
游刃編氓荷息肩高才久藏巧篤行衆推賢屢辱銀鈎  
貺頻更玉律遷故鄉迷藪澤回夢渺雲煙漂泊遙相望  
窮愁祇自憐愛閑身益嬾多病氣仍孱故國因人問新  
年底事傳祇因升斗戀聊結簿書緣諸老方推轂乘時

好著鞭提擿起憔悴騰踏動蜿蜒袖有平戎策囊無封  
禪篇功名期萬里富貴屬丁年范蠡終興越田單卒破  
燕異時歸相載乞我買鄰錢

東萊先生詩集卷第十

Blank grid area for the second page.



蜀

東萊先生詩集卷第十一

呂本中居仁

食筍

窮鄉未寂寥五月富筍茁近山新得雨此物晚亦發初  
 看數寸出意有千尺拔長條不成鞭乃以美見伐錦綉  
 罷駢頭玉指已不韉坐令藜藿口如受滌瀆滑連年江  
 海病未免魚蟹罰甘津到齒頰恐此或未察居閒快一  
 飽我已久斷殺更莫厭比鄰時時聽羹羹

白鬚

不作韓城住虛為河朔行白鬚鑷更出知為阿誰生

宿劉固寺佛殿下即劉伶墳也

劉伶墳上土佛殿古崔嵬坐久野僧出天寒飢鴈來千

臺灣國家圖書館, NATIONAL CENTRAL LIBRARY, TAIWAN. R.O.C.



蜀

東萊先生詩集卷第十一

呂本中居仁

食筍

窮鄉未寂寥五月富筍茁近山新得雨此物晚亦發初  
 看數寸出意有千尺拔長條不成鞭乃以美見伐錦綉  
 罷駢頭玉指已不韞坐令藜藿口如受滌瀦滑連年江  
 海病未免魚蟹罰甘津到齒頰恐此或未察居閒快一  
 飽我已久斷殺更莫厭比鄰時時聽羹羹

白鬚

不作韓城住虛為河朔行白鬚鑷更出知為阿誰生

宿劉固寺佛殿下即劉伶墳也

劉伶墳上土佛殿古崔嵬坐久野僧出天寒飢鴈來千

臺灣國家圖書館, NATIONAL CENTRAL LIBRARY, TAIWAN. R.O.C.



年醉裏魄一畝死前灰未盡先生意空畱數字回

懷衛道中寄京師諸友三首

客舍冷如漿客夢甘如飴初無遠行念況有徂年悲平生好交游大半走路岐不如亭前月所到長相隨何時脫身去共採西山芝有兒當似公尚能傳我詩

直莫如兩王清莫如兩方孫謝豈不美久滯尚書郎黎子老歸國只今鬚鬢蒼邵子住山雲欲出未肯忙高子出林壑坐看天際翔人誰不小康李趙常窘束窮閭爨溫火老未飽饘粥他長未遽數此事已絕俗爲人死不厭自奉一米足

河堤

平田接長河眼界起突兀今日並堤行麥壠青已出客行不知晚但感此節物新霜被西山久厭塵土沒坐懷故人面於此見髣髴

寄濬州張揆

張卿畱客酒如澠我欲從之病不能憶過公家更東望斷崖高樹雪層層

田家樂

東家西家蠶上簇南邨北邨麥白熟小兒腰鎌日早歸大兒去就田間宿斗酒相邀不爲薄鄰翁相對且斟酌聖主當陽億萬年年歲歲田家樂

梅



獨自不爭春都無一點塵忍將冰雪面所至媚游人  
寄崔德符

江城昔還往耆舊各能文暫別猶相憶雖忙亦見存好  
詩能愈疾濁酒不勝渾他日經行地相尋夜叩門

還家

解鞍歇馬倦西游過眼文書且罷休薄酒向人殊有味  
長年於世已無求常情未語溝中木俗眼能驚海上鷗  
何處雲山不堪隱更誰辛苦訪菟裘

菟音徒

即事

晚松早韭老不厭夜經晨鳧多見踈地僻難尋野僧飯  
路長時枉故人居青山出沒塵埃裏白髮栽培疾病餘

更有腐儒窮事業夜窗殘燭一編書

讀易

春溫瘡疥繁衣敝蟻蠹細頽然坐南軒讀易初有味初  
看象數殊忽此又象異紛紛者眾說行各半途滯大言  
累千百雜說記一二坐今天人分復以小大計或強出  
枝葉或自起旒贅孰能言語表能使意獨至空中本無  
華眼病因有翳沈思忽有得是則入精義吾生晚聞道  
歲月今少憇遺經日在眼似足了一世臨流濯垢衣尚  
勿惜餘棄

復往大名三首

復往真無策茲行亦漫游塵埃走劇暑風雨占新秋便



欲還家去其誰為汝謀尚憐蘇季子虛敝黑貂裘  
我老不自得每為飢所驅漫拋青箬笠空負白髭鬚見  
賊猶堪鬪逢人莫問途寰區足秀句山澤有臞儒  
地溼頻經水田荒亦未收斷雲催雨過漲水沒橋流半  
世想高卧十年悲遠游藜羹不用憂尚足誑飢喉

聞德道中

五更發荒村小憩草市北披衣度積水月落天正黑  
豆苗半委地野父厭葡萄我馬則已飢泥土污羈勒翻思  
在家時一飯亦假贖小兒不解事笑語頗自得一官走  
道路此責久未塞速行勿遲留 hands 須擊賊

陽翟道中

不為傷離別其如漸老何祇應從此去轉覺白鬚多

長葛道中遇周原仲

羸馬衝寒驕不駛積雪殘冰雜泥滓長葛縣中日落時  
舉頭忽見周夫子下馬相看兩驚怪各喜南歸此身在  
僧房夜語久不眠更摩枵腹償詩債子行四方尚謀食  
我亦年來倦行役櫪下驂騮世得知海底珊瑚人未識  
長安公卿富貴客誰能日在子思側洛陽年少未宜輕  
看子重陳治安策

簡叔易益謙兄弟

秋來歸興復何如李范聲名更羨渠他日買田我有策  
兩家兄弟要鄰居



著疑

贈益謙兄弟

范郎走微官清固不絕俗家常四壁立腹有萬卷讀  
邇來所為文深若泉萬斛紆餘風過水宛轉蟲注木諸弟  
況可人不但好眉目丹穴固出鳳藍田自宜玉行扛九  
鼎重頓使一世伏聖朝急用士如子尚窮獨乃知德在  
躬不必富潤屋我病拙文詞筆鈍如髮禿時逢子兄弟  
未語心已足長空絕纖埃何處著鳧鷖朝來秋氣清佇  
看飛鴻鵠

題蘆鴈扇

鴈下秋已晚江天風雨微寧為聚沙立不作傍雲飛  
游西宮有感

歷疑歷

種種不如意悠悠無復聽漫尋邨路好似得片時醒水  
隱城坳白山來樹杪青晚田收襍襖殘日度笨甯興入  
山陰道詩如歷下亭荒原子胥廟千載想儀刑

送一書寄杲公作天寧化士

田家得米輸官倉一粒不得囊中藏天寧化士去如雨  
此亦未易能低昂因官乞取民始病況復妄邀檀越敬  
縱令不得半錢歸堂中聖僧應自知

京城圍閉之初天氣晴和軍士乘城不以爲難  
也因成四韻

賊馬侵城急官軍報捷頻民心皆欲闕天意已如春魏  
闕方佳氣王畿且戰塵不妨來往路經月絕行人



守城士

北風且莫雪一雪三日寒不念守城士歲晚衣裳單衣  
單未為苦隔壕聞戰鼓殺賊須長槍防城要強弩砲來  
大如席城頭且撐拄豈不知愛身一作君傾心報明主報主  
此其時一死吾亦宜未敢望爵賞且一作奉今無事歸寄語  
守城士此言君所知

聞軍士求戰甚力作詩勉之

今春賊來時軍士怖而走今冬賊來時決拾一作射揎兩肘  
憤然思出關不但要死守仰懷吾君仁愈覺戒虜醜欲  
以占天心於焉卜長久暫勞何足道富貴要力取行看  
斬賊頭金印大如斗

丁未二月上旬四首

丞相憂宗及編氓恐禍延乾坤正反覆河洛倍腥羶報  
主悲無術傷時祇自憐遙知漢社稷別有中興年  
厄運雖云極羣公莫自疑民心空有望天道本無知野  
帳畱黃屋青城插阜旗燕雲舊耆老寧識漢官儀  
羽檄從天下于今久未回如何半年內不見一人來周  
室仍遭變宣王且遇災猶存九廟在咫尺得祈衷  
主辱臣當死時危命亦輕謀吞豫讓炭肯結仲由纓灑  
血瞻行殿傷心望虜營尚畱儀衛否早晚復神京

兵亂寓小巷中作

城北殺人聲徹天城南放火夜燒船江河雲斷不得往



問君此住何因一作黃緣竄身窮巷米如玉翁尋溼薪媪爨  
粥明日開門雪到簷隔牆更聽隣家哭

圍城中故人多避寇在隣巷者雪晴往訪問之  
坐語既久意亦暫適也

雪泥春既融曉日初破霧出門尋故人來往不數步共  
談江南勝閉眼想去路松風被茅屋稻壠立白鷺行看  
賊圍解春水即可渡先當上鍾山次第入廬阜生平泉  
石念久受塵土汚況今九死餘轉覺處事悞豫懷巖壑  
裏所至陪杖屨可行君莫辭行李我已具

城中紀事

生平足艱窘可歎不可言兩遭重城閉再因羣盜奔今

茲所值遇我豈不與聞脫身係兒女恐辜明王恩傍徨  
不忍去敢計生理存昨者城破日賊燒東郭門中夜半  
夫赤所憂驚至尊是白雪正作疾風飄大雲十室九經  
盜巨家多見焚至今馳道中但行胡馬羣翠華久不返  
魏關連妖氛都人向天泣欲語聲復吞我病未即死雨  
來春既分剝牀供農炊兩眼烟已昏豈無好少年可與  
共殊勲志士或不耻有身期報君塞水須塞源伐木須  
伐根子莫笑短拙荆蠻生伍員

讀易

江北江南公不歸人言公懶笑公癡閉門端坐讀周易  
直過新春圍閉時



無題

胡虜安知鼎重輕禍胎元是漢公卿襄陽耆舊唯龐老  
受禪碑中無姓名

禍胎一作指縱

懷京師

北風作霜秋已寒長江浪生船去難客愁不斷若江水  
朝思暮思在長安長安城外高十丈此地豈容胡馬傍  
親見去年城破時至今鑣馬黃河上小臣位下才則拙  
有謀未獻空惆悵漢家宗廟有神靈但語胡兒莫狂蕩

讀司馬公集解太玄

京城半年圍道路三月病輕舟過江來所向復未定客  
房夜涼冷氣體亦羸勝月穿窗罅白風入洞葉勁挑燈

6

讀太玄慶此頃刻靜物數極三甲此理本天命首贊則  
分行故未及世應古歷漢則亡易寔更三聖哀哉揚子  
雲上與數子競雖云耗心力固自有捷徑後來司馬公  
獨斂衆說盛錙銖判訛謬一宗蒙是正讀玄則知易此  
實公所證如何少年子便欲獻譏評我老未知學讀此  
知不稱掩卷坐搔首一洗肝肺淨明朝尋故人此語殊  
未竟

黃池西阻風

烏雲啣日日不出驟雨飄風吼三日扁舟寸步不得行  
坐歎輕鷗如箭疾我行去家秋復冬故園回思春夢中  
客愁茫茫若江水生計渺渺隨征鴻三年京師共憔悴



一杯此地難從容長溪卷浪雪花碎遠山橫空眉黛濃  
故人別我上江去亦有書來喚同住破屋數間君有餘  
太倉五升吾已具嚴霜未放鷹隼擊盤渦恐致蛟龍怒  
片帆欲挂任篙師君但徐行莫深懼

景德北窗

雲橫樹陰濃雨漲溪水白故人喚我出已度蒸暑厄北  
窗非不佳尚苦眼界窄小樓隱牀後自與塵霧隔更憐  
昭亭山相向有佳色君能具雞黍略不厭須索我能知  
子窮子亦能愛客人主要如是一舉乃諷百我病思遠  
引未塞交友責便當約諸公歸耕作長策囊無一錢贏  
歲晚會有獲

昭亭廣教寺

故人喚我去一作出久雨值新晴草暗鼯鼠出山深鶉鴉鳴  
齋廚半盂粥草具一杯羹尚肯頻來否門前春筍生

昨日之熱一首贈趙彥強

昨日之熱未為熱涼風頗隨團扇發今日之熱不可言  
西山火炎塵障天高樓堅坐若燔炙常恐秋到無黃綠  
與君相從今幾日欲度一日如長年憶惜京城值秋雨  
人家邂逅得細語不愁歸舍少薪米且喜尊前好賓主  
去年君自雲中歸隔巷尋君相勞苦是時強虜在城下  
耳猶厭聽賊營鼓豈知喪亂到江南同向宣城過殘暑  
晚來一雨天遂涼便思約君來對牀牀前適有新酒熟



東坡先生詩集卷十一  
九  
君醉可舞吾能狂醉中談天亦未妨回船吳中君勿忙

又贈

日日住壘嶂君能同此游黑雲纔映日白雨忽穿樓盜賊何時定溪山且自幽炎蒸不須厭俄頃是新秋

題涇縣水西

江東住已厭又却一作復過江西急雨投涇縣窮秋渡賞溪稻田猶少水山路已多泥珍重高僧意求詩索自題

宿秋霜閣後方丈

秋霜閣後山屈蟠一作盤行人衝泥脚未乾正是水西佳絕處不辭風雨夜深寒

水西與李彥恢相從余將取旌德趨徽州彥恢

先歸旌德相候彭元任亦自太平縣來相送遇

於三溪驛遂同過旌德道中呈二子三首

水西投宿近秋霜起聽晨鐘厭一作促東裝尚惜故人輕作別亂山深處過重陽

邨場路僻多無酒野菊寒深亦未花底事中原歸不得

又扶衰病過天涯

白頭嬾入少年場二老追隨却味長預喜尊前聽清話

夜窗相對一爐香

休寧縣與汪致道諸公別後晚宿黟縣界魚亭

驛二首

竹密如雲不見天好山無數簇溪田祇應黟縣溪山勝



盡在魚亭驛舍前  
故人相繼別休寧  
山路籃輿睡復醒  
所恨溪山正佳處  
不能同我到魚亭

寄宣城故舊

宣城經歲無他事  
尚喜交游不棄遺  
壘嶂樓頭納涼處  
宛陵堂下探梅時  
君今尚要一囊粟  
我去亦無三徑資  
端卧雲山更深處  
因書頻報故人知

初門道中四首

去程歸鴈兩悠悠  
行到荒山儘上頭  
試問中原何處是  
只言東些是宣州  
風落千山雨夜鳴  
時因歸夢識宣城  
欲知溪路行多少

已過徽州第五程

宣城人物未全衰  
四士風流世一作未知別後略無佳語  
寄道中纔有數篇詩

詹郎逸氣今誰似  
李令清言久不聞  
獨立共傳摩詰後  
隱居還見伯仁孫

桂林別珂首座二首

故人相望馬牛風  
世事波濤滉漾中  
灘水東邊兩年住  
往還纔有一珂公  
北歸我已辦行纏  
久約相從却未然  
何處雲山堪著子  
亂松回首嶺南天

答趙祖文陳夢授



嶺海畏深入江湖成遠游猶懷不活怖少爲故人畱苦  
乏瓊琚報虛蒙札翰投因來問消息不必計沈浮

寄趙十一弟

親朋雖近懶追尋湖嶺歸來病至今寄語洪州趙從事  
忍令無酒過冬深

東萊先生詩集卷第十一





東萊先生詩集卷第

呂本中居仁

浮梁道中見松數寸者極多然皆與蓬蒿雜

出不能即長也余傷之作詩寄范四弟

青松數寸根意出千丈外如何蓬蒿底此志久未遂朝  
為牛羊踐莫受塵土翳雖云歲寒姿當此亦憔悴今年  
雖小出尚與凡草類會須扶其根與作棟梁計大廈千  
萬間匠石所睥睨世或未盡知慎勿傷汝志

自初門至進賢路中懷舊二絕

雨歇路逾滑山空鳥不飛却思無事日騎馬踏泥埽  
泝水夾榆柳今畱胡馬蹤如何進賢路只是見青松  
離洪州渡西江至翠微寺紫清宮



平明渡西江西山正崔嵬中流欲浪作細雨隨風回促  
櫂赴前浦頗爲風雨催寒沙引細路人家山半隈密雨  
蔭脩竹久旱無莓苔晚入翠微寺諸峯環抱來其西洪  
崖居百代所仰懷何年蛟龍怒更擊深山開懸瀑瀉洪  
井噴噫藏風雷客行少休息暫此得徘徊城中二三老  
咫尺不得陪豈無陵風翰邀致山中臺澗水清且寒可  
以當餘杯獨來不敢久恐爲神物猜

宿翠微寺

西山今夜雨不爲故人留泥滑淹行李風聲欲送一作  
秋中原且多事吾黨敢無憂明日經由地江南更幾州  
發翠微寺

古殿突兀風有聲粥魚欲打雞三鳴披衣起坐問行李  
僕夫屢報天陰晴昨日路長頻雨阻今日東風得無苦  
杉松連山寒欲動橘柚隔籬香半吐却憶京城無事時  
人家打酒夜深歸醉裏不知妻子罵醒後肯顧兒啼飢  
如今流落長江上所至盜賊猶旌旗已憐異縣風俗僻  
況復中原消息稀

送宋仲安往虔州

已流之水不可以復回已往之日不可以復來唯有野  
外籬邊之黃菊年年歲歲見花開君如此菊不我厭處  
處相逢同酒杯三年喪亂那可說君頭已白我齒缺高  
才抑塞久未用坐守松檜凌霜雪君今又作章貢游我



猶少忍住筠州破屋不憂遭鬼瞰端坐或恐貽一作神羞

求田問舍古所歎敢有遠去惟身謀為約嶺南三數子

明年乘興欲一作却東流

與仲安別後奉寄

出門送君時一步再徘徊雖云非遠別念與始謀乖欲  
求連牆居故作千里來君今不我待欲跨洪溝回我獨  
滯一方後會良未諧冬初風浪息蛟龍深蟄雷其如中  
原盜所至尚揚埃子行莫夷猶恐致狼虎猜胡人更遠  
適畏死投煙霾皇天久助順似不及吾儕獨以智力免  
寧有此理哉因書寄苦語亦以謝不才新春好天色指  
望妖氛開即當候歸艤取酒尋尊壘欣然得一笑便足

襍千災豫章百里遠可以慰客懷須君起我病同上徐

孺臺

題筠州僧房

客來無語坐禪房共賞西窗一榻涼山路雨餘新筍出  
江城春色雜花香煙厨已逐鐘聲遠樹色初隨塔影長  
敢道閑居便安穩今年更欲下湖湘

離筠州

舊日閑居日無綜已倦游如今避地走不復為山雷淮  
甸初經夏江西復度秋今朝小亭望東北是筠州

題園悟與惇兄法語

果公昔踏胡馬塵城中草木凍不春胡兒却立不敢問



東坡先生詩集卷十一  
其誰從之博上人袖手歸來兩無語如今且向江南住  
雲居老人費精神送向高安灘頭去

建城道中

建城南路入袁州怪石縱橫水亂流盡日夜冠在圖畫  
百年心跡付林丘中原未作重歸計胡馬能令此地憂  
浪跡江湖亦吾分運籌帷幄有留侯

行至醴陵寄故人

淺溪沙磧寒月白樹影疎我行天一角所至尚躊躇偶  
逢勝絕地不異嵩潁居臨流遂忘歸默坐數游魚寧知  
胡馬關江縣已丘墟故人亦未來一旬三寄書不必問  
淺深但當膏子車新霜隨北風慘慘度重湖相尋近五

嶺慎勿厭長途

將至南嶽先寄演公禪師善公華嚴

胡馬揚塵烽燧作我行乃在天一角江西趺足過湖南  
本赴柳陽故人約中途羣盜又蜂起所至往往爲囊橐  
遲回改路心自笑隱忍畏事人所薄不因此去渡湘水  
更欲何時到南嶽山中況有二老人萬里同來且安樂  
遙瞻見我應大笑白鬚黑面都如昨平生故舊幾人在  
不早從公老丘壑自經喪亂可過從每一思之懷抱惡  
請公更說因地初一解人間因慧縛

避寇南行

何處田園不是家儘扶衰病過天涯山邨酒熟人人醉



客路春濃處處花敢道嶺南無賊馬側聞江左尚胡沙  
囊空甌倒君休笑亦有新詩伴齒牙

貞女峽

欲上貞女峽江險未敢行豈是畏江險愧此貞女名時  
經喪亂後世不聞堅貞烈士久喪節丈夫多敗盟寧聞  
閨房秀感義不偷生窮荒禮法在尚此畱佳聲時事有  
通塞江流無濁清欲行勿憚險爲君先濯纓

山水圖

君家茅屋低蓬蒿客來頗厭蛙蚓號何得有此山突兀  
氣壓太華陵高高坐看遠澗受懸瀑似聽跬步鳴秋濤  
槎牙老樹半枯死上倚絕壁緣飛獲我行日畏盜賊逼

敢厭瘴癘同腥臊偶逢坐穩懶歸去豁達眼界無纖毫

嶺南山水固多異恨無中州清淑氣對君圖障心恍然

便如一作似太華高高前君但對此能高眠當有好句令君

傳

連州陽山歸路三絕

蒼黃避地出連州邃谷深巖懶轉頭歸路始知山水好

少畱邨驛當閑游

稍離煙瘴近湘潭疾病衰頽已不堪兒女不知來避地

強言風物勝江南

嶺外從來不識春青梅年後已嘗新深山忽有殘花在

知與清明待北人



陽山道中遇大風雨暴寒有感

嶺南二月春已盡百花委棄隨風吹山前山後綠陰滿  
已過中原初夏時不知何氣忽乖<sub>一作</sub>風雨夜作雷乘  
之鞭笞宇宙敞日月萬象倒錯藏光輝巖傾澗絕水府  
現捕搏虎豹擒蛟螭百圍老樹不須說忍凍欲壓摧其  
枝崢嶸屋瓦走飛電如戰初合麾旌旗我行避地更值  
此閉目但聽兒啼飢僕夫噤死者數輩牛馬俱不存毛  
皮長途三日斷還往況有烏雀凌雲飛只今胡塵暗江  
路盜賊往往乘餘威良民雖在困須索四海萬里皆瘡  
痍天公忍不一顧此反更震動窮荒為此方亦是神所  
主我欲告訴心先疑明朝風定寒亦解收召魂魄尋歸

期澗毛自可薦筐筥試出苦語令神知

荅朱成伯見贈四首

三年轉東南足跡不得息新霜未壓瘴已畏賊馬迫<sub>一作</sub>  
蒼黃度嶺去山路楓葉赤慨然念平生謬自有欣戚交  
游半鬼錄在者費相憶朱卿早聞道一如見舊識新詩  
入要妙如射已破的我行囊貯空所至但四壁豈如投  
異縣忽枉和氏璧斯文得未喪豈不係人力出門仰高  
山此道如矢直

我適蒼梧野君來洞庭岸相逢迫<sub>一作</sub>盜賊一笑未得歎  
欣然望眉宇於我意自滿天寒道路長歲晚日晷短僧  
房肯再來晴窗自妍暖



入林恐不遠入山恐不深城市有深遠不必在山林隋  
珠不自寶豈在須淵沈斷弦得遺譜千載有知音  
昔在中朝時每從賢俊游酒酣握手歎預懷今日憂兩  
經嶺嶠春三度江湖秋朱卿抱奇節好語忽見收我無  
濟世策君有活國謀相尋不相笑夜光猶暗投道喪師  
友絕寧爲民不偷風波極浩渺欲濟能無舟

連州行衙水閣望溪西諸山

嶠南氣常昏終日如霧隔我來已經時初不辨山色紛  
紛翳犯眼默默悸動魄今晨忽晴快如語見肝膈羣峰  
插天青野水恣意白深窺木杪靜細數鳥道窄天心豈  
無意直欲慰北客纔經盜賊擾更脫瘴癘厄湖湘雖未

定勢已初夏迫頗聞胡虜遠不復更追索我歸當何時  
俗事累千百便擬衡山前今年飽新麥憂慮則未已四  
海方逼仄羣公獻納際或肯任此責先當肅區夏次用  
及蠻貊豈容胡虜暴歲必有大獲天雖未悔禍世豈無  
良策生一作人苟未盡狐兔當有宅

贈歐陽處士

愛君年少便知足今君雖老更一作無欲閉門不出動經  
時保此無窮清淨福黃衣弟子雜僧徒共守荒郊數椽  
屋門前山水各有態君但踈籬對脩竹直如季路耻有  
聞清似之推不言祿坐看世事雲變化一任兒曹手反  
覆上皇龍飛三十春臨軒亦嘗思異人詔書屢下廣搜



東萊先生詩集卷十一  
索當時幾人能識知君時聲名動天子高卧不起空遠  
巡謾收符籙養丹火一旦四海生風塵我來見君斛嶺  
下識君無營真靜者殷勤愛我莫遽行尚肯相從結茅  
舍時當喪亂足淹留豺狼恣橫空山夜他年有意過匡  
廬一作廬山更許淵明入蓮社

嶺外懷宣城舊游

中原未敢說歸期却憶宣城近別離疊嶂雨來如畫裏  
敬亭秋入勝花時每憎卑溼尤多病苦愛風光屢有詩  
今日衰頽那可說鬢鬚經瘴揔成絲

余避地踰嶺寄書宜章孫氏賊去則盡失之感  
歎有作

賊馬縱橫未說歸草間梁上借餘威布帆此去應無恙  
銀盃從來亦解飛世事只堪開口笑主人空有食言肥  
自慚學道工夫少坐覽文書到眼稀

過嶺將至江華先寄朱成伯二首

自怪匆匆來往忙又攜兒女過湖湘敢言此地能安穩  
且道新年離瘴鄉

嶺下微陰已自寒早行山路覺衣單故人見我應驚笑  
疾病衰顏怯據鞍

端午日北還至斛嶺寄連州諸公

嶺上逢端午隨家更北征隔邨聞賊鬪通夕畏蛇行厭  
病初辭瘴衝泥却勝晴猶憐昌歆酒不與故人傾



東坡先生詩集卷十一  
山居素飯

豆苗可瀹瓠可羹僧廚午飯蒸香粳道人得此清淨供  
下箸已勝肥羊烹平生爲腹不爲目偶逢一飽心自足  
晚菘早韭舊所知五鼎百牢未爲福

寺居夜起

山深夜無人竹密風露集長空新過雨尚覺星斗溼避  
地走天涯如何免拘繫朝憂粟囊盡莫恐賊報急荒城  
兵火後所至復未葺古寺半頽垣裊嘯鬼亦泣感事念  
平生徘徊近堦立

寺居即事三首

瘴癘過庚伏庶幾其少瘳甘心忍殘暑指日是清秋汴  
水他年別柳江此日留如何理歸夢只見嶺南州  
困循過嶺表忽復到湖南氣力渾非舊情懷老不堪無  
錢供痛飲因病廢清談尚有尋書僻窮搜未免貪  
中原是何處敢道幾時回一夏無書讀經時畏賊來老  
松猶偃蹇病鶴久摧頽莫怪論兵少吾今心已灰

贈夏庭別兄弟

披沙揀金勤乃見讀書何止須百遍如君心期已不凡  
況有長兵可鏖戰一寒溼薪薰病目君但讀書聲徹屋  
僧房夜永燈火足更肯襆被來同宿

墨梅

嶺南十月春漸回妍暖先到前邨梅問君何處得此妙



一枝冷豔隨霜開長江凜凜欲奔岸乃見好事移牆隈  
初疑滲漉入瘴霧更欲寂寞埋煙煤微風不動暗香遠  
淡月入戶空徘徊坐看粉黛化羶惡豈但桃李成輿臺  
我行萬里厭窮獨疾病未已心先灰對此不覺三歎息  
恐是轉側同南來異鄉久處少意緒破壁相對無根荄  
古來寒士每如此一世埋沒隨蒿萊道光藏德老不耀  
肯與世俗相追陪輪困離奇一作多見用犧尊青黃未爲  
一作災舍豪吮墨去顏色爲未況自不必須穿裁歲窮路遠莫  
惆悵此去保無蜂蝶猜

賀州聞席大光陳去非諸公將至作詩迎之

次韻

五年避地走窮荒嶺海江湖半是鄉歡喜聞君俱趣召  
衰頹如我合深藏曉寒已靜千山瘴宿霧先吞萬瓦霜  
日日江頭望行李幾回驅馬度浮梁

送周靈運入閩浙

青松著塵市不辭塵土侵忍耻伴桃李不言歸故林交  
游在貧賤始見平生心周侯客異縣屢蒙金玉音殷勤  
不我厭自昔以至今使其少富貴未必能相尋豈謂子  
誠然此風今則深子欲轉嶺海歲暮足愁陰路經盜賊  
窟往往未就擒加鞭策駕馬欲行無滯淫故人散天涯  
所在亦崎嶇相尋倘見及道我病難任

次韻錢遜叔見寄



異時文物漢庭臣公是中朝第一人忍使閒行犯山瘴  
不令疾去掃胡塵情懷縱老元非病時運方隆只暫屯  
顧我衰頹已無用尚煩新語訪沈淪

贈宗真上人

到處相逢是偶然淞江湖嶺屢經年贈君頌子君休笑  
我已新來不問禪

東萊先生詩集卷第十二

東萊先生詩集卷第十三

呂本中居仁

全州與解子中向伯恭相會

五年流落判西東尚喜交游一再逢但得低頭拜東野  
不妨下卧見元龍中原極目山千疊往事傷心酒一鍾  
如我支離久無用敢因窮約廢相從

一作費相從

初至桂州二首

連年走遐方所至若郵傳未論道艱阻先問米貴賤賊  
勢來未已行役我已倦解鞍憩空館敢歎此異縣清泉  
上短絁一洗塵垢面瘴癘非不深美醞良可戀  
湖沙久衝突賊馬亦馳騖我行不得息終歲在道路敢  
言更多事尚恐與時忤低頭訪殊俗何處可放步江流



異時文物漢庭臣公是中朝第一人忍使閒行犯山瘴  
不令疾去掃胡塵情懷縱老元非病時運方隆只暫屯  
顧我衰頹已無用尚煩新語訪沈淪

贈宗真上人

到處相逢是偶然淞江湖嶺屢經年贈君頌子君休笑  
我已新來不問禪

東萊先生詩集卷第十二

東萊先生詩集卷第十三

呂本中居仁

全州與解子中向伯恭相會

五年流落判西東尚喜交游一再逢但得低頭拜東野  
不妨下卧見元龍中原極目山千疊往事傷心酒一鍾  
如我支離久無用敢因窮約廢相從

一作費相從

初至桂州二首

連年走遐方所至若郵傳未論道艱阻先問米貴賤賊  
勢來未已行役我已倦解鞍憩空館敢歎此異縣清泉  
上短綆一洗塵垢面瘡癘非不深美醞良可戀  
湖沙久衝突賊馬亦馳騖我行不得息終歲在道路敢  
言更多事尚恐與時忤低頭訪殊俗何處可放步江流



三五八  
下滄海日慘蛟鱷怒出門尋故人風雨已斷渡

桂林解后拜見仲古龍圖吉父學士別後得兩  
詩書懷奉寄

所至艱危裏如何更別離只看山似戟自合鬢如絲湯  
熨徒增疾文章不療飢端居溫餘論苦語自成詩

折老久高卧曾卿仍倦游同為萬里走肯避數年留賊  
幟江湖晚嵐煙嶺嶠秋相逢得安穩乘興莫東流

比聞二  
公皆欲  
為廣東  
之行

次韻吉父見奇新句

詞源久矣多岐路句法相傳共一家良賈深藏宜有待  
大圭可寶在無瑕長江渺渺看秋注孤鷺悠悠伴落霞

盛欲寄書商榷此嶺南不見雁行斜

桂州水西

隆隆而雷風乘之斷見落日江東西江頭古寺頗岑寂  
僧簷正與南山齊我來端坐已寒暑終日看山默無語  
盜賊連邨那敢問藜藿充腸未為苦早和已旱心所知  
正待山前一犁雨

斷橋 三月中作

橋斷客途少春深花已休閉門尤省事於世轉無求來  
往只諸老相期非壯游欲知身所往同寓訾家洲

時獨范  
叔器季  
平展夢脫數  
相過從也

贈嶺東陳秀才



風吹賀江浪如雪浮梁左右行人絕病夫坐穩懶出行  
破屋只愁吹瓦裂東縣陳卿忽叩門笑語歡然相暖熱  
怪我長貧走道路所至不安寧有說鄰州賊報又警急  
欲泛扁舟窮百粵如君長才亦未用獨守區區負奇節  
未能俯首効兒輩肯便出門探虎穴馬群時致千里足  
烈士寧無一時傑我復何人敢言事一世摧頽甘短拙  
奉君無事時一過喜聽高談健其決瘴癘參差畏久留  
歲月崢嶸惜輕別

衡州逢解子中別後奉寄

我來筠水陽君亦發章貢相逢瀟湘門及此兵未動卧  
聞羽書馳起見行者衆匆匆不及歛尚辱苦語送慨然

念平生相從已如夢交游半生死所至多罅縫我哀學  
不及<sup>一作</sup>君亦老未用孰知一世中有此九鼎重子賤則  
君子閔子言必中師門未遽絕斯文實天奉別離人幾  
日坐想發孤諷衡州逼南嶽湘水寒不凍頗傳江西擾  
盜賊已放縱往從田蘇游此樂不得共

范縣丞惠雙雞

羸病不能除肉味每逢齋益愧餘生雙雞未可為公饌  
畱與山僧報五更

王撫幹失去毛裘

王郎隨身一駝裘偷兒遽作壑失舟春初未免霜露迫  
<sup>一作</sup>歲晚可無遷徙憂客房夜坐薪當燭不怕近江風裂



屋馬平編戶更艱難君行莫忘民號寒  
四十二弟將還賓州相過夜話

兵戈久未歇所至轉搶攘萬里逢吾弟三年走瘴鄉春  
風入古寺夜雨暗浮香尚肯畱連否僧廬可對牀

呈折仲古四首

市酒酸甜久絕沽溼薪薰眼坐僧爐尚憐諸老無機一作幾  
事不待愁人折簡呼

龍閣老翁流落久如今辛苦去朝天向來嶺海經行地  
分付蠻溪箸釣舟

已無厚祿故人書尚有相尋長者車所至紛然兵火裏  
不知從此更何如

疾病侵凌百不能只今全是住菴僧謝安肯為蒼生起  
早與吾君了中興

次韻王撫幹見惠

新春忽忽到庭除短褐一作輕寒病却蘇漫以詩書教兒  
子嬾將薪水倩童奴天涯每覺人情薄眼界何知風景  
殊萬里相逢君莫歎好山無數簇城隅

次韻王漕見贈并寄曾吉父二首

前賢去則遠今代不無人小出已無敵深藏恐未仁兩  
章知思苦一語見情親徑欲息衰病知公筆有神

曾子住南國端居無所思逃禪不用酒投筆謾成詩敏  
捷忘千慮縱橫又一奇于中有佳處莫待折肱醫



次韻折仲古見贈

未有絲豪補縣官幾年流轉但求安江湖自稱嵇康嬾  
故舊空嗟范叔寒顧我初無食肉相喜公復著侍臣冠  
新詩不忘東山一作平戎志敢作尋常禁近看

再用前韻奉和

自昔支離畏一作怕作官只今猶望一枝安飽知時態病良  
已心喜故人盟未寒所至軍書銷日月幾回戎馬汚衣  
冠公歸定有安邊策不學愚夫靜處看

夜坐有感

五更月落雞未鳴小爐殘火猶晶熒道人強起理衰疾  
不聞松聲聞雨聲跣趺坐穩百念去豈有宿夢令神驚

平生于世萬事嬾况復今茲飽憂患中原北望四千里  
三年不見南飛雁著身天涯未為遠所至風沙莫深歎  
時寒但一作可赴僧房火日暖可一作但赴隣家飯嶺南無瘴便  
可老江頭有酒猶堪喚嗟哉甯子不自休辛苦飯牛過  
夜半

送密上人歸江西

輕舟君先行羸馬我已往湖山已在望南嶽行可仰不  
憂盜賊繁漸喜草木長密也負奇氣少已離塵網飽叅  
諸方禪所至被稱賞獨畱末後句未肯休吾黨徑尋卓  
錫地更足以自養囊空脚頗健體健心甚廣喜談江西  
勝妙處猶一作如指掌未見頻寄書悠然發遐想



送常子正赴召二首

屬<sup>一作昔</sup>者聞居久今來促召頻但能消黨論便足掃胡塵  
衆水同歸海殊塗必問津如何彼黠虜敢謂漢<sup>一作世</sup>無人  
疾病老逾劇交親窮轉疎惟公不改舊怪我未安居日  
月干戈裏江山瘴癘餘南行見李白亦莫問何如

送頌山上人游南華

三浙三衢未說歸且從嶺路訪曹溪盧公若問南來事  
但道江湖盡鼓鞳

頌山送譚師直歸湖南

人事日翻覆昔同今不然于心苟有用與世自無緣剩  
結官田社飽叅雲蓋禪已勝高鳥盡徒泛五湖船

送能化主還法輪

嶺外三年避賊忙法輪元不下禪牀君歸却說嶺南事  
瘴暑作時君自涼

送夏少曾兄弟

處處人家避賊忙數因行李問舟航江橫晚照鳧鷗亂  
春到空山草木香我未有緣離嶺嶠君今決策下湖湘  
定知此去沾<sup>俗作添</sup>貧病不及相從氣味長

本中將為江浙之行念當與夢貺遠別感歎傷  
懷因成長句奉呈

客行已無聊況此憂慮集頽然念遠役未見勇可習虛  
庭覺氣潤遠視螢火溼故人不我厭踏雨相勞揖朝餐



共飢飽夜語同坐立問我去此邦何用如此急干戈與  
瘴癘未見可出入何殊知二五而不知有十俛首謝勤  
意此非愚所及天涯重離別所至方業岌感懷平生舊  
忍效兒女泣胡沙蔽中原道路滿荆棘世事古則然臨  
分莫於邑

贈日者張直夫

因循避世不求名潦倒江湖過一生賈誼定能尋季主  
子雲先已識君平獨行市肆口無語嬾踏權門身自輕  
看甌生塵只堅坐世間一作似君寧有不平鳴

永州西亭

舊聞西亭勝獨盛湘湖間山秀水亦好千里在憑欄今

來乃不然眼境故未覓環城但濁水滿目唯荒山如何  
柳司馬肯為此解顏始知憂慮久方覺所遇安我從避  
地來山水亦一作日飲觀初不厭嶺嶠况敢一作復嫌荆蠻徘徊  
念昔人亦作故意看所慚二三子來不倦躋攀開軒納  
微涼共享一日閒說詩到雅頌論文叅誥盤快若箭破  
的圓于珠在盤此樂固可樂此盟安得寒天暑畏道路  
時危安一作多阻難相逢得少欸莫問何時還何須待杯酒  
始盡平生歡

浯溪

五月行人汗如雨意緒昏昏雜塵土浯溪一見中興碑  
便有清風濯煩暑中興之業誠艱難敢作漢武周宣看



紛然大曆上元間文恬武嬉主則孱但知追咎一祿山  
袖手不作如旁觀天亦未使庸夫干故生李郭在人寰  
一時節士張許顏其誰不知唐已安道州落筆風雨寒  
魯公大書鎮百蠻訶叱水怪摧神姦有臣若此世所歎  
而不能使君心還我來轉嶺逾千盤對此凜然清肺肝  
想見群小遭譏彈爾曹何心猶誕謾至今怒髮常衝冠  
送元上人歸禾山

長翬而寂方作而息如射破的初不以力子居深山又  
處絕頂避囂不作二事俱屏往來臨川道里且千一見  
我喜如舊交然我欲屬子重于發言子請則堅之子之  
賢遍尋諸方不主先人唯是之從何拘何執惟昔善財

我曹之師其心廣大誰能間之山高海深德則不孤不  
深不高培塿潢污奚必深山惟靜之守求寂念息以閱  
永久

贈一上人

偶從嶺嶠轉江東得向疎山見一公所至一作共游常草  
草爾來相遇更匆匆晁郎埋骨虛無裏壁老收聲一作蒼  
莽一作中二十餘年往還事半隨秋雁落寒空

贈珪公杲公四首

北歸住江西塵事日窘束兩公時踵門高誼已絕俗堂  
房擁殘火更許相就宿不嫌寒無羶肯厭飯脫粟  
杲公玉壺冰所至自清淨珪公出林鶴肯與雞鶩競吾



窮得兩公頗覺意氣盛未能出艱危猶足起衰病  
杲固昔所熟珪亦舊聞名江西一聚首遂寬南去程掃  
除文字習追尋香火盟期君向此道隱若一長城  
堂頭老居士我識蓋自早聲名從少年閉戶今却掃公  
能為少畱尚可慰枯槁欲知主人賢但看此二老

次韻錢遜叔清江圖後二首

公但一室堅坐我方萬里生還共作十年清夢同尋五  
嶺名山  
作清江山兩曲勝大廈千萬間若保此中安坐不必中  
原遠還

次韻錢遜叔獨鶴圖三首

長頸竦身嬾不前此寧有望更騰騫懿公愛爾非無意  
要壓曹人三百軒  
粉墨半銷翎翅短正如衰髮不勝簪可憐少保功名悞  
寫此凌雲意不堪  
眼明見此出籠鶴似我北歸辭瘴嵐慎勿一作低頭待收  
養人間欣戚盡朝三

次韻錢遜叔畫圖

西風著人塵滿襟江山縱近難追尋當年寫此數幅妙  
坐使几案頻登臨斷雲黯慘出古寺遠岸杳靄連荒岑  
漁舟蕩漾江路晚煙雨濛籠山店陰已知落筆一作氣象  
古一任世間消息沈最憐霜幹倚長石不待歲久成枯



林知公此中興不淺此畫故能留意深只今燕坐一室  
裏尚費從來長短吟詩成掩卷坐秋晚一唱三歎求遺  
音

送一上人

我齒久已搖君髮日向白相逢不相笑共被老境迫周  
旋三十年近歲多間隔伊昔無事時日夕望顏色此道  
要琢磨苦語費思索不能如宿心每負朋友責別我寧  
陵縣隨我昭德宅所期無二三可恨已千百交游大半  
死况值兵火厄舉首望八荒無乃天地窄涼風吹秋深  
江湖動行客誰能于此時一作際出語見肝膈胡塵蔽中原  
盜賊暗阡陌公其無遽行待我有良策

錢遜叔諸公賦石鼓文請同作

江頭羽書相續來城中草木凍不開腐儒坐視了無策  
但守寒爐吹死灰我公送我石鼓文令我琢句要春回  
簸蕩風雲走一作寫蛟蜃百蟲久蟄聞驚雷錢公自是力扛  
鼎持待浮游轉湖嶺漢碑秦篆已么麼况復鍾王敢馳  
騁後來頗供兒女弄神物有知當遠屏石鼓之文公所  
知正是周室中興時庶幾我皇亦如此一掃狂虜隨風  
一作灰飛石鼓之文尚可讀小臣願繼車攻詩

和邢子堅韻

萬里重歸舊秃翁笑談聊復與君同鷓鴣所願一枝足  
鼯鼠從來一作鼻五技窮短髮自梳渾欲白殘爐因客尚能



紅正須混迹師元亮未忍低頭學敬通

東萊先生詩集卷第十三

東萊先生詩集卷第十四

呂本中居仁

戲呈東林雲門二老

幾年湖嶺費追尋尚喜歸來聽足音  
禦虎已知吾有命問禪方見子無心  
風塵踰慘病如昨歲月崢嶸窮至今  
猶覺相逢有餘恨老盆盛酒不同斟

余常以謂可與共飲者至難得也二公超然之韻可

與共飲也而不得共飲為可痛惜  
惜晚此語者許伊具一隻眼

佛日縱步相尋索歸甚苦戲成絕句

相逢不用苦相催一作直到更深月上回  
莫怪室空無侍者夜窗相對有寒梅

東林珪雲門杲將如雪峯因成長韻奉送

東風被澤國君有千里行送君不能遠宿昔春水生胡



紅正須混迹師元亮未忍低頭學敬通

東萊先生詩集卷第十三

東萊先生詩集卷第十四

呂本中居仁

戲呈東林雲門二老

幾年湖嶺費追尋尚喜歸來聽足音  
禦虎已知吾有命問禪方見子無心  
風塵踰慘病如昨歲月崢嶸窮至今  
猶覺相逢有餘恨老盆盛酒不同斟

余常以謂可與共飲者至難得也二公超然之韻可

與共飲也而不得共飲為可痛惜  
惜晚此語者許伊具一隻眼

佛日縱步相尋索歸甚苦戲成絕句

相逢不用苦相催一作直到更深  
月上回莫怪室空無侍者夜窗相對有寒梅

東林珪雲門杲將如雪峯因成長韻奉送

東風被澤國君有千里行送君不能遠  
宿昔春水生胡



馬汚中原旁淮多賊城即今江南岸盜賊猶縱橫頗聞  
閩粵靜農民方及耕雪峯佳主人況欲屣履迎兩公與  
談道正欲平其衡但見演石頭自然心地明云何未覽  
鏡便欲其流清君行可語此勿憂兒女驚鄙夫牙齒缺  
苦遭塵事嬰七年憂奔走一飽費經營野鶴出籠飛尚  
須完翅翎今者與君別故鄉他日情新詩見萬一庶用  
託同盟

贈童堯詢蔡楠謝敏行

七年避胡塵無復少年事適從嶺外歸眼病不識字尚  
牽戎馬間得見此數士蔡童南城傑所養蓋有自兩謝  
名家子學已前作似相逢眼暫明已足慰遲暮如何捨

我去使

一作令

我起千慮江深羽檄繁況此日月驚猶餘大

謝畱與我相近住風霜渺墟落泥土暗道路得無經一作驚

此別各復走他處期君則甚遠苦一作告語不厭屢微言恐

遂絕其誰與一作知調護要當發憤求不欲一作未僥倖遇聖門

極坦平渠自有回互河清倘有期未死或可俟

和范仲熊舜元游橘園見梅

橘林經

一作因

雨未全衰歸路人家已見梅風物粗知一作如江

左勝瘴煙新離嶺南來筆頭有眼方知妙句裏忘言始

絕埃但得一寒無事過與公還往勝銜杯

答錢遜叔

一本有訪戴圖三字

北風吹霜夜如雪江城草木凍欲折病夫袖手無所為



一坐臨川已三月忽蒙妙句起衰憊頓覺和氣生毛髮  
公能忘機我亦倦不待曼殊見摩詰畫圖是非久未解  
況保長年百磨滅請公置畫莫多求要與時人除愛渴  
與錢遜叔飲酒分韻得鳥字

客游等浮

一作如薄

萍歲事如過鳥逢公得一笑不厭古寺悄

雨聲喧客耳燭影吹半裊宿醒未及解更覺惡韻擾時  
方足艱虞身未識要妙如何一杯酒便出萬物一作事表別  
公願一言使我意易了

贈別范一哥

相送不嫌遠詰朝當語離文詞知子進道路覺吾衰力  
疾終無補徐行敢厭遲臨分更回首苦語漫成詩

送謙上人回建州三首

子來不憚千里遠我病可無終歲憂相見匆匆又相別  
主人無恨一作恨客無求

平生苦節胡元仲老人大多才劉致中為我殷勤問消息  
十年堅坐想高風

遙山渡口晚猶寒道路奔波未許閒頗恨獨來不同賞  
竹輿穿雨上疎山

與范益謙炳文叔儀步月

一云與諸范步月

歲月忽已過羈窮非獨今稻塍分白水月影上清陰  
畝平生事江湖他日新相過無百步猶覺費追尋

陸庭元紹意齋



聖人母意物我同大賢庶幾其屢空今君胡爲用此意  
乃欲酬酢萬化參天工客來無窮君不厭所施不同皆  
有驗風寒燥溼互相伐一理驅馳無頓漸衡門端一作坐  
一事無衆皆劫劫君有餘見賢不避忘其軀肯與俗子  
急錙銖知此君意久已絕爲尔病生吾有說侍儲百藥  
待百病任爾紛紛強分別君但守此心如鏡徧與衆生  
除衆熱是則名爲無意訣剩放南山一作窗著秋月  
病中口占示益謙四弟

病來全少靜工夫藥裏關心計已迂縱使君來亦無語  
更無餘法待文殊

竹夫人

與君宿昔尚同康正坐西風一夜涼便學短檠牆角棄  
不知團扇篋中藏人情易變乃如此世事多虞只自傷  
却笑班姬與陳后一生辛苦望專房

郊居

紛紛俗駕不容攀尚喜郊居絕往還野寺並冬終日雨  
客房無事一秋閑平生談說舌猶在病起彫疎鬢已斑  
始悟莊周太多事處夫才與不才間

送楊蒙秀才往樂平

我有閩粵役君成江浙行窮途一回首歲晚倍傷情佳  
氣占行在妖氛是賊營如何抱奇策不一請長纓

寄題暨尚卿雙蓮亭



未 間 糴

異畝同穎久出出雙酪共抵復何物今君何以得此花  
和氣所致無他術雙蓮共蒂中連理相映同心出秋水  
秋水池塘曉自涼雙蓮中含風露香飛燕姊妹一作弟不相  
妬並騁逸豔來昭陽自然容質見高韻不必粉黛呈新  
粧君家孝友聞近一作郡縣故使奇祥眼中見一洗東南戰  
鬪塵小人知之亦革面我來崎嶇山嶺間忽聞雙蓮能  
解顏請君更畫作圖看毋使惡木譏雕殘

簡范信中鈐轄三首

交游契分如君少湖嶺溪山似此稀夾路梅花三十里  
故人雖病莫先歸  
海角相逢又一奇更憐朋舊得追隨滿堂舉酒話疇昔

疑是中原無事時

他日曹南十日雪訪君尋酒不能回梅花此日懷安路  
更有清詩入坐來

次韻李仲輔僉判

曉晴破雨却寒天海上風光絕可憐更欲陪公了春事  
不須乘醉始逃禪

西施舌

海上凡魚不識名百千生一作性命一杯羹無端更號西施  
舌重與兒曹起妄情

和秦楚材直閣韻

胡馬南來議擊球忽聞羗虜斬楊酋

虜中欲謀舉事則先為擊  
毬之會漢宣帝時羌虜斬



首惡楊玉會等  
二人首降服  
一年春事妖氛退萬國歡聲佳氣浮楚閣如  
君須強起林泉容我且歸休漢家基業無窮盡早晚畱  
侯與運籌

和展鉢詩

紛紛未了向來因同在浮漚寓此身顧我久拚菴外事  
公公曾是箇中人齋盂已厭五鼎食詩卷初無一點塵  
今代王孫能樂此中興祥瑞不須麟一作麟

鼓山

危欄不知高下瞰萬里路滄海近咫尺大舶不敢度風  
雲遞舒卷川原更回互如何此道場乃倚絕壁住得非  
化人居無乃仙聖寓斷崖石倒懸絕壁水暗聚我行天

一涯勝處時一遇衰病一作頹九死餘已乏濟勝具登臨茲

一作茲  
游欲

忘返尚覺慰遲暮山林與膏壤未到已心悟

王麻巖起樂齋

人生各有樂所樂故不同吹竽與擊缶同在可樂中孰  
能識至樂不計窮與通顏子在陋巷肯憂家屢空朝從  
聖師游暮歸無近功忽然若有合此樂固無窮當時二  
三子因之開蔽蒙君生百世下久已聞其風端居有遐  
想客至聊從容四壁倚蓬蒿萬卷蟠心曾回視世所求  
天道迷西東此樂既不遠欲往吾其從

寄范四弟十弟

俗事紛紛如亂麻又扶衰病轉天涯文章老矣思吾弟



頭角嶄然勝外家異味幾回占食指遠書終夕望燈花  
何時更住城南寺共知春池兩部蛙

春日紀事寄內外諸弟三首

水生溪漲欲容舸疾病因循厭作勞莫道深居便無事  
午窗可養費肥搔

自聞賊報離揚州準擬春來共出游所恨溪山最佳處  
不容老子便歸休

長閒漸化讀書癖遠道聊曰避地行安得薄田了饘粥  
便相依倚過平生

寄諸弟

九年任奔走一飽費經營此日窮居意他鄉獨往尋相

憂只有病所至但論兵尚喜吾諸弟形模遠勝兄

游鳳池

遠近諸山翠作堆鳳池北望更崔嵬青松夾路攬天去  
白鳥翻雲旁海來喜有故人同出郭屬因衰病阻銜盃  
猶憐不赴對牀約獨上籃輿日暮回

題孫子紹所藏王摩詰渡水羅漢

問渠褰裳欲何往彷徨徒倚滄波上至人入水固不濡  
何以有此恐怖狀我知摩詰意未真欲以筆端調世人  
此水此渡俱非實摩詰嘗未山下筆孫郎寶藏今幾年  
往來周旋兵火間世人險阻更百難彼渡水者安如此  
請君但作如此觀莫更思維尋筆端



送筍與何晉之

年來念念欲深藏，頗覺看書氣味長。  
莫怪囊空無一物，猶能分筍送何郎。

次韻李伯紀園亭

昔日翱翔雨露邊，已將勲業畫凌煙。  
便尋松菊同元亮，不訪丹砂學稚川。  
可但海山勝綠野，頗知風物似平泉。  
小園只在虛窗外，佳處常當几杖前。  
本無俗事可裝懷，藥圃花欄應手栽。  
乘興聊陪野僧坐，賞心時許故人來。  
頓令此地成三絕，不為他鄉賦七哀。  
鐘鼎山林兩無礙，預章須是棟梁材。

送林之奇少穎秀才往赴行朝

我為福堂游破屋，占城市城中幾萬戶。  
所識一林子翁，然衆木中見此真杞梓。  
未為棟梁具，且映風日美。子之於為學，其志蓋未已。  
上欲窮經書，下考百代史。發而為文詞，一一當俊偉。  
夫豈效鄙夫，念彼不念此。今來赴行朝，學已優則仕。  
窮通決有命，所願求諸已。聖賢有明訓，不在拾青紫。  
丈夫出事君，邪正從此始。

鄭昂用岑參太白胡僧歌韻作楞伽室老人歌寄杲老

楞伽室中絕亦白，去天何止三百尺。  
只今更住最高峯，齋無木魚粥無鐘。  
已將虎兕等螻蟻，更許蛙蚓同蛟龍。  
聞道說禪通一線，為爾不識楞伽面。  
一生強項我所知。



氣壓霜皮四十圍世人未辨此真偽敢向楞伽論是非  
諸公固是舊所適鄭君從之新有得欲將此意向楞伽  
但道鵠鳥同一色

贈王周士諸公

空房夜氣清落月傍簷明念我平生友相望隔荒城我  
老未厭書破窗猶短檠君亦不柰一作聞默坐數殘更共  
結香火社同尋文字盟王子潮州來一笑冠欹傾午飯  
展僧傳何醪傾客瓶相逢但說道絕口不論兵未免俗  
眼笑屢遭時輩輕人生各有趣小大俱有程譬彼澗底  
松難伴池中萍雲鵬與斥鷃已矣兩忘情一洗瘴海耳  
此言君可聽殘更一作長更

盜邨

談

贈范信中

異時攜客醉公家蠟燼堆盤酒過花萬里溪山隔春事  
十年風景困胡沙鄭莊好客渾如昨何遜能詩老更佳  
但得尊前添一笑作言漂泊在天涯何止一作未到

會稽石道叟教授南劔兵火搶攘之餘興治郡  
學尺椽片瓦皆其所自經營也未暮月而學成  
遠近賴之又祠前輩賢者以風勵多士使游其  
間者望之而心化由是而入堯舜之道不難也  
古之教者蓋多術矣五帝憲三王有乞言憲賢  
于乞言也道叟知之矣呂本中為作詩叙本末  
云



聖遠道則微世久學欲絕區區續微言未易勝邪說石  
侯東南秀睹此心欲剖分教南劍州意在補亡缺歟令  
兵火後復見俎豆設廟貌甚尊嚴上下有區別先生默  
無語風化動閩粵斯文自明白如仰見日月坐令穿鑿  
悞不待湯沃雪不知旁祠誰今代古豪傑孰能與之齊  
共此歲寒節入門日在望未返意已竭由來正心術不  
在費頰舌乃知薰陶功自與聞見別參魯回不愚亦豈  
有優劣此理倘可求萬古同一轍

前輩謂陳了翁也

寄計議弟張彥實錢元成夏庭列

遠書來稍稀叔也經月病微官自拘束歸興復未定誰  
能相勞苦頗亦奉朝請安身子有道可保在不競寧聞

鄭子真肯待當世聘張錢平生歡未貴渠有命舊交餘  
此人豈減昔日盛夏郎來幾時問學當轉勝高風隕寒  
梧相助筆鋒勁同歸定何日不必有三徑相從說平生  
保此一室靜

寄內一作家弟并示仲輔諸公

江浙音書絕不聞每逢時節歎離羣一秋多病常嫌客  
短日無聊只閉門淺學未容窺易象舊書聊復誦玄文  
莫言耆舊彫零盡海內交游尚數君

簡范信中

詩人例窮君不然畫堂繡戶羅嬋娟當時乘醉出三峽  
至今妙句留西川底事新來多退縮梅花滿眼看未熟



二百五十八  
便期載酒約來冬似要惡詩相抵觸曉來寒凜似中原  
君忍閉門清晝眠我病猶能相追逐知君心期終不俗  
但攜二妙喚諸公一醉落花吾亦足

東萊先生詩集卷第十四

東萊先生詩集卷第十五

呂本中居仁

再簡范信中益謙呈張仲章

昨日之游樂不樂主人愛客亦一作客不惡梅花遠近遍川

谷雨練一作練風揉未全落明日之游復如何城南城北梅

更多對酒我不飲把琰君當歌酒肉雖勤主人費且牽

吾黨頻相過梅花縱落君莫歎與君同住海南岸花開

花落都幾時君醉我醒人得知相逢一笑俱有詩如何

不飲令君嗤

寄晁恭道鄭德成二漕

二年住閩中不識建溪茶處處得殘杯顧未愜齒牙飢  
腸擁滯氣病眼增昏花故人持節來憐我病有加會當



便期載酒約來冬似要惡詩相抵觸曉來寒凜似中原  
君忍閉門清晝眠我病猶能相追逐知君心期終不俗  
但攜二妙喚諸公一醉落花吾亦足

東萊先生詩集卷第十四

東萊先生詩集卷第十五

呂本中居仁

再簡范信中益謙呈張仲章

昨日之游樂不樂主人愛客亦一作客不惡梅花遠近遍川

谷雨練一作練風揉未全落明日之游復如何城南城北梅

更多對酒我不飲把琰君當歌酒肉雖勤主人費且牽

吾黨頻相過梅花縱落君莫歎與君同住海南岸花開

花落都幾時君醉我醒人得知相逢一笑俱有詩如何

不飲令君嗤

寄晁恭道鄭德成二漕

二年住閩中不識建溪茶處處得殘杯顧未愜齒牙飢  
腸擁滯氣病眼增昏花故人持節來憐我病有加會當

宗



餉絕品不但分新芽君壁月墮曉寶勝金披沙一洗肝  
肺淨兀坐如還家陰雨又不解天氣復未佳持詩寄兩  
公請為交舊誇便續北苑譜即日定等差

連得夏三十一髮兄弟范十五仲容趙十七頴  
達書相與甚勤作詩寄之

閒居病亦侵世務每絕念猶憐二三子從我久未厭書  
來不改昨意苦辭亦贍問我來何時期我早會面我行  
但謀食欲去復未便要當相就居同止山水縣讀我所  
傳書亦足滿素願開卷忽有得如飲醇酒釀吾聞古志  
士學也蓋有漸欲升夫子堂不摘屈宋豔倒羅望青天  
豈必在窺覘他時倘從容此語子可驗

送錢子虛撫幹往洪州赴新任二首

君不求時用居然如病夫經過閱歲月相伴走江湖白  
玉終無玷寒松保不枯同官多勝士總為致區區  
老矣吾無用歸歟子未宜端能出奇策畧為濟斯時悶  
有書遮眼閒須笏拄頤西山有爽氣當報故人知

題晁恭道善境界圖

疇昔相從三十年如今休去不逃禪知君參見法輪老  
始悟蒼蒼便是天  
境界本來無善惡人間何處有新圖欲知箇裏真消息  
臘月寒松永不枯

問乾元珪老



問訊乾元老江頭幾日回  
還應艤船待不作御風來  
漫有經旬別頻思一笑開  
庭前荔子熟尚要著詩催

贈楊紹祖

城東往還者相近得楊卿  
處世如無事為官不近名  
匣藏防身劍案有讀書檠  
此外唯尊酒時時喚客傾

謝宇文漳州送茶

暑氣侵人病逾劇虛堂坐  
調出入息漳州太守送茶來  
王圭小鳳俱無厭太守憐我病  
無語故遣此茶相勞苦  
千金一餅君未許百金一盞如  
潑乳其他鬪芽未足數  
下視紛紛等塵土病夫未飲病  
先愈坐覺爽氣生肺腑  
城中車馬鬧如雨更有樂善如君否

夏日

暑雨遂經月客來困稍疎  
閉門觀易象反復看何如  
妙處元非畫微言不在書  
故山初未遠舉首是吾廬

過劉忠顯公鄉縣作

疾風知勁草世亂識忠臣  
自古有此語今代豈無人  
劉公生東南節義邁等倫  
時危出一死以捍胡馬塵  
遂令天驕子稍知吾道尊  
至今生氣在凜凜凌層雲  
我行崇安野瞻望彼高墳  
流澤既未遠有子賢而文  
會當廣德業早為建殊勲  
此意苟不泯楚人生伍員

夏日深居二首

忽忽車馬未言還因何深居未得閒  
更為故人留一夏



三六九  
稍移行李過東山

故人多住城東寺還許相過結淨緣海寇求降荔子熟  
是中風月可忘年是當作此

乾元副寺欲還雲門

子有四方志雲門尋舊游溪山往日夢江海向時秋物  
態隨高下生涯任去留間將問菴主如此是禪否

慶堯侍者以詩相贈偶成絕句謝之

滿城車馬雜塵埃所至如雲撥不開只有西禪堯侍者  
肯衝劇暑送詩來

渴雨簡張仲宗二首

強讀文書不補飢只今一飽尚難期薄雲未肯蘇禾稼

細雨纔堪溼荔枝

雨溼平林松桂香斷雲冉冉拂疎篁江山故自可人意  
從此歸休策最長

謝楊紹祖惠玉友

我來閩中居中熟久斷酒端居苦無事神氣思內守故  
人憐我病小缸送玉友極知此不凡嶺海見未有感君  
意則重納約况自牖欣然洗盞嘗不待捧素手空杯貯  
玉色一洗市沽醜坐令百疾去敢復望升斗從今破酒  
戒可以入道不洗盞作酒

與李似宗別後奉寄

昔者相過今幾時心切雖在事多疑滯留江海君先病



三石九  
悵望雲山我欲歸老心猶存作詩苦故人多有食言肥  
漢陰老父如無事肯復逢人論是非

作雨不成旱暑愈甚未能就道

三日陰風雨不成坐嫌衝暑作宵征敢因貧故累公子  
尚欲閒時尋友生兵甲未休心已醉詩書頗費眼猶明  
須準擬菴居用拄杖繩牀折脚鐺

聞鵲

一夏病如此他鄉間未回疎簷聞鵲喜知有遠書來

荔子

南征未間苦關山荔子今年已厭餐時有野僧來獻供  
每煩佳士約同槃門前炎暑三伏旱坐上冰霜六月寒

濟

他日一尊須念此中州傳買半梨花

乾元真歇數約他日同菴居

與君俱自走天涯何處雲山不是家城市少留真夢事  
林泉高卧亦空花久無佳句彫肝腎漫有微言到齒牙  
他日一菴如可必願分齋罷半甌茶

將發福唐

一云別李叔易謙簡士珪

盡此一囊粟我行當有期涼風吹天涯增我別後思結  
束向行在鬼子還一作來何時初無際時策處事多參差環  
視中所有無一施可宜形骸久已病敢微當世知不蒙  
朋友責定遭靴輩嗤矧此世外人勸歸常恐遲相尋有  
如日請盟吾此詩



聽雨

日數歸期似有期故園無語說相思芭蕉葉上三更雨  
正是愁人睡覺時

末利

香如含笑全然勝韻比醅釀更似高所恨海濱出木遠  
初無名字入風騷出雷作宋

聞二弟名對

晚來忽雨已如秋竹枕欹眠得自由忽報諸郎例升進  
頗容老子便歸休人傳胡虜三年旱勢合山河一戰收  
顧我迂疎最宜病祗應隨處是菟裘

夜涼早起尋李貽李陸慶長所惠詩有作

出常  
作來

夜長忘陰晴忽聽簷雨滴空房閉重門涼氣通枕席欣  
然欲攬被如覓舊相識那知庚伏內得此睡通夕起尋  
兩君詩令我生氣力成蹊長桃李已自除荆棘遠游得  
數士舍此百無益挑燈視皮膚不顧蚊咬赤因之不復  
寐為子增歎息

聞大倫與三曾二范聚學并寄夏三十一四首

我思臨川居欲往意未慊每懷三二子歲月多在苒後  
生慎所習正是絲在染未須極軒昂且須就收斂舉動  
思古人此志豈不遠才雖有高下事亦要強勉願為江  
海深莫作盆盎淺

世人爭錙銖未語色一變居然面頰赤自處亦已賤寧



知烈士曾渠自有志  
一介不妄取萬鍾我亦倦古人  
有伯夷名冠太史傳

見人輒有求所以百慮非但能守箠飄何事不可為愚  
夫飽欲死志士固長飢出門萬里塗其亦慎所之  
莫惜一日勤而忘終身憂農夫力耕作其必歲有秋  
前不鹵莽久亦有倍收少年不努力長大復何求

別法一上人

我有江浙役子能乘興來便同湯院浴却為故人回此  
道恐遂絕後生良可哀試尋鑰匙子一一與重開

別後寄珪粹中

一作鼓山

海上相逢兩過秋飄然乘興亦悠悠送行百里還歸去

邁

同是江湖不繫舟

哭王元蓮

紛紛舉手爭毫末砥柱當河獨不流一夕便隨波浪沒  
天涯黃葉更悲秋

別林氏兄弟

二年住閩嶺所閱足青紫那知萬眾中得此數君子相  
從不我厭但覺歲月駛高論脫時俗如風濯煩暑出處  
雖未同氣味固相似人生有離合一作常所畏為物使要當  
啜英華不必計渣滓他年肯相尋在彼不在此

本中欲謀他日復來福唐之東山林少穎請作  
詩以記因成心絕



老大馳驅百不宜敢不力蹈危機他年更欲眠雲住  
同過東山嘗荔枝

更作東山住尋盟尚有詩看君騰踏去及我未歸時

謝人惠陳家紫

煩君惠我陳家紫萬里漂流合得嘗莫道聞名不相識  
舊隨籩實到吾鄉

閒居感舊偶成十絕乘興有作不復詮次

四海交游一信民後來情不更誰親可憐相伴谿堂老

一去塵寰三十春

汪信民謝無逸

一世聲名高與關亦知不合住人間不令整頓乾坤了

虛逐松聲半夜還

高華秀寔關治泚叙

秋

壁老投冠去學禪堂堂一作鼓陣無前平生老伴唯均

父馬病塗窮不著鞭

饒節德操夏倪均父

屏醫卻藥病良已絕學捐書我又休却到舊時行履處

五湖煙水上漁舟

萬里飄然不繫舟老來專憶舊交游西風日落中原路

虛度江湖數十春

唐子直心絕可憐夏侯苦節更誰傳諸晁事業風流在

各有殘詩十數篇

唐廣仁充之夏侯髦節夫晁載之伯禹詠之道貫之季一謂之季此冲之叔用

平生親愛獨諸晁叔也相親共寂寥半日不來須折簡

暫時相遠定相招

叔用

病夫長病合長飢豈又隨世上兒雲雨覆翻渠有分



三月七十一  
江湖潦倒我無如

曾郎學行冠姻親趙子才能又絕倫仲弟故應同二妙

一時先後委埃塵

曾元似趙才仲及余仲弟也

便欲長休老未能爾來頻愧住菴僧直須棄盡人間事

始見從來一點燈

溫泉

一作福州湯院

海上秋來早晚涼客愁蘇醒似還鄉還途尚欲撩瘡疥  
剩乞溫泉一勺湯

將去福州

委曲隨人久未甘儵然午枕睡方酣功名到此終無分  
身世從來百不堪為已工夫今睡曉住山活計久相諳

歸

知

著

麤

他時不用求三徑投老才須住一菴

初秋

涼風驚木葉意欲作深秋客病渾如昨囊空却自由因  
閒得飲酒端坐勝封侯寄語平生友當能為我謀

奉呈鼓山雲門二老

汝水相逢今幾年只今同住海南偏月明本自無虧缺  
山色何嘗有變遷他日會逢弟弟語一時驚散老孤禪  
倘因居士閒開口却作冲和二月天

從叔巽叔覓茶

疾病侵凌轉不堪時思一室奉清談嗣宗已餉兵廚酒  
嘗有新茶惠阿咸



福建界首寄白親舊

海上秋風吹客衣  
屢煩親舊送將歸  
今朝更入江東路  
便忠書來即漸稀

嚴州九日坐上贈胡明仲常子正

今年得交舊九日會嚴州  
城角風雲暮天涯景色秋  
功名有長缺行李付扁舟  
苦恨三年聊因一笑笑留病添  
文字嬾老耻稻粱謀  
活國須公等吾生便可休

方允迪挽詞二首

已矣儒林老今為地下郎  
空山留几杖遺稿漫文章  
徑狹風霜遠溪深草木長  
傷心釣臺路千載闕幽光  
惟君好兄弟少小共聲名  
豈止千人傑俱為一代英云

活何卧丘壑不使至公卿  
慟哭松風遠悲雲咽莫聲

程伯禹母夫人挽詩二首

瞻久矣閨門秀端如玉在淵相夫成令德  
教子作名賢遽逐秋風盡空令莫景遷  
傷心江左地松柏閉新阡  
舊隨賢子後每得孰嚴規  
未獲升堂拜空成相挽詩爵  
頻賜湯沐壽不到期頤  
他日家聲在流傳世未知

送范師厚宣諭四川

老境侵尋久廢詩  
送君寧復似當時  
虺隤病馬猶長路  
偃蹇寒松只舊枝  
想得山川瞻使節  
便令父老識家規

忠宣公嘗使成都 聖朝本意惟寬大  
網漏吞舟始合宜

王導嘗遣八部從事之部顧和在下傳還從事見導八人各言二十石長短和獨無言導問之和曰明公為政當使網漏吞舟之魚



贈了老

前年見公滄海上法會堂堂萬騎將今年見公浙河東  
猶是當時舊老翁送行更有天童老騏驎齊驅獵霜草  
野狐射干膽欲破不但獨噴羣馬倒我衰且病百念絕  
便得從公不為早忘情遁跡亦未是言與不言俱一掃  
世人擾擾不歸家公行問渠有何好

東萊先生詩集卷第十五終





東萊先生詩集卷第十六

呂本中居仁

送楊晨當時赴夔漕

楊侯從舊名籍籍吳中一見如舊識憐我衰頽病已侵  
 怪我辛勤百無益今君遽作巴蜀行江頭宿昔春水生  
 路經三峽丁艱阻遍與疲民間疾苦隨身長劔莫輕舞  
 試伐蛟鼉斬豺虎北來人士眾如雨得君此行慰羈旅  
 君但垂情一笑許勝使區區入州府百城因之遂安堵  
 亦勝無事閑坐否

送徐林稚山赴江西漕

總角相從四十年如今衰病已華顛已一作各久無耆老可  
 訪事尚喜交游不乏賢未使從容持從橐却令辛苦上

臺灣國家圖書館 NATIONAL CENTRAL LIBRARY, TAIWAN, R.O.C.



江船百城編戶皆疲瘵日望公來與息肩

將發金陵奉懷張彥實

老矣君何往翩然我欲歸文章晚未用歲月事多違江  
接鄱陽路風吹游子衣不應遽伯玉獨悟昔年非

初離建康

一云鍾山寄范十四弟諸人

嘗憶他年出舊京汴堤榆柳與船平寧知此日鍾山路  
亦是東行第一程

紛紛車馬未言還我獨支離便得聞尚有同門二三子  
肯同今夜宿鍾山

寓會稽禹迹寺

陰雨靜不出端居還自由客來從短褐天氣已深秋所

在兵猶鬪中原亂不休廟堂如有意便與萬人謀

會稽初秋四首

今來雷滯浙河東想見閩山荔子紅雖有故人家在彼  
可無方便託西風

張侯問舍復何時我亦雷連去未期便欲為君草堂客  
幾時先寄落成詩

宵

故園回首但斜陽所至奔波避賊忙天下何曾有定處  
越南燕北是中央

病來每有居山興老去初無住世心三尺枯桐無舊譜  
始知三歎有遺音

錢遜叔侍郎奉京師舊墳改葬天柱謹成挽詩



一首

錢氏霸吳越功德在斯民遜王蚤退居身退道益尊至  
 今二百年盛事傳後昆文采震本朝豈惟光一門後來  
 翰林公又以直聲聞累葉其外家家世悉殊勲善惡久  
 乃效其報于此分裔孫傑立者迎喪自中原遂令擾攘  
 後得安久旅魂依依天柱山不必京洛塵死者如有知  
 當言吾有孫小人託末契所恨老不文睹此一時盛忍  
 終無一言越水流不竭越山旱不昏孝子亦不匱錫類  
 到仍雲

重陽日西興奇臨安親舊

我來西興口君在龍山旁如何阻一水不共作重陽別

浦潮猶白深秋菊未黃遙知對杯酌不記是他鄉

范伯言藥隱

云送范彥西行歸西山

烈士故徇名中民但榮官寧知陋巷士堅坐有餘歡出  
 從聖師游歸坐守一簞出門視天壤密邇心自寬范侯  
 嬾仕宦決意歸西山西山有藥隱此地可盤桓誓將從  
 古人上追孔與顏有田可以耕有屋可以安寧能伴兒  
 曹日夜不得聞我亦倦游者世味更百難夢寐想君家  
 父子兄弟間便當卜隣居一生長往還相依得情話出  
 語清肺肝後生有郢質更為斲其漫君行問安否此盟  
 當未寒

題趙祖文盤谷圖



三十七  
趙郎落筆寫盤谷正是太平無事時今日太行那有此  
滿山樵採盡胡兒

送胡明仲知永州

君行西游浮沅湘洞庭岳麓天一方岳前老人望君久  
歲晚不嫌歸路長晴天萬里去鴻鵠韞玉未售猶深藏  
遠行固是君素願多蓄奇謀羞自獻後生紛紛了目前  
大策定非凡所見簿書汨沒渠自忙道里崎嶇我不倦  
百州東下例無澗要君巖然如斷山我老無用逢多病  
牽得與君契間曾次唱塞猶未寬日夜矯首須君安  
汴風君不難不使量炎漫端

孫首之短堂

孫郎囊空意且滿因謂身長才則短以短名堂堂未成  
長短是非俱不管嚴州一見鬢倉浪贈我新詩如夜光  
何時到君短堂上更話如今歸興長

贈孫首之

予窮非一辟丹塵固長久自從太平時以至戒事後今  
茲益窮蹇所至但縮手遂令甌生塵不止襟見肘未能  
脫身去且作避地走金盤貯火齊熟視不敢取溪船一  
濤江亦未遮南斗固知松柏生必不在培塿見我嚴州  
城世事嬾到口念子抱奇才自守簞瓢在陋巷  
世亦如此不乖離勿重言悲甚且飲酒

朱成伯秀野堂



客愁固多歧我懷亦蕭散連年尋故人見子二水岸官  
 居少闌暇歲月忽已換有堂名秀野未入俗眼看得名  
 自君子可當清淨觀未能藝桃李且自飽藜藿荒涼城  
 一隅初不越門限脫身少年場念此已熟爛嗟予老病  
 侵閱世蓋多難相逢默無語自足洗憂患窮冬足雨雪  
 近市乏薪炭時來正堂堂尚得一笑粲

次秀亭韻二首

忽見新亭起廢基暮雲疎雨兩霏霏憑欄一望長江遠  
 鑿石新開小徑微治世從今可招隱至人何苦更藏輝  
 使君不厭賓朋集正為飄流到眼稀  
 舟車來往闌回環今日陪公得暫閑漸喜著身人迹外

勝如隨眾馬蹏間縈紆細數溪頭路蒼翠遙看雨後山  
 正恐朝廷須舊物不容常此面孱顏

甘棠樓

高樓面面好舉目是溪山急水瀉湍瀨諸峯呈髻鬟聊  
 為半日出得伴使君閑作者風流在承平氣象還身雖  
 住世網心已離塵寰未厭陪游數唯愁覓句慳高風雖  
 在望逸韻恐難攀咫尺蓬萊路惟公指顧間

師奴病化二首

伴我閒中氣味長竹輿游歷徧諸方火邊每與人爭席  
 睡起偏嫌犬吠牀能與兒童較幾許賢于臧獲便相忘  
 他生尚欲隨吾在要奉香爐瀉水囊



受戒不捕鼠聽經如欲磨誰知兩溪畔今日送亡僧  
舟行至桐廬

乘舟待潮發一日到桐廬物色寒初甚溪山畫不如往  
來真是夢親舊不須書猶賸鴟夷在時容託後車

示兒

忍窮吾有味雕句汝無功客舍蠶塵裏春隨浩蕩中初  
無買山費真與伯菴同更想顏回宅簞瓢亦屢空

陳朝奉坐化

東風吹雨欲翻盆杏樹前頭柳暗邨試問老人何處去  
夜來新月又黃昏

嚴州春曉二首

居閑病常嬰出郭春已老微雨淨新綠轉覺原野好故  
人各漂散頗恨來不早尚有壁間詩猶堪寫懷抱  
是月足陰晦暮春常苦寒閉門猶疾病春物豈相干堅  
坐客已少長貧心自安幽蘭有花在尚甯結餘歡  
子將為三衢之行下塔僧惠道求詩畱題因成  
絕句遺之

欲過城東病不能飛簷高棟想層層半年夢作嚴州住  
一首詩畱塔下僧

將適三衢而七弟欲往臨安臨行作詩奉送  
弟要題詩別人還勸我畱如何南去路更送北行舟處  
事須遠畧擇交當廣求秋風理婦權為我上衢州



椿閣二首

往時椿閣老盛德傳鄉閭至今風流在遺芳殊未踈  
有孫仁者靜遠近伏其賢定知建德民祝令如翁年

弋陽魏令賞音亭

高亭已寂寞山水自清音主人去已久此意誰復尋  
夢回還舊觀川上有微吟于焉繼前作因見平生心

建安熊述之為令建德不言而民治將適三衢  
留詩美之二首

熊卿治建德隱几心若水民肥吏乾枯亦不用笞箠問  
子何能然此豈力可使建安今多賢于子可見爾  
建安固多賢故人劉與胡山川古秀潤珠生崖不枯我

寬

病日已懶觸事見迂疎行當脫身去一屢從子居

擬古樂府

高堂陳八音同聽不同樂狂飈送鴻鵠萬里翔寥廓一  
去三十年事事非前約當時綠綺琴塵埃無處著時節  
非不久此意但如昨

已未重陽

病無佳思只深藏漫遶東籬菊未黃最是一年秋好處  
可能無酒過重陽

李城拙軒

念彼巧者勞知此拙者安拙者固無窮一生長得閒子  
豈真拙者托此以自安何嘗曳長裾顧官卑小官世人



極變態翻手覆手間子獨如不聞默坐安如山九衢走  
紅塵百事不相干我老始見子古井久不瀾贈子拙軒  
詩雷子靜處看當蒙一笑許敢言愁肺肝

清慎軒

清慎軒中一事無午窗高枕似吾廬世人俯意何須道  
乃祖風流正不疎

將往城南觀音寺阻雨未果

野寺他年別溪山浪作秋初涼頗宜出小雨故妨游僧  
老渾無念田荒近不收猶思五更懺清切勝蠻謳

余迪漫浪齋

顏子在陋巷無一當其心日惟聖之學正自惜分陰子

生千載後此意尚能尋齋雖名漫浪跡豈計浮沈文字  
浩今古不受俗務侵端如貯美酒妙處當自斟覽卷忽  
有得如未君義臨即此是聖域子行無滯淫

無題

我病無能到處窮子才安得尚漂蓬如何共飲重陽酒  
相對無言似乃翁

重陽共採東籬菊却似乃翁年少時顧我無能甘老病  
相尋唯有向來詩

聞鐘即起待天明客舍無聊坐五更何日長風破巨浪  
看渠萬里出門行

平生飽我飯脫粟靜夜不眠尋細書可見烏衣諸子弟



三万廿二  
從來志業不如渠

邊愁二首

胡人吹短笛一半是離聲想得南飛鳥雲間亦厭聽  
愁聲晚來急邊塞乍寒時不似江南日愁多只自知

招范四弟

涼風忽滿箬江漢有歸心顧我病如昨憐君窮至今苦  
嫌歸夢短不厭酒杯深試問玉川老何時許降臨

衢州路中

今日衢州路師奴不共行阿童渾似汝只是太麤生

憶福州舊居菊花

問訊堦前菊如今屬阿誰祇應風露底猶記摘殘枝

求趙表之墨

超然堂中墨如戟支撐宗門渠有力參得諸方一味禪  
以此示人人不識病夫見之喜折屐便欲投詩恐無益  
主人不吝是家風會見琅琅送珪璧

陋巷

陋巷客自稀短日寒未到感君時一來得以慰懷抱論  
文有根柢落筆清且奧如歌五弦琴促軫有餘操黃花  
開正繁薄酒可相勞請君尋此盟妙處同一造

示聞生

形容落魄猶須酒疾病因尋久廢詩忽見聞郎七字句  
却如王謝少年時



簡何居厚

我乏濟勝具子懷經世才  
寒窗得一采陋巷絕纖埃  
白酒難充醉黃花只強開  
更憐無事日時有好詩來

謝人送酒

他鄉逢故人已覺意氣盛  
得君雙榼酒起我終日病  
清如兩龔潔氣出徐邈聖  
乃知無功鄉欲往有提徑  
一盃我已足不必得歷聘  
扁舟下東陽此計或未定  
尚欲尋舊盟短拙恐未俾  
先生肯降臨時掃一室淨

東萊先生詩集卷第十六

終

東萊先生詩集卷第十七

呂本中居仁

聞蔡九弟十四弟到行在

苦懷吾表弟別久費相思  
愛客能忘酒長貧不廢詩  
每蒙高士喜終少貴人知  
試問游吳興何如在蜀時

贈蔡九弟十四弟

年來疾病日衰頹忽報山中兩弟來  
徑欲相從營一醉未須辛苦便輕回

病中

貸米供晨炊尚欠數東薪平生甘此味  
此去未為貧新霜已嚴厲況我病經旬  
但守此心足無為思古人病中曾端伯見訪



簡何居厚

我乏濟勝具子懷經世才  
寒窗得一采陋巷絕纖埃  
白酒難充醉黃花只強開  
更憐無事日時有好詩來

謝人送酒

他鄉逢故人已覺意氣盛  
得君雙榼酒起我終日病  
清如兩龔潔氣出徐邈聖  
乃知無功鄉欲往有提徑  
一盃我已足不必得歷聘  
扁舟下東陽此計或未定  
尚欲尋舊盟短拙恐未俾  
先生肯降臨時掃一室淨

東萊先生詩集卷第十六

終

東萊先生詩集卷第十七

呂本中居仁

聞蔡九弟十四弟到行在

苦懷吾表弟別久費相思  
愛客能忘酒長貧不廢詩  
每蒙高士喜終少貴人知  
試問游吳興何如在蜀時

贈蔡九弟十四弟

年來疾病日衰頹忽報山中兩弟來  
徑欲相從營一醉未須辛苦便輕回

病中

貸米供晨炊尚欠數東薪平生甘此味  
此去未為貧新霜已嚴厲況我病經旬  
但守此心足無為思古人病中曾端伯見訪



三百一十七  
不見倉曹十五年江城相遇各華顛何時更踐隣居約  
判斷諸方五味禪浮生擾擾亂初定久病昏昏闌始便  
欲問小童尋大隗勝于猛將畫凌煙

無題

一任衡門可雀羅時容欹枕聽懸河因君小試屠龍手  
要與午窗降睡魔

送曾吉父

吾道從來到處窮入珍常與一簞同子房故是青雲士  
圯上乃逢黃石翁聖學有傳為可喜宦游少味自無功  
亦知湖嶺如江湫盡在先生指顧中

次曾吉父蘭溪三絕

夜窗相對不城眠苦為離愁定不然政以蒼生未蘇息  
思君日夕望回船  
春信先尋嶺上梅兩年零落待君開非關使節須重到  
自是溪山未遣回  
久覺藏身不厭深舊游風物要追尋書來肯附銅魚使  
記我今年病不禁

次曾吉父窮臘有懷

冰霜抵窮臘伏枕久亦倦思公如和風咫尺未得見人  
生無賢愚各自有志願但得所趣同公固不我賤何須  
眩九折始見金百鍊平安望中原棲息各異縣尚欲從  
公游衰年保窮健



病中聞諸范日赴飲會

諸公相隨日酣飲我病昏昏困衾枕人生苦樂故不同  
世味再尋如拾瀋良醫更在肱九折曾子從來日三省  
不離方丈走諸方萬事只如驢覷井

深居

深居如山林初不識城市塵凝喜事少犬吠知客至生  
涯付裏疾日力破昏睡欣然一笑足自省甘若薺收身  
當在早過此恐少味

慶大悲閣成

自離閩嶺罷參禪疾病深藏不計年尚得閒人相印可  
隔門惟有白衣仙

贈人

堅臥因循欲過冬故人無復馬牛風得君好句能忘病  
笑我長飢不諱窮清夢宵嫌齋舍冷破囊常伴酒盃空  
新正所願長窮健剩作歌詩準備公

送廣東漕范子儀

我為三衢居君作番禺行君行我方病歲序仍崢嶸嶺  
海未寂寞斯民則憔悴得君鎮臨之固可以卒歲嗟君  
盛德後窮獨與我同比年數見之長在寒苦中番禺盛  
賓僚莫如元帥賢君行問安否道我如昔然

夜聞諸生讀書因成寄趙十七姪

紛紛藥裏了新正北望蘭溪不數程且喜諸生會勤苦



夜窗如子讀書聲

夜坐

所至雷連不計程  
兩年堅臥厭南征  
荒城日短溪山靜  
野寺人稀鶴鶴鳴  
樂裏向人間自好  
文書到眼病猶明  
較量定力差精進  
夜夜蒲團坐五更

簡李巽伯

愛酒舊無敵能詩  
新有聲荒城時過  
我長句屢尋盟厭  
病時招客因行不  
計程祇應有餘暇  
未甯賦閒情

一本後四

句云往事十年夢生涯三尺  
繫却憐陶靖節著意賦閒情

追記昔年正月十日宣城出城至廣教

嘗憶他年在宛陵  
好山松竹面層層  
江城氣候猶金雪

草市人家已掛燈  
每怪愁腸難貯酒  
時隨拄杖出尋僧  
如今轉覺衰顏甚  
病坐南窗冷欲冰

病中上元

病久仍多事深居  
未識春慙勤今夜  
雨且為阻游人

三衢上元

俗事紛紛避作煩  
夢中時厭雨聲喧  
但看闌客時來去  
勝說羣兒手覆翻  
事業不同俱可笑  
形骸如此尚何言  
他年更有相逢話  
同是三衢過上元

贈人

剩作闌官不計年  
得公相近轉翛然  
飽諳文字能生病  
始信虛空不住禪  
水溢船回休進櫂  
路長馬倦莫加鞭



漫成拙句為公壽要作新正第一篇

官闈贈人

自喜闈官不計年月叨微祿勝歸田藥囊往往充詩囊  
米券時時當酒錢忍病作勞吾不厭對人無語子幾賢  
不須更見盧溪老會得安心即是禪

正月十七日

令節今安在晨鐘奉夙興空庭畱素月廣殿有殘燈笑  
語已難記經游如未嘗吾衰得堅臥幾勝住房僧

病中得舍弟信

頻通婺女訊兼得會稽書歲月呻吟裏文章困睡餘百  
年判樵悴萬里付迂疎尚欲身強健相從得定居

正月十九日暴熱

一夜飛蚊繞鬢鳴都忘時節是新正祇應朝暮須風雨  
便作疎簷瀉竹聲

即事

十年不調張廷尉一字拔人山巨源萬事重尋已陳跡  
此君相對可忘言故人久已音書絕古寺終嫌市井喧  
更欲移家近深僻漫畱書冊教兒孫

送向仲告往江西

紛紛車馬鬧如雲膏火煎熬祇自焚亦有故人來問疾  
苦無佳思與論文江湖老矣頻搔首毛髮翛然政似君  
他日卜鄰猶有約靜中風景要平分



寄臨川親舊十首意到輒書不復次序

偶從行李轉江湖所至倏然一物無  
午枕久拚閒事業

夜窗新有靜工夫

少小交游不乏賢二三豪傑聚臨川  
自從老大飄零盡

獨有殘詩數百篇

屢試吳中千里尊聞中荔子亦嘗新  
獨游每恨無佳思

正好溪山少故人

故人自失愁中散疾病衰頹轉不堪  
猶喜閒居有賢弟

且隨長鋏住江南

季平張卿別後且郊居無復黃公舊酒壚  
試問今年有閒暇

亦隨書劔入城無

文叔

成

交游疇昔住臨川博士高風世不傳  
饒謝得名三十載

當時已道小汪賢

叔野

故人子弟惟汪謝每一思之忘寢興  
莫道臨川便寂寞

後來相繼有諸曾

吏部聲名動一時中原人物未全衰  
低摧不用還歸去

坐守遺經可療飢

子禮

金谿比歲復何如二董風流却未疎  
聞道移家遠城市

欲携書籍更深居

彥先

愛賢如渴吳夫子不染世間兒女塵  
老病不逢終不悔

後生誰復記斯人

吳迪吉

奉懷季平范文戲成兩絕句錄呈

閒



形骸已病尤宜懶歲月長貧屢有詩猶得深居少塵事  
只如同在嶺南時

新年為況復何如尚有心情對酒無只恐後生行樂處  
轉嫌吾輩白髭須

病中寄胡原仲劉致中

累月不寄書我病亦在牀仰見出林鶴如覩二子翔冰  
壺貯秋月所至有輝光僻郡足風雨深春猶雪霜聞水  
遠而清閩山深且長何時一尊酒更復議行藏

才元相過三衢偶成近體詩一首奉呈

紛紛俗事起如毛病起南窗厭作勞正欲往來求飯飽  
敢將辛苦治名高長闌似侮三冬臥舊學虛蒙一字褒

他日相逢有餘地尚容衰晚鬪堅牢

無題

衾稠尚冷知春早意緒無聊覺病深夜半改詩緣底事  
向來餘習正關心

寄人三首

世久無高識斯人我獨知子行吾羨子雖病敢忘詩  
念昔無事日同升夫子堂江湖晚相見猶喜共行藏  
世久趨浮末于時尔獨賢閑游衆目外却立萬夫前老  
驥空伏櫪長琴有斷絃傷心共隱地回首更茫然

寄祁居士

聞道祁居士抄書手未停艱難走異縣辛苦抱遺經野



寺猶堪隱人言懶復聽十年事夫子今日得儀刑

贈人四首

病欲相尋久未能虎丘山下在家僧諸方本末須君記  
拈出叢林舊葛藤  
昔年曾侍老姑傍誨我全身只退藏長恐風流便疏遠  
子猶他日及升堂  
跬步無功已厭遲後生誰復肯從師無人識子間居意  
手冷深藏只自知  
三江古路更深居白首窮經一丈夫借問新年入城市  
亦曾頻到虎丘無

寄朱希真

阻編

幕下諸侯老微言衆不聽祇應有餘論時復注前經郡  
古疎還往官閒任醉醒主人驚可換更為寫黃庭

寄向縣丞

念子他時兩頰紅十年奔走變衰翁耐官丞相風流在  
坐守簞瓢不訴窮

病中

藥裏關心老不宜只今筋力已全衰何由更得身無事  
却似他時把酒時

山城

山城雨雪繁春氣來不早思君如和風未見意已好時  
蒙枉車騎笑語得傾倒我能知子賢子亦憐我老舊交



半鬼錄在者跡已掃慨然念平生令人惡懷抱相從飽  
喫飯此計或未保東游有前約預恐別草草豈無一言  
贈妙句寫默藁出戶仰高山猶堪慰枯槁

病夫

病夫坐穩懶出門底事逢春作癯瘦故人相尋不憚遠  
欲以一盃爲我壽鋪張古昔引大義勸使忍窮如忍諾  
感君意氣但如昨顧我情懷已非舊平生甘作蟻旋磨  
萬事只如船放溜十年參差故鄉夢一心守待靈芝秀  
辱身竊比柳下惠疾惡奔逢朱伯厚他時城市望雲山  
歲晚何由數相就

無題

心廣體故胖意肅氣自屏頽然萬物表樂此一室靜念  
君久安坐轉覺此味勝疎籬過野馬破牖行日景但令  
此意真不必費譏評想當溪山橫更有松竹映隱几得  
晝眠此固可補病

偶成兩絕句奉寄文若庭列

強欲馳驅老不宜故人雖在費相思祇應大府多還往  
職事雖忙不廢詩

夏子經時不寄書十年奔走尚窮途不知自到高安縣  
亦有心情記我無

寄閩中親舊

濃陰蔽烈日小院有餘涼頓覺枕簟好時聞荷芰香秋



成今可必衰疾未相妨徑欲闔中去尋僧不裹糧

廖用中世綵堂

廖氏居七閩土俗變齊魯子孫仁且壽每繼先父祖作  
堂名世綵此意天所予近者得矜式遠者快先觀今公  
懷直道邪正有區處還家上此堂父祖當笑許小人慕  
清風想像濯煩暑孰知少年場有此毛髮古何時望世  
綵得聽公笑語老松臥歲寒亦以蔽風雨人或不予知  
亦莫予敢侮

劇暑

劇暑先庚伏經旬在炮燔今夕驟雨過我病亦少安涼  
風醒病骨好月上更闌尚恐賊報急凌風無羽翰聞中

故人書日夜望我還無車載家具欲往故不難所恨去  
已晚不及荔子丹家家有白酒自足解愁顏

即事

經旬困炮煮今夕有微風市井囂塵外溪山嘯傲中秋  
涼亦不遠吾道恐終窮準擬閩中士今年一笑同

秋日

斟酒莫辭酒琖寬酒琖少寬令心安客游無聊思舊歡  
舊歡新愁千萬端如何不飲空長歎歲云秋矣風落山  
白露應節衣裳單南游並海當不難雨雪欲下何時還

懷秋

秋風日夜至念我少年時新涼喜歌舞至今心未衰心



雖未遽衰老病則已甚頽然坐前階乃若兩鳥噤予病  
少則尔衰羸非獨今徘徊以徬徨何以異夙心死者合  
已死空費子百慮在者亦已老契闊少相遇洗心西方  
觀子復未甯然胡然競日力今年如去年

贈范十八

君去畱不得我窮前未聞如何出籠鶴更送離山雲歲  
晚逢同志人稀莫離群宵思臨別語只用十年勤

秋日

少年固長貧長歲復多疾閉門取堅坐到此多事日不  
嫌冷如漿所要甘似蜜舊書堆几案老眼厭塗乙不如  
壁角坐萬事付以實況今雨澤足已覺憂患失秋成日

在望所至有梨栗賊報雖未衰一飽良可必

讀書

老去有餘業讀書空作勞時聞夜蟲響每伴午雞號久  
靜能忘病因行得出處胡為良自苦膏火自煎熬

宿昔

宿昔尚煩暑平生悲遠游長貧不賞酒雖健懶登樓晚  
節勞千慮經年走數州新涼事事好只是迫防秋

謝人送詩

堅坐少愉樂欲行還滯淫時蒙七字句可慰十年心歲  
晚日晷短天寒霜雪侵主人不厭客敢避酒盃深

水仙



澹綠衣裳白玉膚  
近人香欲透衣襦  
不嫌破屋颼颼甚  
宵與寒梅作伴無  
破臘迎春開未遲  
十分香是苦寒時  
小瓶尚恐無佳對  
更乞江梅三四枝

東萊先生詩集卷第十七

東萊先生詩集卷第十八

呂本中居仁

處暑

平時遇處暑庭戶有餘涼  
一紀走南國炎天非故鄉  
寥秋尚遠杳杳夜先長  
尚可畱連否年豐稅稻香

教授鄭國材挽詩

松桂在荆棘所趨故不同  
雖云被剪伐所至仰清風  
念子行古道簞瓢生屢空  
我來則已病不復能從容  
平生務躬行聖處久收功  
賢哉想顏子欲往吾其從  
丹旆忽已遠暮靄千萬重  
論文一尊酒堅坐更誰逢

無題二首

柴門羅雀懶頻開  
喜有新詩到眼來  
聞道繫舟城脚底



澹綠衣裳白玉膚  
近人香欲透衣襦  
不嫌破屋颼颼甚  
宵與寒梅作伴無  
破臘迎春開未遲  
十分香是苦寒時  
小瓶尚恐無佳對  
更乞江梅三四枝

東萊先生詩集卷第十七

東萊先生詩集卷第十八

呂本中居仁

處暑

平時遇處暑庭戶有餘涼  
一紀走南國炎天非故鄉  
寥秋尚遠杳杳夜先長  
尚可畱連否年豐稅稻香

教授鄭國材挽詩

松桂在荆棘所趨故不同  
雖云被剪伐所至仰清風  
念子行古道簞瓢生屢空  
我來則已病不復能從容  
平生務躬行聖處久收功  
賢哉想顏子欲往吾其從  
丹旆忽已遠暮靄千萬重  
論文一尊酒堅坐更誰逢

無題二首

柴門羅雀懶頻開  
喜有新詩到眼來  
聞道繫舟城脚底



莫乘溪漲便輕回  
入秋多病渾忘酒學道無成却讀書莫謂窮居便寂寞  
天涼猶枉故人車

潘義榮惠木犀二首

年年無酒對新秋辜負涼天懶出游想得故人憐我病  
故分巖桂洗窮愁  
掃除炎暑脫氛埃色似黃花香似梅知是西風要清賞  
少畱陰雨候晴開

次潘都尉富李申冬日探梅韻二首

暑退園林物物新過溪風好月初晨酒壺茶具偏宜坐  
細草殘花別是春但得主人令客醉不辭秋冷和詩頻

從來禮節生疎放見我狂歌意自親

開府新從日下歸却尋山水對煙霏剩披詩律畱花住  
不使親知到眼稀但見鯤鵬常遠舉應憐蜩鷃只早飛  
此游尚恨還家早未許溪頭送落暉

次韻木犀二首

折送幽花與作秋溪頭風物未重游已憐多病逢三益  
更喜詩成擬四愁

洛陽車馬走塵埃一歲顛狂自探梅還識此花風味否  
年年秋後兩番開

謝潘義榮送菊二首

經旬霖雨足莓苔忽喜雙盆送菊來已似風霜憔悴損



主人云是待晴開  
漸開粉白間微黃肯與新橙一例香送與衰翁元未傅  
且雷青蕊作重陽

畜犬

主人長年閒柴戶終日閉雖云伴我懶常有跋扈志端  
如在籠鶴又若伏櫪騏舉首望道路久欲從此逝恨無  
陸探微寫此師子戲如何尚搖尾更作求食計

疥

刺刺齷齪疥欲作今年去年只如昨人生縱病莫病此  
此病雖輕更作惡寒窗夜長燈燼落敗人禪觀妨人樂  
安得壯士挽天河盡洗此瘡閒處著

潦倒

潦倒心猶在衰遲分獨深如何一朝淚空費百年心好  
月思同步清尊懶獨斟惜哉王子敬誰復歎人琴

贈人

他年好兄弟見我嶠南時相對能忘病清言可療飢後  
生寧復有末俗漫相疑尚想閒居處疎燈守破帷

無題

疾病侵凌我亦衰後生誰復更相知可憐日落長安路  
不見驂騑整轡時

寄京口使君

使君鎮京口穩若一長城詩律有同社溪山聊主盟



塵不挂念鷗鳥自忘情曾記貧交否衰頽判此生

再贈

嫠女勝京口公來歲已秋閒雲出山寺好月掛星樓往  
事付情話故人多倦游十年浪奔走今日為公留

贈友

子來已冬深僅得數夕欸寒窗聽談道未厭白日短從  
來不飲酒萬事付茗盃別去今幾日荒堦月猶滿

歲暮

歲暮少懽愉況復嬰病苦閉門每厭客奉此連日雨寒  
爐火復焰乃若相媚媮披衣坐壁角妙處時一睹風聲  
耿初夜有句或未吐還書問故人可復一笑許

戲成二絕句

老讀文書懶不前亦無餘地可逃禪閉門省事羣囂遠  
惟有狸奴附日眠  
病犬虺隤惟附日懶猶藏縮可逃寒寧知兩馬霜風下  
更有長途不道難

久病二首

久病畏人事長閑增道心寧貪風日好不避雪霜侵跼  
踏身猶在高低手自斟酒盃休厭滿茗盃向來深  
未愈俱生疾空懷宿昔憂時因發孤興尚足慰窮愁月  
落初無念花開不自由如何雁南向不共水東流

偶作二絕



不嫌羸病守繩牀世念紛紛久已降  
一夜月明如白日驟聞急雨打天窗

膏火從來只自焚何曾野鶴駐雞羣  
如何死亦無公論地下猶存衛府勲

謝滕尉送梅

破帷冷落不禁風疾病深藏稱懶慵  
忽有梅花來陋巷喜聞春信出初冬  
未須趁雪爭先睹尚恐衝寒不滿容  
會約君家好兄弟他年尊酒更相從

游山

世味日可厭茲游那得忘稻田  
疏宿雨木葉犯新霜潦倒交游在  
追隨氣味長僧窗有靜供茗盃侑爐香

李丞相挽詩三首

舊學邈難繼相期從少年初看驥伏櫪  
遽作鶴冲天烈節平生志高名萬代傳  
如何事未濟此老下黃泉兄弟俱英妙  
聲名萃一門論才無不可於道獨為尊  
未定千年策終嫌萬丈渾天乎乃如此  
不使拯乾坤事業懷蕭相曾襟識謝安  
流風有餘烈士只長歎淮海他年竭冰  
霜此夜寒向來交友淚南望不曾乾

以一縑寄范四弟

中原厭胡馬所至是賊窟念君室懸磬  
何以備倉卒窮冬霜雪繁欲救乃無術  
兒號君莫厭婢怨君莫恤平生師顏子  
于此見髣髴此縑君所知自我機杼出



江梅

江梅消息未真傳，微露芳心几杖前。不信冰霜能作惡，要令桃李便爭先。斜枝似帶千峰雪，冷豔偷回二月天。準擬從君出城去，竹輿仍勝百花鞦韆。

鼓山頌法眼語在裏，即求出云大家合眼跳黃河。戲成四韻奉答。

合眼跳黃河，未有過得者。豈惟不得過，身亦須判捨。告君過河妙，止要具船筏。乘時等風去，過此無別法。

夜深歸家聞鄰家小兒讀書，可喜有作。

還家更寒三鼓餘，鄰巷小兒猶讀書。王侯將相乃無種，紈袴綺襦寧似渠。北風颼颼霜被草，聽汝讀書聲轉好。

莫言翁媪惜膏油，有兒如此可無憂。

梅花

野水依城竹映沙，江梅開處有人家。天晴徑欲花前醉，只恐衰顏不稱花。

無題二首

德盛不狎侮，玄談多作俳。居然少莊語，無乃近齊諧。恨此達者趣，猶乖壯士懷。故當先復禮，方得盡梯階。聖學邈難繼，斯文當望誰。還能養志氣，且務攝威儀。曾子但三省，子長徒愛奇。從來要功處，本不在多知。

贈李元亮之子季子

往時諸李在江都，文采風流一代無。每得清詩如小謝。



三乃冊子  
已聞前輩許封胡好松久已埋深澗老馬今猶憶舊途  
令子相逢初未識尚容衰晚見規模

二月七日與羣從游陳氏園

平居羸病每相妨今日尋春有底忙何似主人常不出  
看人衝雨度浮航  
橋北橋南花亂開小園和雨掃莓苔不嫌拄杖衝泥入  
更許乘閑著屐來

懷許子禮

寒松厭庭院老馬倦維繫脩然出塵去羸免朝夕急我  
友隔湖嶺尚作一日聳平生學道心擇善有固執豈不  
在行路自遠霜露溼百川灌河來砥柱乃中立何時一

尊酒更與交舊集

雪

窮巷無人對雪小詩自可逃禪看取一年三白喜歡共  
入新年  
堅坐正宜養病開門便當幽尋一夜雪深一尺與誰取  
酒同斟

報暉菴

春草仰生活春暉常照臨不知欲報德何以見此心江  
漢有時竭此心無淺深魏氏有令德傳家非獨今結菴  
在山阿日瞻松栢林仁風被遠邇猛獸不敢侵令子守  
直道意往無崎嶇遂令此鄉人得聞金玉音我行時序



晚回望西山岑延頸長太息聊為純孝吟

贈莊季裕

老矣莊夫子居閑肯厭貧盛時更讀易憂道不無人記  
往詩猶在相逢意倍親尚期香火社文字約遺民

李尚書挽詞

李氏三吳秀尚書一代英立朝惟直道守已但純誠報  
國心雖在憂時病已成人推四兄弟氣壓百公卿未就  
養生術獨取強諫名傷心舊游地城郭漫溪聲

李器之履齋

人履履險巇君履履平地平地信可履行穩居亦易責  
已不責人為道不為利熟視履險者豈不心有愧君家

天台守固學有餘味微言化子姪自足警一世初無舉  
足勞寧有半塗滯君能識其然我亦從子逝

野寺

曉窗日未融野寺雨欲作經旬少客到靜坐幾可樂平  
生遭病擾今更不如昨囊空畏高醫何以致良藥所奔  
秋已至所在身何著洗耳聽涼風不待一葉落

辛酉立春

中原擾擾尚胡塵堅坐江南懶問津漫讀舊詩如昨夢  
都疑往事是前身子桑自了經時病原憲長甘一味貧  
賴忍雪寒君莫病土牛花勝已迎春

雪夜



破屋除燈雪自明  
案頭無用讀書聲  
老慵已慣跣趺坐  
昏夢尤便松竹吟  
知有故人來問道  
久無佳興與尋盟  
明年更有閩山興  
但辦行纏莫計程

謝方倅惠炭

寒壓新春雪不融  
布衾如鐵坐裏翁  
煩君又送南山炭  
更放殘爐一夜紅

即事四絕

老來于世轉無求  
事業聲名種種休  
伴得鄰僧忍飢慣  
閉門無飯讀春秋  
忽忽和夢別星樓  
擾擾隨緣住信州  
尚笑長江少方便  
只教溪水暫西流

問柳尋花懶不知  
登山臨水病難為  
日長客去松陰靜  
強課兒曹學和詩  
經旬却怕酒盃深  
野寺雖閒病至今  
莫謂閒居厭醫藥  
未妨隨症檢千金

贈人

中表多離隔  
情親子獨賢  
心游衆目外  
氣出萬夫前  
米賤猶堪飽  
官閒不記年  
春風上巖瀨  
為我畧回船

辛酉之冬周提宮墮惠行隔

深冬坐窮閭  
未厭風日惡  
今晨起濃陰  
正恐雨雪作  
故人憐我寒  
垂意到丘壑  
虛尚排竹牖  
已覺暖勝昨  
初無穹室勞  
漸有閒適樂  
我生甚易足  
所至況旅泊  
不為禦



冬計敢復備墮籜偶蒙仁者念僻處未蕭索從今作新年對酒且斟酌

寄張仲宗

聞道張夫子今年已定居偶緣荔子債遂絕故人書歲月足可惜溪山莫負渠他年得相近不必問庖廚

周仲固尚論齋

周侯不出何所為閉門讀書心自知簞瓢陋巷君不厭讀書萬卷能忘飢上參羲皇下秦漢采取英華幾脫腕是非榮辱姑置之忽若乘船到彼岸古人之學有傳授君生寂寞千載後問君何以識古人袖手無言坐清晝以此讀書為尚友是事渺茫人信否人信不信君不問

松柏固難生培塿朝來落葉滿荒城青山照人溪水橫往來車馬作塵土想君深夜讀書聲

吉州段秀才粟菴

大千非有餘一粟豈不足須彌納芥子豈復論盈縮今君住世網何以得此獨始知陋巷居已悟不遠復

自如齋

朝為事所奪莫為飢所驅不知六合間何人能自如永新段夫子屋小心有餘教之有家法逃禪猶著書

醉經堂

紛紛入醉夢一語令渠醒段子閉門居云何猶醉經其醉蓋非醉初無能解醒問經何所說明善故能誠



題焦寺丞詩冊三絕

一世奔波在別離君家孝友獨天知己令好夢傳消息  
更有賓鴻效羽儀  
路旁來報定何人物理潛通自有神想得三衢相見地  
至今草木亦長春  
河朔家人隨渺茫江南風日正舒長已知原上鶴鷓處  
更入雲間鴻雁行

暴物

暴物看日景頃刻未嘗停隨景移暴物自示令心驚寓  
此不停景乃復望長生忽忽駒過隙悠悠池汎萍況茲  
兵火中而每疾病嬰野寺過毒暑旱氣浮高城出門君

莫厭宿昔已秋聲

次葉守喜雨

羣鷺寂寞已收聲預怯秋房獨夜情忽聽僧簷鳴宿雨  
定知田舍起安眠盡消積暑經時旱不厭新涼數日晴  
更喜此邦賢太守樂為詩頌教諸生

前題

學詩漸老轉銷聲末路蒙山此日情尚有文章能舞疾  
豈惟田里解蚩氓近郊秔稻成秋熟繞郭溪山入晚晴  
剝繞長廊和新句不知庭下薄寒生

次韻曾宏甫木犀

風吹旱暑未成秋辜負江邨事事幽巖桂敢煩先折送



好詩仍不待邀求自憐疾病常高枕坐想風流換此州  
他日出門尋舊約未嫌疎懶作人不

贈鄭侍郎二首

便欲深居過一寒破窗重見舊蒲團莫年生活如何作  
子細煩公指示看  
幾時不過西禪寺直自初秋到晚秋聞道主人憐我病  
天寒猶未送新笏

東萊先生詩集卷第十八





東萊先生詩集卷第十九

呂本中居仁

次曾宏甫九日韻

僧園曉色散栖鴉強起新詩整復斜  
正想故人披宿霧忽蒙佳句洗昏花  
舊游往往違心事老病昏昏漫歲華  
辜負重陽一尊酒且來占雨又朝霞

九日贈曾宏甫二絕

茶花過雨十分香  
山後山前已帶霜  
何事東籬數株菊  
已將青蕊趁重陽

漸退中原胡馬塵  
溪山未厭往來頻  
雖無名酒酬佳節  
尚有新詩答故人

送徐止秀才歸小葉



後生少規模子學有根源紛然衆室中獨識孔氏尊古  
人雖不作此理固常存滄海無津涯有有衆水分鑑明  
不受垢垢盡亦無痕子還訪師友當自得其門躬行見  
日用餘事不論文

次葉守韻

新正無所爲出戶亦乘興欲尋林泉幽不避風雪迸搜  
腸乞佳語分外若贅癭故知藜藿盤不受珍果飭清詩  
洗病目鄙陋知不侮披雪見新月乃悟本來性溪山況  
蕭酒復有松竹映何須待醇酒然後有醑酌

送曾宏甫知黃州四絕

兩餘天氣欲嘗橙栗可煨炮芋可羹正是一年秋好處

忍令無酒送君行

口唇白醖未嘗開正始餘音挽復回他日爐香爲誰起  
公會親見了翁來

君到江頭不問津雪堂草木幾番新一生未得文章力  
要掃中原胡馬塵

騏驎徐行不離羣却行江北訪斯文潘何子弟能傳業  
當奉遺書與使君

寄題曾黃州重修睡足齋

雲濤際天江北路郡古人而春欲暮平生想像睡足菴  
頗見王杜安身處十年兵火菴戶壞草莽連闌穴狐兔  
使君初來席未暖重就新齋立窗戶疎疎脩竹帶泉石



歷歷幽花點煙霧竹樓月波不寂寞雪堂東坡復共住  
昔者同遭盜賊擾今者定蒙神物護使君忘言坐搔首  
抖擻衣襟脫巾履下簾高枕百吏散一任江頭風斷渡  
會思王杜與新詩夢裏相逢得奇句

重陽前一日作

涼風策策旁江城道路猶寬遠去程秋晚情懷常索莫  
夜長更漏轉分明未償臍腹三年艾不負膏油二尺檠  
明日黃花一尊酒苦思親舊與同傾

春晚

春色忽已晚悠悠畱此心深居有閒暇令節廢追尋更  
老愁何在長貧病亦侵一盃聊自勸不為落花斟

寒食二絕

梨花雪白柳深青也似中原舊馬亭猶記往來寒食下  
客房無酒臥空瓶  
今年春物更怱怱野杏山桃取次紅底事無錢作寒食  
可無新語記車公

題范才元畫輶後

昔年曾過嶺南州爭看湘江萬里流妙手可傳詩外意  
亂雲寒木更孤舟

送尹少稷賢良還真山

青松在庭檻乃受衆目憐念彼歲寒枝肯爭桃李妍不  
如卧澗壑歲久霜雪前尹侯東州英炯若珠在淵避地



走南荒因循畱瘴煙  
歸來懷玉山草草屋數椽  
深居絕萬慮讀書欲忘年  
偶出到城市頗厭塵囂煎  
搜腸出妙語贈我以長篇  
行潦被注挹朽木煩彫鑄  
紛紛車馬間孰能知子賢  
別婦值短晷肯復更畱連  
我老百事廢鈍馬難加鞭  
清霜粲屋瓦白雲常在天  
悵望子所居欲去無夤緣

閒居即事

新舊音書寂不來  
畧無一事可縈懷  
春風寂寞花侵路  
野寺荒涼草上堆  
剩欲出門畱客坐  
不妨扶杖看僧齋  
無人會得龐公意  
只道淵明是匹儕

偶出謝客

才過清明日更長  
竹輿頻出度浮梁  
雨侵田水連溪白  
春入山花帶蜜香  
數有故人相勞苦  
不嫌俗事且窮忙  
今年尚有湖湘興  
不待秋風便促裝

蔬食三首

殺物以活已肉食固多慚  
况無一事勤敢于滋味貪  
今晨病少間調羹有酸鹹  
居然飽筍蕨自足慰清饑  
磨刀向猪羊渠有千種苦  
廚人盡心力博汝一笑許  
此道在忠恕觀彼更觀汝  
聖人雖未言寧可自莽鹵  
夫子鈞不綱于理已不隱  
浮屠斷食肉此語說始盡  
人生慣便習奉法乃不謹  
要當守淡薄萬事可堅忍

戒殺八首



勸君勿殺犬犬有為主心為主反見殺君何無淺深君  
貧犬不去君富犬分憂執以付鼎鑊于君心穩否  
畜犬被縛時猶為主人吠吠聲不絕口湯沸主已退主  
人調醢鹽欲以作滋味持此望身安世間寧有是  
犬雖有小過未至不得活賣錢與屠宰使得恣鬻割君  
兒小不安君夜不得眠何獨于此犬如此安忍然  
勸君勿殺雞雞能伺昏曉聞雞君即起一一家事了一  
朝被烹煮不念前日功主人取韜飽雞苦圍無窮  
縱犬使殺鼠鼠窘生自畏其飢使之出此亦有何罪犬  
鼠俱可殺莫計有無功苟以無功死還與殺犬同  
願君普斷殺能益君壽數子孫亦長年皆以不殺故君

子遠庖廚非有意于吾但能觀自身此理即可見  
商臣殺其父身亦烹楚國世民殺其兄亦未妨大福以  
此知報應未必在此時此時雖無他終久君試思  
虎狼非不仁天機使之然蛇虺肆百毒此亦受之天願  
君勿憎怒憫此心謬用仁氣苟薰蒸終皆變麟鳳

寄祁居之

苦憶均陽祁處士只今全似住菴僧何時更得相從去  
細話叢林舊葛藤

送韓念八迪功

君去畱不得我行還未忙漂零更遠別衰疾且深藏野  
水千山綠荷花一路香猶思往還地相望隔浮航



謙上人清湍亭

道人結菴殊未就先起小亭山左右不將溪水濯塵埃  
且以清湍為客壽雲煙晦靄作春濃草木堅枯辨秋瘦  
客來相對兩無語豈有浮辭問時候一生行脚如夢覺  
天意似于君獨厚我今畱滯未得往想像此亭如故舊  
再三伸紙誦清詩已勝開尊飲醇酎上人錄寄彥禮彥  
冲原仲諸公題詩單歌  
可樂不淡薄蘭菊重生足滋茂他時有暇更分題此游  
未落諸公後

送韓臨亨提舉

君有千里行我獨畱此居君行赴何許沅江隔重湖我  
畱此山中欲去尚躊躇沅江道里僻罷民待君蘇君亦

憐其民溼沫勤煦濡涼風促君旆小雨膏君車漸去蠶  
塵遠及此夏景初野色望行路東門初首涂風土日已  
好誰能懷舊廬舉手謝拘束有若縱壑魚路逢舊交游  
相見問何如道我且貧病因風時寄書

和伯少穎迂仲將歸福唐偶成數詩欲奉寄無  
便未果也辰叔常季南還因以奉送五首

紛紛走道塗擾擾雜泥滓既為風俗移又以血氣使百  
川灌河來夫豈有涯涘故人林與李始可與語此

方子獨立士德順歲暮亦深居林李從之游欲出更躊

躇紛華晚不顧浮湛同里閭時從陸丈人共此一篇書

諸公皆從  
陸亦頗游



閩山固多奇閩士亦多傑弱水不勝舟有此積幸明  
劉守節意亦豈待言說原仲致中堂堂混衆流此固不得折  
經時望子來慰我終歲病西行道路迂欲見復未定秋  
豪論得失此豈不有命嘗聞安身要其本在無競王輔嗣卦解云  
安身莫若無競修己莫若自保守道則福至求祿則辱來實法言

才叔策名時已自能不動中年謫南荒與世作梁棟生  
平所踐履自待九鼎重失固不足言得亦何所用才叔諫議張公

也初登科時已無喜色矣

### 送范才元

胡塵犯中原冠蓋走東南同時辟地人十不存二三相  
逢各衰病豈復能清談君今尚行役未暇脫征衫聲名

自宿昔文字性所耽誰能隨少年下筆令人慙並海雖  
名郡嗜愛殊酸鹹君但撫罷民未須嚴轡銜開堂宴賓  
客清詩消半酣時寄荔子來尚能憐我饒自餘君不問  
只向鼻端參

### 贈魏邦達張彥素

公更深居我更衰山林膏壤偶同時兩年疾病畧相似  
二老風流應自知苦學養生猶有累不知閒過是無為  
初冬寄遠無他物半夜才成一首詩

### 送南上人

閒居病益侵俗事初一掃南公犯寒來為我畧傾倒論  
詩已得妙不必在窮討我懶百慮廢識子恨不早尋



見徐董明叔更問此二老所恨聊復翁向者骨已才速  
拭目看遺文令人惡懷抱

贈曾吉甫

荒城少往還居處喜相近欣然得一笑渠敢有不盡詞  
源久欲竭此道或少進作氣在一鼓軍士況未慙涼風  
動高梧塵土朝作陣臨溪惜暫別溪淺雨復吝豈無一  
言贈以當百鎰沉綿我未瘳李君更須慎

贈魏邦達張彥素

橘綠冬未黃菊老霜變紫不知風土佳但覺日月駛閒  
居得養疾調氣實在此從今便休云敢復為物使誰能  
明吾心旁邑有君子

次韻汪教授木犀

治藥呼醫懶出門每聞樂事漫消魂秋花帶雨寒猶在  
老病尋詩目更昏但見晚霞翻雨脚不知山石是雲根  
主人有意畱巖桂要使貧交奉一尊

送詹慥秀才

子今來幾時歲月忽已晚今當別我去道里初不遠家  
山霜正濃馬草寒更短何以奉親懽一笑和氣滿邇來  
游學士已見如子罕讀書要躬行俗事不厭簡故鄉多  
老儒歸日正可歎時能寄餘論尚足起我懶兩州多便  
人自可數往反

靜軒



紛紛逐人行擾擾與事競不知一世間能得幾人靜  
公今默無語種種以靜勝人來漫相接事至聊復應開軒  
道院旁足以補我病日高公事散轉與靜相稱千載師  
蓋公此理久已證爐煙裏晴窗松聲韻鐘磬簿書勿勤  
來公方在禪定

贈吳周保

舊琴無譜亦無絃子獨深求百計年正以安閒有餘地  
不因言語悟先夫論詩再到新刪後讀易仍窺未畫前  
老病相逢聊一笑非關無地可逃禪

尹穉少稷方齋

人圓君方君但方鑿圓枘方君不忙富貴可取君則忘

閉門讀書聲琅琅舊書重疊堆在牀點勘同異分偏旁  
運精竭思心力強十年足不離僧房荒山野路秋水長  
客雖欲來嫌路妨幽蘭無人為君芳采菊落英充餽糧  
客雖不來有餘香

送義先上人歸古田

斷雲流水去無蹤回望關山指顧中何處尋君問消息  
古田南路已春風

送范十八

范子閒行定不窮袖中詩卷敵清風野僧道士有餘意  
同學故人多近功已辦辛勤十年讀時須談笑一尊同  
相看又作韶州客却望臨川是夢中



徐師川挽詩三首

江西人物勝初未減前賢公獨為舉首人誰敢比肩時  
 雖在廊廟終亦返林泉今日西州路臨風更泫然  
 異日逢明主端居不復藏一心扶正道極力拯頽綱已  
 病猶軒豁臨衷更激昂始知操韞處餘事及文章  
 念昔從者舊公知我獨深意猶如昨日愛不減南金撫  
 事思前作干時愧夙心素琴理舊曲無復有知音

即事六言七首

老來與世相忘尚喜攤書滿牀憶得少年無事苦心更  
 學文章  
 少年與世無求老覺心情自由顛倒文章事業追隨卷

烏虛舟

不入樂天歡會不隨淵明酒徒看取簞瓢陋巷十分晝  
 夜工夫  
 百壯艾能已疾一盃酒便生春熟睡覺時意思罷勞歇  
 後精神

讀春秋

游夏一辭不措非關未究源流直至孟軻沒後無人會  
 養生不能延年忘言未是安禪聖學工夫安在重尋曲  
 禮三千

畢竟學書不成誰道能詩有聲點檢平生交舊幾人曾  
 是同盟

臺灣國家圖書館, NATIONAL CENTRAL LIBRARY, TAIWAN, R.O.C.



倦

揚雄

讀易先知未畫前聖人何事絕韋編始知揚子多閒暇  
更有功夫草太玄

嚴君平

千秋蜀道一君平氣象從來不近名可惜下簾無一事  
才將老子授諸生

賈誼

仲尼墨翟並稱賢始信先生學未堅何事退之傳此謬  
亦將餘論點遺編

晉二絕

紛紛禮樂付浮埃一取玄虛禍始開但見出言齊老易

始知胡馬不虛來

晉朝朝士安知禮盡出紛紛篡賊餘漫使當時辟世士  
放言高論祖浮虛

畜犬雪童點甚勝人壬戌夏暴死作詩傷之

他生與我有微因來見防家最後身共住世間均是夢  
未因心境不如人浮雲屢見本無迹又路多岐莫問津  
此夜窮愁走南北更誰隨馬踏埃塵

伴我走道途直前無葛藤三年貧病裏幾度送亡僧

又作二絕

荒山古寺正黃昏梁上諸君欲到門雨溼雪童埋處土  
向來精爽更誰論



客至書來總不知都緣通日吠聲稀蛛絲網遍常行處  
猶道奔逃未肯歸

秋日

禦盜犬新死放生羊尚存有書消永日無客到衡門山  
色熱猶好溪流雨不渾還須止雜念數息度黃昏

懷雪童

老來于世漫多悲夢幻推移且自知想得開山藏骨處  
却如搖尾乞憐時送行識我貧無蓋閒坐思渠悶有詩  
從此窮居添寂寞夜長誰復遶簾帷

即事

畏事成閒厭出遨故人不見別聊因一寒一暑便衰老

如夢如幻無堅牢客游滾滾漫南北往事悠悠增鬱陶  
此去還能安坐否割雞元不用牛刀

念舊

俛首思疇昔常期不負渠事隨心境轉人與舊情疎少  
日猶相憶多年遂絕書況于生死隔寧復似平居

和汪教授

羨君須作綠坡竹飽飯哦詩聲徹屋閉門不出動經旬  
坐看禪房花柳簇却記冰霜動地時半夜小園風折木  
一尊相對任濁清三徑閒行漫松菊長篇短句動盈軸  
想像清香有餘馥問君何以得此妙木潤只緣山有玉  
我窮猶敢和君詩不畱和氣滿臍腹搜尋險韻少工夫



三  
敢與諸公鬪遲速

癸亥歲正月二首

閒居足因循所至漫冬夏今年忽六十稍覺日有暇孔  
子固大聖未害六十化同時遽伯玉亦豈出此下莊周  
與惠施初未識此語何因為此語百世呈縫罅不如姑  
置之以俟一朝霸  
孔子六十時入耳心則通所造不可知誰能強形容當  
世設梯級聊發百世蒙如何陋巷顏年少兩頰紅出門  
請從之便欲齊此翁心知路不遠試用一日功還家對  
簞瓢此士正不窮

寄蔡伯世李良宇

兩君羈旅官西蜀我亦江南住僧屋想像平生肺腑親  
晴天何處飛黃鵠庾郎故是豐年玉道兒更是見不足  
藜羹脫粟有餘味富貴薰天果非福死生契闊今誰在  
往事悠悠陵谷改他年乘興下瞿塘見我衰頽莫驚怪  
別尋好語和君詩償盡平生難韻債掃除壁土更焚香  
下酒如今有鮭菜

贈魏承事二絕

雨漲溪渾欲斷橋水鄉風物轉蕭條煩君下筆畱春住  
令我寒窗不寂寥

四十餘年別歷陽舊游如夢費思量眼明見此老居士  
聽話舊游如到鄉



送魏縣丞之官餘杭

君去我逾靜我病君得知如何便相遠未有再見期溪  
橋已春晚紅紫久離披初無一尊酒慰君別後思君才  
則甚長所用無不宜但當歛光芒匣劍深藏之初非擊  
刺用肯顧庸人嗤平生富事業餘事尤長詩當官倘見  
念琢句敢嫌遲上以寄難兄下以愈我飢

葉尚書普光明菴

日月豈不明明乃有昏晝四時所出火更自表新舊寧  
知普光明亘古不傳授獨照萬物表不見所成就遠乃  
包須彌近不聞圭竇茫茫濁水源於此明亦透尚書所  
居菴草木甚癯瘦收藏萬丈光歛退著懷袖至寶久不

耀却立萬夫後我願從公游昏病方待救先持此微言  
遠寄為公壽

焦復州惟正奇鼎復兩州喜雨詩來以近體詩  
一首寄之

聞道復州賢太守只如前在武陵時相逢未說為州樂  
所至先傳喜雨詩行比曾參仍不魯焦君居家以孝友稱政同龔遂  
更何疑懸知此去長閒暇定是愚民不敢欺

送范十八還江西效白樂天體

與君此別重依然再得相逢又幾年無使人言長似舊  
況教人道不如前窮通軒輊皆由命貴賤高低總是天  
只有修身全屬我少遲畱處更加鞭



晁公詩九經堂

人家有屋但堆錢君家有屋定不然一堂無物四壁立  
六藝三傳相周旋人言君貧君不顧以此辛勤立門戶  
聖人遺意要沈思暫脫楚騷辭漢賦他年相見問何如  
且說九經得力處

送瑞印上人歸福州

不須布襪與行纏參得諸方五味禪散盡白雲見明月  
虛空只是水中天

東萊先生詩集卷第十九

東萊先生詩集卷第二十

呂本中居仁

尤美軒在玉山縣小葉邨喻子才作尉時名之  
取歐陽文忠公醉翁亭記所謂林壑尤美望之  
蔚然者後數年舊軒既毀復作寺僧移軒山下  
汪聖錫要詩叙本末因成數句寄之

茲軒在何許遠在洞巖側洞巖山水勝自與塵土隔天  
以奉幽人寧宵媚過客尉曹昔吏隱到此若有獲名軒  
曰尤美盡去眼界窄坐令歐陽公餘意轉明白車馬走  
道路我久度此厄茫茫六合間于此有安宅軒雖有成  
壞山本無異色舉頭見林壑不必更遠索

金雞董需彥光凌岑菴



晁公詩九經堂

人家有屋但堆錢君家有屋定不然一堂無物四壁立  
六藝三傳相周旋人言君貧君不顧以此辛勤立門戶  
聖人遺意要沈思暫脫楚騷辭漢賦他年相見問何如  
且說九經得力處

送瑞印上人歸福州

不須布襪與行纏參得諸方五味禪散盡白雲見明月  
虛空只是水中天

東萊先生詩集卷第十九

東萊先生詩集卷第二十

呂本中居仁

尤美軒在玉山縣小葉邨喻子才作尉時名之  
取歐陽文忠公醉翁亭記所謂林壑尤美望之  
蔚然者後數年舊軒既毀復作寺僧移軒山下  
汪聖錫要詩叙本末因成數句寄之

茲軒在何許遠在洞巖側洞巖山水勝自與塵土隔天  
以奉幽人寧宵媚過客尉曹昔吏隱到此若有獲名軒  
曰尤美盡去眼界窄坐令歐陽公餘意轉明白車馬走  
道路我久度此厄茫茫六合間于此有安宅軒雖有成  
壞山本無異色舉頭見林壑不必更遠索

金雞董需彥光凌岑菴



我為江南游衰病轉不堪往來信撫間未上凌峯菴凌  
峯賢主人清峻如山巖避事若荼苦守貧如薺甘平生  
好交游十不存二三令弟又繼往世不聞清談高風故  
絕俗想像令人慙浮生有欣戚此味久已諳請君但高  
枕客來睡方酣茫茫岐路間與渠為指南乘風本餘事  
不向鼻端參

盛華彥光丘壑軒

盛侯少時偉儀觀下筆不休人共歎胸中別自有丘壑  
萬里溪山藏几案往來車馬鬧泥土盛侯何嘗著眼看  
較量今古攷同異抖擻胸襟別真贗今朝示我故人詩  
老病窮愁得消散故人相繼在鬼錄君雖獨在飽憂患

著

著

送晁公慶西歸

且在溪南數間屋坐穩不憂時節換人言丘壑殊不惡  
君守一丘只如昨文章老健氣如虹不向山巖何處著  
頃從君家諸父游談經語道久未休死生契闊風塵起  
往事追尋三十秋疾病衰頽且深坐喜見後生勤勝我  
臨行索我送行詩短句長篇無不可少年學問要躬行  
世人營營勿與爭閉戶忍窮心自樂簞食瓢飲殊不惡  
紛紛得失誰厚薄得此失彼莫籌度

曾吉父橫碧軒

蠶塵等山林此理久未盡君今住世網于此已自信僧  
居隔長溪屋古柱礎潤不知市聲遠但覺山色近開軒



有餘地草木當夏潤一身船轉頭萬事燈落燼譬如癢  
在體搔抑吾已認青山故在眼已絕封閉各悠然有遐  
想此語君所印

送邢道州趙州歸湖南

相逢不得款奈此別離何長塗已新秋從此風雨多欣  
然出殘暑如鳥離網羅我獨此淹留衰病日婆娑  
足望二子洞庭秋始波道州通家舊口辯如懸河邠州  
我表弟玉也保不磨無由得相就相近日經過黃塵翻  
馬足未暇盼庭柯何時寄書來與我消睡魔天涼不飲  
酒為子一高歌

送方豐之秀才歸福唐

我居江東惟信之州子來自南而與我游問其所友一  
時之秀其克韞德亦既有就子學既立子志甚遠何以  
終之止在不倦貧賤勿厭自然無悶富貴勿羨害德之  
本彼古之人能聖與仁我胡不能歎其絕塵今子歸矣  
歲亦有秋何以告子惟聖之求水流有源木生有根惟  
源與根入德之門求聖根源惟正之守正之不守棄師  
背友絲毫之偽勿萌于心無有內外亦無淺深有此則  
聖舍此則病是以君子所守先正予以贈別亦以自警  
為別後思且以三省  
向敦武挽詩

耐官丞相後世固不無人位下能安命身閑不厭貧還



能死異域便足繼前塵此日何山路空悲草木新  
向僉判母挽詞

懶作塵寰住虛隨雲雨還人皆欽懿範天不予長年室  
靜如婦隱心安勝學禪傳家有令子尚得慰重泉

贈眼醫張子驥郎中

人生所有疾萬種皆眼病由眼不得明故視有不正指  
由以為患遠邇皆未定如何少醫膜遂失本來性今君  
有妙手與世脫機穽病雖有多端但以一理勝不須望  
奇功藥病自相應吾觀世間物唯眼為至淨不容著纖  
豪况復計少剩自古大醫王真治有捷徑不能添汝明  
但要除此症鏡有塵則昏塵本不在鏡塵去鏡自明豈  
必與物競皎潔玉壺水澄澈秋月瑩坦然望長途欲往  
不待倩其說甚易知在汝聽不聽請君明其然說法我  
已竟

送晁侍郎知撫州

與君相從四十載老病昏昏君不怪交游大半在鬼錄  
一時董行惟君在前年簪筆侍明光論議風流傳梗槩  
迹來同住此荒城笑語瀾翻絕機械薄酒重尋他日盟  
新詩未了平生債今君奉詔作隣郡共喜朝廷有除拜  
定知惠政及斯民一洗從來州郡隘甕頭春色早晚熟  
遠寄還須例靈丐為君試草德政碑蕭何自昔文無害  
晁雷臺劉夫人挽詩三首



自昔聞諸父文章漢兩京原父侍讀貢父全人夫人諸父也風流傳臺範烜

赫振家聲睦族今無匹能書舊得名如何江左郡今日

望銘旌

故家劉與魏我亦忝姻親夫人劉姓魏出也久矣思前作居然愧

後塵遺芳接淳史舊德見夫人張望鸞湖路新年草木

春

雷臺無恙日樂善出誠心文采不復見聲名空至今半

生資內助三歎有遺音撫事思前輩于誰覓斷金

贈鄭侍郎

鄭公一勺酒時與故人傾況茲冲和天草木日向榮山

茶逞獨豔著意呈軒楹坐中四五客還來尋此盟主人

久未厭頻得倒屣迎燒燭夜照花知公有餘情清歌洗

俗老軟語令心醒豈伊鶴頂丹獨自能傾城要令同工

妙相伴作三英紛紛桃李花開謝畧不停誰知此深院

別有高世名我老百事廢對此眼暫明還家不能寐起

坐數殘更明朝有新句更欲煩公聽

送宗紀上人歸福州

道人海上來訪我江外寺春風吹行李飄搖不得住手

中主人書足下千里路臨行請一語懇款遇外慕人生

未入道所至皆旅寓急參庭前柏會取末後旬相逢與

相別惟此是先務

郡會分韻得蠻字



柳外高樓四面山使君攜客共躋攀塵埃不動日方永  
桃李無言春自閒未厭簿書時到眼每逢詩酒亦怡顏  
夜闌一倍園林勝尚覺清歌欠小蠻

郡會賞牡丹分韻得裳字

敢辭深坐懶衣裳便欲追陪恐病妨小戶長憂勸酒滿  
短才仍怯和詩忙牡丹花在逢寒食群玉山如望洛陽  
不是使君尋舊賞更無人會憶姚黃

次蔡楠韻

交舊悠悠西復東建昌南望水連空蔡侯念我有新句  
猶似灞橋風雪中

送王提舉赴淮東七首

君為千里行我此一坐住清風隨畫舸已過江北路  
君如暑伏冰所至自清靜翛然接新秋已復天地性  
隨行萬卷書既足以自娛因知君所樂不在使者車  
入門雖多塗其究有安宅君能識其然一語在物格  
學道貴積習天地故相似不容有秋心豪髮在胸次  
海陵我舊游歲月亦已久不知兵火後尚有昔人否  
官閑有新作寄我莫憚遠兼書海陵事令我開病眼

送財用崑開化二首

年來相聚欲無言懶說諸方五味禪所恨崑程太匆遽  
不收吾骨瘴江邊

疾病支離欲著床爾來殊不負秋陽頭童齒豁西風裏



尚費縈簾一炷香

謝范子儀見寄因次其韻

疾病深藏一事無眼從昏澁廢看書清詩忽覩驚人句  
遠道如瞻使者車頗放溪山時入座不妨賓客醉騎驢  
傳家事業風流在早晚還朝得盡摠

謝周侍郎送木瓜

染以猩猩血緣以刺繡文天生此碩果似是百果君杯  
槃快先覩便足張吾軍雅宜椽燭照正合侑金尊環橙  
與大柑其從蓋如雲我病日已衰故人時見存晨興有  
奇事此果蒙先分開緘見珍異坐使童僕奔把玩不去  
手舉室生清芬所恨茅屋底著此大不倫瓊琚永不報

拙句聊相聞

謝幽巖長老送荔枝二首

年來疾病日衰頹咫尺閩山懶便回不是幽巖老尊宿  
更無人寄荔枝來

荔子焦乾久未嘗今年霜下始聞香幽巖闊畧菴前事  
容得先生為口忙

撫州俞隱居挽詩

臨川俞處士獨擅隱居名懶倦不復出風流聞後生自  
甘長寂寞肯作太鮮明松柏新阡路傷心秋後聲

贈汪信民之子如愚

四海同門一信民近淮來往七經春生平坎壈不如意



死去聲名多悞人漫以文章付兒子畧無豪髮仰交親  
講君但自傳家學陋巷簞瓢莫道貧

謝曾台州送梅

不辭深坐轉衰頽養病仍無酒一盃尚喜故人相勞苦  
臘前先送一枝梅

甕間吏部久不見江東步兵那得知故人憐我太寂寞  
一枝梅送兩篇詩

送范子儀將漕湖北五首

君行欲何之乃在湖水北湖水多近縣使者易為德其  
民淳而古其吏朴且直官閒足賓客歲稔少盜賊得君  
清靜化用教不以力但自養根苗勿苦厭蝨蟻

許昌無事時地固多英豪况君忠宣子譽望素已高讀  
書不出戶俛首自作勞脫身走江南始為時所褒每念  
其先人水靜絕波濤時從文字嬉餘事及風騷

忠宣在朝廷每欲消薰與以我廣大心盡使變齊魯同  
門有不察平地鬪豺虎君昔住許昌閉口不復吐靜思  
前人意皆是神所許自守泥塗間肯復計齟齬

令兄守家學曰自文正始惟不早小官至死而後已其  
間有富貴乃是偶然爾人欲學古人豈不識此理柰何  
厭貧賤乃不退就已君今又蹈之可為吾黨喜

我懶百事廢尚叨交舊知時蒙寄書來索我送行詩我  
詩老益退久為人所嗤君獨不見鄙論相不舉肥送君



湖北去無事隔山陂時應有佳句尚足慰相思

梅花二首

白玉花頭碧玉枝水邊籬下雪晴時暗香別有闌情處  
却是春風未得知

占得先開不待春風饜雪虐長精神老人不是尋花看  
要與尊壘洗世塵

周承務鄉求諸已齋

為~~不~~不為自貴久不貴速人皆求其餘我獨心易足人  
皆重外慕我獨御其獨閉門想顏子默坐相追遂壽夭  
有定分簞瓢乃其福修身雖多途要在不遠復

送程伯禹歸浮梁

不見程公二十年上饒相遇各華顛平生氣節君先立  
老去安閑我未然即看歸來上廊廟未容休歇住林泉  
飽山閣上憑欄處合得逍遙第一篇  
疾病因循懶出門茅簷終日坐昏昏雨聲點滴松藏寺  
人迹稀疎犬吠村時得使君相勞苦勝于書札問寒溫  
只應此去添憔悴又欠先生酒一尊

寄題王珉中玉通判夢山堂

青山甚不遠每因塵事疎百念攪胸次豈知山有無君  
無適俗韻常似山中居出處本無二夢覺固不殊不知  
此山堂始性從何途未嘗走道路亦不用舟車溪流與  
山色相對若有餘此地甚閑曠如君心地初行雲映遠



樹中有此田廬如今遂安處始驗實不虛得非神所相  
無乃道力扶親朋在左右不待折簡呼往來一笑樂勝  
有十輪朱何須從范子辛苦泛五湖亦不學沮溺遠去  
斯人徒從審萬事表在我不在渠欣然理前夢已勝在  
華胥

去冬以紙衾遺劉彥冲劉有詩來謝以二絕句  
荅之

初無一物獻高人紙被封題意却真想得蒙頭忘百慮  
滿山風雪自成春  
錦綉堆床已不宜芬芳淑郁又成癡心知此被無他巧  
能與山翁換好詩

送曾季直下第歸臨川

老病侵凌重別離爾來瘦欲不勝衣信州城北荒山寺  
兩送親知下第歸  
曾子不愁歸泥路臨行索我送行詩頭童齒豁裏頽甚  
不似京城相別時

送趙十一弟之官南安

君為千里行我有一尊酒把酒持勸君欲以為君壽南  
安傍庾嶺瘴癘亦時有德人固天相和氣生戶牖斯民  
得安樂如我屈伸肘居然變遠俗共感賢太守我病居  
上饒忽忽歲月久杜門百事廢亦復厭奔走得君暫相  
從感歎成皓首頗念河朔時相從誦詩否人生只此是



不必更抖擻有便即寄書頻來問衰朽

寄劉彥冲兼寄胡原仲劉致中

故人別去兩經冬今歲書來第幾封正以空疎少製作  
不因窮約廢過從養生漫說終難效學道無心亦未逢  
若問真歸是何處五更常聽寺樓鐘

去歲嘗以紙被竹簡遺劉致中後為大水所漂  
致中有詩以二絕句荅之

念君無愛亦無求一室翛然冷欲秋尚恐深居有餘念  
更將衾簡委洪流  
紙被公無笑不才兩公相繼有詩來五更睡足天昏黑  
也似他人錦繡堆

吳傅朋游絲書

君不見往時文學顧八分中郎之後典型存又不見先  
朝文惠書堆墨大榜濃雲照南北未似只今上饒守靜  
寫游絲不停手非煙非雲斷復續緩步徐行不拘束斷  
崖一落千丈滑遠望筆行如一髮鬼神竭力覩不見鐵  
礦消亡網作線線舞飛揚不自由縱橫自在勝銀鈎知  
君此意非安排妙處不從筆下來心凝形釋萬事去信  
手却立無纖埃滿堂回頭莫見猜我自悟此忘胸懷操  
舟相馬在事外顏氏識此由心齋如君下筆少有意錦  
繡寧不悞剪裁君惟無心故若此秋豪自可纏風雷鍾  
王斂手謝不敏長史懷素暫衰頽病夫覩此心目開向



來窮愁安在哉

東萊先生詩集卷第二十

終

文集莫盛于唐亦莫盛于本朝唐則韓退之柳子厚本朝則歐陽文忠公實為之冠是數公固出類拔萃巍巍乎不可尚已編次而行于世退之則李漢子厚則夢得文忠公則東坡先生或其門人或其故舊又皆與數公深相知蓋知之不深則歲月先後是非去取往往顛倒錯亂不可以傳近世張文潛秦少游之流其遺文例遭此患知與不知之異也東萊呂公居仁以詩名一世使山谷老人在其推稱宜不在陳無已下然即世多歷年所而編次者竟無人焉墨客詞人相視太息曰公所謂知吾者希則我者貴歟儀真沈公宗師名卿之子少車聲有奇志方黨禁未解時不顧流俗專與无祐故家厚



公尤知之往來酬唱最多沈公之子公雅以通家子弟  
從公游公稱之甚乾道初无幾就養吳郡時公雅自尚  
書郎擢守是邦暇日哀集公詩畧無遺者次第歲月為  
二十通銀板置之郡齋蓋公之知沈氏父子也深故公  
雅編次之也備幾亦受知于公者也公雅用是屬幾題  
其後竊自伏念與公皆生于无豐申子又相與有連雅  
相好也紹興辛亥幾避地柳州公在桂林是時年皆未  
五十公之詩固已獨步海内幾亦妄意學作詩公一日  
寄近詩來幾次其韻因作書請問句律公察我至誠教  
我甚至且曰和章固佳本中猶竊以為少新意又曰詩  
卷熟讀治擇工夫已勝而波瀾尚未闕欲波瀾之闕須  
令規模宏放以涵養吾氣而後可規模既大波瀾自闕  
少加治擇功已倍于古矣幾受而書諸紳今三十有六  
年顧視少作多可愧悔既老且病無復新功而公之墓  
木拱矣觀遺文為之絕歎因記公教我之言于篇末使  
後生知前輩相與情實如此且以見幾于公之言雖老  
不忘也乾道二年四月六日贛川曾幾題

